

16654

ԺԱՆ ԳՅ ՄՈՐԴՅԱՆ

ՓՈՐՁ ԱԶԳՈՒԹԻՒՆՆԵՐԻ ՄԱՍԻՆ

Ա. ՄԱՍ

ԱԶԳՈՒԹԻՒՆՆԵՐԻ ՀԱՐՑԸ

Բ. ՄԱՍ

ՀԱՅԵՐԸ

(ՄԵԿ ՀԱՅԱՐՔ ՄԵԶ)

Թ. Ա. Շ. Մ. Ա. Ն. Ե. Յ

Յ. ՊԱՐՍԱՄԵԱՆ

ԹԻԹՎԱՅԻՆ

Տպ. „ԱԼ.ՕՎ.Օ“ Դիմագիշենկայա № 1

1917

323.1
Մ-92

0-15

9

W

26 SEP 2006

15 JAN 2010

323.1

IP-92

ԺԱՆ ԴԸ ՄՈՐԳԱՆ

ՀԱՅՐ ՀԱՅԿՈՒՐԵ ՓՈՐՉ ԱԶԳՈՒԹԻՒՆՆԵՐԻ-ՄԱՍԻՆ

Ա. ՄԱՍ

ԱԶԳՈՒԹԻՒՆՆԵՐԻ ՀԱՐՑԸ

$$\begin{array}{r} 1005 \\ \times 219637 \\ \hline \end{array}$$

F. ՄԱՍ

ՀԱՅԵՐԸ

(ՄԵԿ ՀԱՏՈՐԻ ՄԵջ)



12419

ԹԻՖԱՆԻ
Տպ. „ԱԼՈՎՈ“ Գիմնազիչեսկալա № 1
1917

16659

ՏԵՍ 938 Յ 5
104.07.2013

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԹԱՐԳՄԱՆ ԶԻՑ

Հայկական հարցի շուրջ Եւրոպայում վերջերս լոյս տեսած երկերից թարգմանելով ֆրանսիացի նշանաւոր հնախոյզ, պատմաբան ու գրագէտ Ժան զը Մորգանի ներկայ գիւղը, մենք նկատի ենք ունեցել գլխաւորաբար տալ այն պատկերը, որով ներկայանում է այդ հարցն եւրոպական քաղաքական մտածողութեան առջև մեր ցեղի և երկրի ընկերային, տնաեսական ու քաղաքական տևեալների հիմնն վրայ:

Նրա առաւելութիւնն է կազմում այն հանդամանքը, որ սա լոկ հայկական ողբերգութեան մի նկարագրութիւնը չէ, կամ մարդասէր հոգիների կարեկցութիւնից բղխած մի գեղօն՝ մեր կործանւած հայրենիքի, յօշութած ազգի նշխարների և բեկորների պահպանման ու վերականգնման պլոպագանդին նւիրուծ, – ոչ, սա մի լուրջ ուսումնասիրութիւն է՝ գիտական հողի վրայ:

Գրքի Ա. մասը խօսում է ազգութիւնների հարցի մասին՝ ընդհանրապէս, ուր հեղինակն իր տեսակէտներն է պարզում ազգութիւնների ծագման, ազգութեան ներկայ բժբանողութեան և նրա ինքնորոշման համար պահանջող իրաւական-քաղաքական տևեալների մասին:

Բ. մասը յատկապէս նւիրուած է հայերին, ուր Ժան զը Մորգանը հիմնւելով Ա. մասի գիտական վերլուծութեան նախադրեալների վրայ, մեր պատմական, ինչպէս և տնաեսական ու քաղաքական նորագոյն կեանքի ամփոփ, քայլ ամբողջական մէջբերումով հասնում է իր առաջադրած եղակացութեան – հայերի ինքնորոշման և «Նոր-Հայաստանի» տերիտորիալ վերականգնման անհրաժեշտութեանը:

Բայց թող հեղինակն Դնքը խօսի իր գրքի մասին, «Ես ցոյց եմ աւել, ասում է նա, թէ որոնք են հայերի ակնկալութիւնները, թէ նրանց ակնչերն ինչպէս կարող են իմագործել և որքնք են նրանց տւեալները՝ ազգային իրաւունքների վերահաստատման ինդրում: Ես



2263

մատնանշել եմ Հայաստանի քաղաքակրթիչ դերը՝ աւելի քան երկու հազար տարուց ի վեր. խօսել եմ եւրոպական ժողովութեների հետ նրա ռանդեցած բնական կապերի, արեւելան բարբարութեան հակապատկերը կազմող նրա ազնիւ հակումների մասին. ես գովել եմ հայերի աւանդսապահ ոգին, ժամանակին մի մեծ ու հզօր ազգի պատկանելու հպարտութիւնը. Յոյց եմ աւել, որ հայ ժողովրդի յոյսերը կարող են բաւարարել. Ես պարզել եմ նոյնպէս, որ մեծ պետութիւններն ինչպիսի առաւելութիւններ ձեռք կը բերեն՝ այդ արդարացի ակար կատարելով։

Ժան դը Մորգանն այդ կերպով թարգմանը հանդիսանալով դաշնակիցների հայտսէր շրջանների արդէն բաւական որոշ ձևակերպւած հասարակական կարծիքին, միաժամանակ ջերմ հաւատացող է հայերի վերածնութեանը. Նա այդ հաւատաքը հետեւալ կերպով է արտայայտում վերջերս Պարփում լոյս տեսած «Վերածնունդ» ամսագրի յուլիսի համարում։

«Քսան անգամ այլափոխւց երկրի երեսը, բայց հայ ազգը, փիմնիկ թոշունի նման, ամեն անգամ էլ վերածնեց իր ամիւնից։»

Պէտք է նկատենք, որ բնագիրը հրաարակւել է ուստահան յեղափոխութեան նախօրեակին, առանց նկատի առնելու ներկայ միջազգային քաղաքականութեան այդ խոշոր գործօնի, ինչպէս ե պատերազմի յնտակայ ընթացքի առաջացնելիք հաւանականութիւնները։ Բայց նա գծել է այն ուղին, որով բնթանում է հայ գաաին համակիր եւրոպական քաղաքական մտածողութիւնը՝ յենելով մեր երկրի այժմեան իրական պայմանների վրայ։

Յուսանք, որ այս աշխատութիւնը լուրջ ուշադրութեան նիւթ զառնալով կը նպաստէ մեր հարցի շուրջը հայ հասարակական կարծիքի գիտակցական մշակման^{*)}։

Օգոստոս, 1917

Յ. Պ.

*) Պարտը ենք համարում մեր ջերմ չնորհակալութիւնը յայտնել պ. Արշակ Զօպանեանէն, որ «Հայաստանի» զիմումին վրայ, ճեղինակի բարեհաճ թոյլտութիւնը ստացաւ այս գորքի թարգմանութեան համար։

ՓՈՐՁ ԱԶԳՈՒԹԻՒՆԵՐԻ ՄԱՍԻՆ

ԱՌԱՋԻՆ ՄԱՍ

ԱԶԳՈՒԹԻՒՆԵՐԻ ՀԱՐՑԸ

Բոլոր խնդիրներից, որոնցով իրաւացիորէն զբաղւում են իմաստասէրները, ամենակարևորն է անշուշապգութիւնների հարցը՝ այսինքն՝ մարդկային էակների համաչափ խմբաւորման խնդիրը, համաձայն իրենց աւանդութիւնների, ձգտութիւնների, կեանքի իդէալի։

Ընկերացյին հարցը, որ, մի դարուց աւելի է, այնքան գժւարութիւններ է յարացանում, որ միշտ վերիվայրութիւններ է առաջացրել պետութիւնների կեանգում, սերտ կապակցութիւն ունի մարդկային զանազան խմբակցութիւնների միջև գոյութեան իրաւունքի բաժանման հետ. Այս հարցն ապահովաբար արդարացէր մարդկանց մէջ իսկ չի գտնիլ բոլոր այն բաւա-

բարումները, որոնք սպասում են ապագայից, բայց
բարդութիւնների լուրջ պատճառներ կը վերացւէին,
եթէ քաղաքական խմբաւորումներն արդարագատու-
թեամբ հաստատէին, և եթէ այդ նոր միջավայրերից
իւրաքանչիւրի մէջ ուրիշ բան չմնար, բայց անհատի
ճակատագրի մասին հոգ տանելուց, այդ դէպքում՝
դրամագլխի և աշխատանքի, արտագրողի և սպասողի
միջն գոյութիւն ունեցող յարաբերութիւնները զար-
մանալիօրէն կը դիւրացւէին՝ հասարակական շահերի
ամրապնդումով: Դրանով արդէն մի մեծ քայլ առնը-
ւած կը լինէր:

Անտարակոյս խարուսիկ կը լինի որոշել անհատի
դիրքը՝ նախքան ընտանիքի, համայնքի, ազգի դիրքը
հաստատելը: Միաւորից մեկնելով չէ, որ կապահովի
նրա յարաբերական դիրքը, այլ ընդհանուրից սկսած
դէպի մասնաւորը՝ հաշւի առնելով միջանկեալ բոլոր
հաւաքական շահերը, առանց զանց առնելու մարդկա-
յին ամեն մի ընտանիքի համար անհրաժեշտ սա պայ-
մանը, թէ անհատի շահը պէտք է միշտ զիջի զանգը-
ւածի (մասսայի) շահին: Ուստի ամենից առաջ պէտք
է զրագել հաւաքականութեամբ:

Պետութիւնը պէտք է բաղկանայ այնպիսի ժո-
ղովութիւններից, որոնք ամենքն էլ միենոյն ընդհանուր
շահերն ունենան: այլապէս նա կազմալուծման վտան-
գին կենթարկւի: Անցեալում այդ շահերն իշխողինն
էին—Հաբսբորգեան կայսրութիւնը դրա ժամանակա-
կից ամենառաջագրաւ օրինակն է հանգիսանումը—
Եխողը ժողովուրգներին ստիպում էր իրեն հնագանդ-
ւել: Այսօր այլես այդպէս չէ պետութիւնների մեծա-
գուն մասում, ուր ազգային շահն է թելագրում վե-

հապետին, թէ ինչ ընթացքի պիտի հետեւի նա: Ազգը
կարող է միատարր լինել իր բաղկացուցիչ ժողովուրդ-
ների տեսակէտից, ինչպէս Հոլլանդիան, Դանիան,
Նորվէգիան, Իտալիան, Յունաստանը, Սպանիան, և
այլն: և կամ կազմւած կը լինի տարբեր տարրերից,
որոնք միացած են պատճական աւանդութիւններով
կամ ընդհանուր շահերով, ինչպէս Շվեյցարիա, Բել-
գիա, Անգլիա, Ֆրանսիա, Ռուսաստան, և այլն: Այս
խմբաւորութիւնները շատ յաճախ կազմւել են օտարի
յաւակնութիւնների դէմ պաշտպանւելու նպատակով
և հետզհետէ առաջացրել են ընդհանուր շահերի միու-
թիւնը. «շահների միութիւն» ենք ասում, որովհետև
բացարձակ միութիւնն այս աշխարհի բան չէ և անօ-
գուտ կը լինէր նրան որօնել:

Բայց ովքե՞ր են այդ տարբեր ժողովուրդները,
պետութիւնների այդ բաղկացուցիչ տարրերը, որոնք
կազմւեմ են ազգը, խմբաւուած շահով և կամ այն
պատճառով, որ ժամանակին ինքնակամօրէն միացած
են: ինչպէս են նրանք կազմւել, խմբւել, ուժի՞ց են
գալիս: Ահա հարցեր, որոնք անհունօրէն բարդ են
ամեն մի ժողովրդի համար և յաճախ պատւած ան-
թափանցելի գաղտնիքով:

Շատ ցաւալի է, որ ազգութիւն յորջորջումը, որ
մեր օրերում շատ է զործածւում և յաճախ անիրաւա-
ցիօրէն, մնում է անորոշ և ներկայացնում է միայն
անձգրիտ ըմբռնութիւնը, որով հիմքերը, որոնց վրայ
նա կանգնած է, ինքնին հաստատ չեն, որովհետև շատ
են այն գործոնները, որոնց վրայ հաստատում է նը-
րա կայունութիւնը:

* *

Մեղ յայտնի չէ, թէ մարդն ի՞նչքան հին է երկրի վրայ. իբր կենդանաբանական էակ՝ նրա ծագումը զանազան կրօններում բացատրում է արարչագործութեամբ. նա խորհրդաւոր է մնում նոյնպէս բնական աստիճանական զարգացման տեսակէտով. նոյնքան սահմանափակ ծանօթութիւն ունինք և ժողովուրդների ծագման մասին. Նրանցից շատերի զարգացման միայն վերջին շրջաններին տեղիակ ենք, և հենց որ փորձենք թափանցել նրանց մանկութեան զարտնիքների խորթը, քանի հեռու զնանք՝ մեր աչքերն այնքան աւելի կը բաղխին թանձր մշուշների, և շուտով գիշերային խաւարը կը տիրէ այնտեղ՝ իր մթութեանը մէջ շփոթելով մարդկային բոլոր ցեղերը: Թւում է, թէ մոռացութեան գերբնական ոյժը մեզ արգելում է հասնել մինչև նրանց ծագումը:

Մեր ճանաչողութեան մատչելի այդ սահմանը նոյնը չէ բոլոր ժողովուրդների համար. այդ սահմանը գծւած է ընդհանուր ժամանակագրութեան, մէջ ցանցնւած կէտերով՝ նշանակելով այն ժամանակաշրջանը, ուր իւրաքանչիւր ժողովրդի համար սկսւում է տառերի գործածութիւնը, այն դարաշրջանը, երբ ամեն մի ազգի մէջ մարդը գտել է իր և իր ժամանակակիցների գործերի յիշատակը յաջորդներին փոխանցելու միջոցը: Դրանից գէնը սկսւում են զարտնիքները նախապատական շրջանի՝ իր անյայտ տեսութեամբ և անորոշ անհունութեամբ:

Բայտ երեսթին, քաղաքակրթութեան հայրերն են քաղկէացիներն ու եղիուղացիները, որովհետև որ-

բանք են, որ, համաձայն մեր ունեցած ծանօթութիւնների, առաջինը գործածել են տառեր: Մարդ արարածը չէ կարողացել բարձրանալ մշակոյթի համեմատաբար ցած աստիճանից՝ առանց իր մտածումը մարմնացնելու միջոցն ունենալու: Գրելու զիտութիւնը հետզհետէ տարածւց ամբողջ աշխարհի վրայ՝ իր հետ տանելով և իր պառկնիրը: Փինիկէն, Յունաստանը, Իտալիան, Հնդկաստանը հետզհետէ հրեան հանեցին երենց հանճարը և այսօր միայն քաղաքակրթապէսցած ու ապագայ չունեցող ցեղերն են, որ տակաւին հնարաւորութիւն չունին կազմել իրենց տարեգրութիւնները:

Բայց ի՞նչ է մի ժողովրդի պատմութեան տեսողութիւնը՝ նրա իսկական կեանքի տեսողութեան բաղդատմամբ: Սա մի այնպիսի գաղտնիք է, որ շուտով, կամ գոյցէ և երբէք չի լուսաբանիլ: Մարդկային բուրութեալորութեան որոշումը են կամ որոշելու վըրայ են, երբ վայելում են գրելու բարիքները: Ո՞վ կարող է մեզ մի բան ասել այդ ժամանակից առաջ նրանց գոյութեան մասին: Ո՞վ երբ և է կը կարողանայ մեզ խօսել նրանց նախապատմական տեղափոխութիւնների մասին, այն ազգերի մասին, որոնց նըրանը տապալած, ձուլած, աւերած կը լինեն՝ իրենց այժմեան բնակավայրում հաստատելու համար:

Արաբներին շատ քիչ ենք ճանաչում հիմքեթից առաջ. միայն մահմեդական աշխարհակալութիւններից յետոյ, երբ նրանց անտապատմակ ցեղերը հաստատեցին քարաքներում, նրանք սկսեցին իրենց գրոկանութիւնը: Թափառաշրջիկ եղած ժամանակը նրանք կարիք չէին զգում գրելու: Մինչև զիմա էլ չպիտենք

նրանց կեանքի բոլոր շըջանները՝ նախքան այդ դարագլուխը, որ շատ մօտ է մեզ: Նոյնքան քիչ ծանօթութիւն ունինք թիւրքերի, սկիւթացիների մասին, որոնց դերը շատ մեծ է հղել հին գարերում:

Պատմական ժամանակներում շատ ժողովուրդներ են անհետացել՝ առանց իմացւելու, թէ ի՞նչ եղան: Ո՞ւ են յաջորդները հաղեանների, փոփոքիացիների, ուրարտացիների, ետրուսկեանների և ուրիշ շատերի, որոնց ցուցակն անվերջ կը լիներ, եթէ փորձէինք կազմել: Նրանք ձուլեցին իրենց հարեանների կամ իշխողների զանգածում, ինչպէս այսօր Նոր-Աշխարհի բնիկները ջնջւում են հիւսիսային ամերիկացիների և սպանիացիների ծաւալումով:

Ամենալաւ կերպով ճանաչւած ժողովուրդների ծննդեան, զարգացման և մահեան մասին,—այն կարծ ժամանակաշրջանում, որից մեզ մնացել են նրանց տարեգլութիւնները, այսինքն՝ ամենաշատը 5 կամ 6 հազար տարի,—պատմութեան ոռվորեցրած քիչ բանը մեր երեակալյութեանը թոյլ է տալիս յետ գնալ դարերի հոսանքով և ընդնշմարել նրանց անդադրում շարժումները, յարատե կրիւները, որոնց վերջին արձագանքներն են միայն հասնում մեզ, և այդ ծանօթութիւնները մտածել են տալիս, որ այն ժամանակներում, որոնց մասին բացարձակապէս ոչինչ չգիտենք, անհունօրէն բարդ խառնուրդներ են տեղի ունեցել:

Ազգ, ժողովուրդ, ցեղ—սրանք արտայայտութիւններ են, որ ամեն օր գործածում ենք, և սակայն դըրանք մեր մտքում պատկերանում են միայն շատ տարտամ նշանակութեամբ: Բայց ի՞նչ բառերով կարելի էր նրանց փոխտրինել:

Հների աչքում՝ ժողովուրդը՝ ազգն անձնաւոր տում էին շատ յաճախ մի խումբ, մարդկանցով, որոնք ենթարկեած են միևնոյն կառավարութեան, միևնոյն տիրոջ. իսկ ցեղը հասկացւում էր որպէս միևնոյն լեզուն խօսող մարդկանց ամբողջութիւնը: Բայց այդ յորջորջումները միայն յարաբերական նշանակութիւն ունէին, որովհետեւ, ինչպէս մեր օրերումն էլ, ազգերն աշտանակում էին ցեղերի վրայ: Փարաւոնի բոլոր հըպատակները, բոլոր եգիպտացիները նեղոսի գետահովտի զաւակները չէին. Սենեքերիմի և Սարգանապաղի բոլոր զինուորները նիստէում և Կամբիւսի բոլոր զինուորներն իրանում չէին ծնւած: Հերոզոտը նկարագրելով Թսերքսէսի բանակը՝ տալիս է նրան մարերի անունը, որոնց նա շփոթում է պարսիկների հետ, և մեղ մատնանշում է Առաջաւոր Սսիայի բոլոր ժողովուրդներին՝ սեմիտականներին, իրանականներին, չելչններին, սկիւթացիներին խառնւած միևնոյն յորջորջման մէջ. յաղթւած, հպատակեցւած ժողովուրդները կորցնում էին իրենց ոզգային ամբողջութիւնը, թէ երկար զարերով զեռ պահում էին իրենց լեզուն ու տենչերը:

Այսօր Հաբսբուրգեան բանակում կան բուն աւստրիացիներ, հունգարացիներ, չեխեր, մորավիներ, լիհեր, բոսնիաքներ, իտալացիներ, իսկ ոռոսական զօրագունդերը պատկանում են հարիւրաւոր տարբեր ժողովուրդների՝ ոռուս ընդհանուր անւան տակ:

Դա պետութեան հին ըմբնութիւն է, որ իր արժեքաւորման զագաթնակէտին հասաւ հոռվմէական կայսրութեան օրով—մի ինքնասէր քաղաքական կազմակերպութիւն, որ գէմ էր ամեն ազգայնական գա-

զափարի, արհամարհու գէպի թոյլը, տիրական, համարեա ստրկացնող՝ գէնքով կամ զիւանագիտական ճարպիկութեամբ տիրապետած ժողովուրդների հանդէպ:

Բայց թնջպէս սահմանել ազգութիւնը, որպէսզի կարելի լինի նրան տալ իր բոլոր իրաւունքները: Մարդաբանական տեսակէտով նա գոյութիւն չունի, որովհետև այդ զիտութիւնը, որի վրայ այնքան մեծ յոյսեր էին դրած, դեռ ևս չէ կարողացած դասաւորել մարդկութիւնը, թէկուզ տարտամօրէն որոշած կատեգորիաների վերածել նրան: Նա ասում է, թէ մենք (Փրանսիացիները) ազգակէց ենք սիմիէսկներին (simiesque), բայց մեզ չի օգնում կանոնաւորելու մեր գոյութիւնը՝ իրարից զատելով այն ժողովուրդներին, որոնք չակար է միացած լինեն: Ուստի մարդաբանութիւնը շատ միջակ կարեւորութիւն ունեցող մի արդիւնք է տւել:

Եթէ արտայայտւելու ձեռում հետեւինք ընդհանուր սովորութեան, եթէ մեր գործածած բառերին տանք միայն իրենց ընթացիկ արժէքը, առանց զիտական քիչ թէ շատ արդարացի ճշգրտութերի մէջ մտնելու, կարող ենք ասել, որ այն անկանոնութեան, որի մէջ ապրում է մարդկութիւնը, պատճառն է ցեղերի իրարու հետ չափազանց խառնւած լինելը. որ ազգը, ինչպէս որ ըմբռնում ենք նրան քաղաքական տեսակէտով, կազմւած է բազմաթիւ տարբեր խաւերից, և որ այդ հիւսւածքի միջն, շրջապատի և բնավայրի ազգեցութեամբ, շատ գէպերում անհետացած են այն ձեւերը: որոնց վրայ մարդաբանութիւնը յոյս ունէր յեն-

ւել, և որպէս բոլոր պարագաներուն էլ խարուսիկ են:

Կենդանիների, ինչպէս և բոյսերի մէջ շրջապատնու միջավայրը շատ մեծ, կրբեմն էլ գերակշիռ դեր են կատարում ձեւերի զարգացման խնդրում: Բոլոր բնապաշտները համաձայն են այս կէտում: Մարդու մասին էլ համանման դիտողութիւններ կարելի է անել. բայց քանի որ մննը շատ քիչ փաստական տվեալներու ունենք մարդկութեան նախատիպի վերաբերեալ, որովհետև կենդանաբանական այս դասակարգում իրարից շատ հեռու նախադրեալներ միայն ունենք, շատ զժւար է եղակացութիւններ հանել հին ժամանակների մասին, և այժմեան մարդու նկատմամբ մեր դիտողութիւնները կարող են լինել միայն շատ կարճաւու մի ժամանակաշրջանի վրայ. բայց և այնպէս շրջապատի ազդեցութիւնը խիստ յատակօրէն է երկան գալիս շատ գէպերում: Ես կը յիշեմ, ի միջի այլոց, օսեթին ժողովուրդը, որ բնակւում է կովկասան մեծ լինաշղթայի կենտրոնում և խօսում է իրանական մի բարբառ: Նրա ֆիզիքական տիպը փոխւած է՝ հազարաւոր տարիներ ապրելով քարթւելական ցեղի մարդկանց միջն, և թէ ամուսնութիւններով, թէ շրջապատի ազգեցութեամբ ստացել է կովկասեանների մարդաբանական բնոյթազծերը:

Ինչպէս կարծում են կանխակալ գաղափարներով համակւած մի քանի հեղինակներ, չէ կարելի ընդունել, որ ձեւափոխութիւնը կատարւած լինի լեզւի, այլ ոչ թէ ֆիզիքական տիպի մէջ, որովհետև օսեթիւնները հեռացած լինելով ամրող իրանական ժողովրդից, ոչ մի պատճառ չունէին լքելու բարբառը, քանի որ ապրում էին քարթւելական լեզւի միջավայրում:

Այդքան երկար ժամանակամիջոցում լեզւի այդպիսի մնայունութեան պատահում ենք ամենից աւելի լիոնագաւառներում, ուր խառնութղներն աւելի դժւար են կատարում, քան դաշտավայրերում։ Դրա աչքառու օրինակն են հանդիսանում ի միջի այլոց Բասկեան երկիրները։ Գալով այն ժողովուրդներին, որոնց հայրենիքն աւելի դիւրամատչելի է մեր զիտողութեան, պատմութիւնը սովորեցնում է, թէ բոլոր նրանք, որոնց այսօր նկատում ենք քաղաքական, նոյնիսկ ազգային միութիւն կազմած վիճակում, բաղկացած են բազմաթիւ տարբեր, յաճախ խիստ այլասեռ տարբերից։

Օրինակ, իտալացին իր երակների, մէջ ունի հոռվմէական կայսրութեան մէջ ընակւող բոլոր ցեղերի արիւնը, մասնաւորապէս այն ժողովուրդների, որոնք նպաստեցին իտալիայի կազմութեան և կամ տիրեցին նրան։ Յոյները (գորիացիներ, յոնիացիներ, կրետացիներ, և այլն) ետրուսկեանների, եւնոտրեանների, գալլերի, փիւնիկեցիների, պելասգոսների և ուրիշ շատ հին ժողովուրդների հետ կազմեցին մի հիմք, որի վրայ եկան պատւաստել գերմանները (գոթերը, վանդալները), ֆրանսիացիները, նորմանները, սպանիացիները, չերնոգորիացիները, արաբները և այլն, առանց հաշւելու դարաւոր ստրկութեան, զաւառներից եկած լեզիոնների առաջացրած զանգւածները, առանց խօսելու նաև նախապատմական ժամանակի մարդկանց մասին։ Բոլոր այդ տարբեր բաղադրւեցին, ձուլեցին զանագան համեմատութիւններով՝ շատ բաղդրութիւններին տալով առանձին շրջանի բնոյթ, որ տռաջանում էր այս կամ այն բնիկ տարբեր գերա-


կշառութիւնից. դրանց ամբողջութիւնը կազմում է այսօրւայ իտալացուն։

Ֆրանսիացին, որին հանդիպում ենք Պարիզի փողոցներում, նոյնակէս խառնուրդ է բազմաթիւ ժողովուրդների, մասնաւորաբար կելտերի, լիգուրեանների, երերացիների, իտալացիների, սպանիացիների, բասկերի, բրըտոնների, անգլիացիների, լատինների, գերմանների, սկանտինաւեանների (northmans), զանազան գաւառներում մէկ կամ մի քանի տարբերի գերակշռութեամբ միւսների վրայ։

Հիւսիսային Գերմանիայում կան սկանտինաւեաններ, սլաւոններ, հրէաններ, Անգլիայում՝ բրըտոններ, անգլներ, սաքսոններ, ֆրանսիացիներ, իրլանդիացիներ, սկովտիացիներ, նորմաններ, առանց հաշւելու հոռվմէական տիրապետութիւնից տուաջ այնտեղ ապրող ժողովուրդների և անգլիական հակայական գաղութներում ամէն օր տեղի ունեցող խառնուրդները։

Միենոյն արդիւնքը կը տար ոչ միայն եւրոպական, այլ և աշխարհի բոլոր մասերի տարբեր ցեղերի քննութիւնը. այսուամենայնիւ՝ այն դիտողութիւնների համաձայն, որոնց վրայ կարող ենք յենել, նորակազմ պետութիւնների մէջ է, որ նկատում ենք ամենամեծ խառնուրդը, օրինակ՝ Թիւրքիան *) և Հիւ-

*) Անկարելի է ճշգրիտ վիճակագրութիւն կազմել օսմանեան լծի տակ գտնուող ժողովուրդները բնութիւն մասին, որովհետեւ թուրքերը անբաւարար համարում են նպաստակներով յաճախ չափազանց խարսխաց ցողազարդութիւն պահեն։ Սակայն ինչ-ինչ շբջանների ամառ կարելի է օսմանոր թեր տալ ներկայ գործ պէս մի բնանաւոր ուղղումասինութեան մէջ, ոչ թէ



սիսային Ամերիկայի Միացեալ-Նահանգները Առաջինը
հիմնած է աշխարհակալութեամբ և բանի ոյժով ձու-
նելով յաղթւած ժողովուրդներին, որոնք արդէն այն-
քան մահացու հարւածներ էին ստացած ասորական
գերակայութիւնից, պարսիկների և յոյների տիրապե-
տութիւններից բիւզանդական բեժիմից և ուրաբական
իշխանութիւնից, երկրորդը հիմնած է գաղթականու-
թեամբ, նախկին ժողովուրդն անհետացնելով և նրան
փոխարինելով գաղթականներով, ինչ ծագումից էլ որ
լինէին:

Առաջին դէպքում թուրքերէնը դարձաւ լնդհա-
նուը զործածական լեզուն, որովհետեւ իշխողների լե-
զուն էր: Երկրորդ դէպքում անդլիիրէնն իշխեց՝ իրս

հանտատելու համար, թէ այս կամ այն գաւառը պէտք է պատ-
կանի այս կամ այն ազգութեան, այլ պարզապէս շոյց տալու հա-
մար, թէ Առաջաւոր Սովիայի մի քանի մասերում ինչքան մեծ է ցեղերի խառնուրդը.

Ծրջան Ա. Հայաստանում, 100 հոգուց

Հայեր	46,70 %
Թիւրքեր	35,40 »
Թիւրքեր	10,20 »
Յայներ	3,30 »
Զանազան	4,40 »

Մահմեդականներ	45,60 »
Քրիստոնեաններ	50,00 »

Մի ուրիշ տես, Ծրջան Բ. Դարձեալ Հայաստանում.

Հայեր	18,20 %
Թիւրքեր	70,30 »
Թիւրքեր	3,10 »
Զանազան	8,40 »

Մահմեդականներ	73,40 »
Քրիստոնեաններ	18,20 »

այդ եւրոպական գաղթավայրի սկզբնական միջուկի
խօսած բարբառը: Վաշինգտոնն ամերիկացի դառնա-
լուց առաջ անգլիացի սպայ էր:

Հետաքրքրական է միջանկեալ յիշել և Կովկասը,
այդ բնական պատճէցը, որ բազմահազար տարիների
ընթացքում պատւար է ծառայել նատակեաց Ասրային
թափառաշրջիկ Եւրոպայի դէմ: Կարող էր թւալ, թէ
այդ լեռնաշղթայից անցնել փորձող բոլոր ժողովուրդ-
ներն իրենց հետքերը թողած կը լինեն քարթւելական
հին ժողովուրդների միջն: որովհետեւ այդ լեռներում
խօսում են հարիւր քսան տարբեր լեզուներ, որոնց
կէսը Դաղստանում, Դերբենտի նշանաւոր կիրճի մօտ
— միակ ճեղքը, որտեղից կարող են կատարել ներ-
խուժումները: Այդտեղ ամեն մի ձոր պարունակում է
առնւազն մի ցեղ, բոլորովին տարբեր իր հարկաննե-
րից թէ բարքերով և թէ բարբառով, և անշուշտ նաև
ծագումով: Մի քանի տարիների, մի քանի դարերի
ընթացքում գուցէ կորչի այդ բարբառների մեծագոյն
մասը՝ տեղի տալով ոռւսերէնին: Մեծ զարմանք կը

ինչպէս տեսնում էք, առաջին շրջանում քրիստոնեաները
մեծամասնութիւն են կազմում, իսկ երկրորդում՝ մահմեդական-
ները:

Ծրջան Գ. Հիւախս-արեւմտեան Հայաստանում.

Գիւղերում	Քաղաքներում	Բնդէ. միջին
Հայեր	48,10 %	32,15 %
Թիւրքեր	26,20 »	41,50 »
Լազեր	5,30 »	0,25 »
Հրէաներ	—	4,10 »
Յուներ	20,30 »	17,20 »
Զանազան	0,10 »	5,80 »
Մահմեդականներ	31,50 »	41,75 »
Քրիստոնեաններ	68,40 »	58,35 »

պատճառէր այսօր իսկ այն մարդաբանը, որ փարա-
տէր այս քառուի մշուշ՝ զանց առնելով լեզւաբանու-
թեան օժանդակութիւնը:

Եթէ մարդաբանութիւնը վրիպել է ժողովուրդ-
ները գասակարգելու հարցում, գրա պատճառն այն է,
որ ի զուր յենուում է միայն ֆիզիքական տւեալների
վրայ, քանի որ ֆիզիքականի բնոյթագծերը, որոնք
այսօր անձանաչելի են, գուցէ միշտ էլ անձանաչելի
են եղել: Դիտողութեան գիտութիւնը կարող է գնա
հատելի արդիւնքներ տալ միայն այն ժամանակ, եթք
յենու ստոյգ յատկութիւնների վրայ, որոնց կարելի
լինի վերլուծել կատարեալ վստահութեամբ և մեկնա-
բանել անվիճելի կերպով: Արդ, մարդաբանութիւնն

	Գյուր, Շքան Դ., Նոյն տեղում.	Գիւղերում	Քաղաքներում	Ընդհ. միջին
Հայեր	11,60 %	32,30 %	21,85 %	
Թիւրքեր	58,10 >	28,50 >	43,30 >	
Հրէաներ	—	8,10 >	8,10 >	
Ցոյներ	20,40 >	19,60 >	20,00 >	
Լազեր	9,00 »	—	9,90 >	
Զանազան	—	11,50 >	11,50 >	
Մահմեդականներ	68,00 >	28,50 >	53,20 >	
Քրիստոնեաններ	32,00 >	51,90 >	41,80 >	

Այս թւանշաններն իմ ճանապարհորդութեան նօթերի հա-
մառօտագրութիւններն են և չեն կարող նկատել իբր բացարձա-
պէս ճիշտ: Նրանք մօտաւոր թւեր էին իմ կազմած ժամանակ,
և այսօր անտարակոյս անձիշտ են: Բայց գրանք ցոյց են տալիս,
որ Ա. և Գ. շըջանները հայկական են, Բ. շըջանը քրդական և
Դ. շըջանը թիւրքական: Նրանք ցոյց են տալիս նաև, որ Գ. շըջ-
աննի գիւղերում և քաղաքներում հայ տարբն է գերակշռում,
իսկ Դ. շըջանում հայ ժողովուրդը զարութների ձևով է հաս-
տառած քաղաքներում, մինչ զաշտը թիւրքական է:

այդպէս չէ: Այս գիտութիւնն իբր սկզբունքը ընդու-
նում է, որ ձեերի տարբերութիւններն առաջանում են
ժառանգականութիւնից (ատաւիզմից), մինչ նրանք
գուցէ հետևանքն են միջավայրի ազդեցութիւնների
կամ մի բոլորովին այլ բանի, որ անըմբոնների է մեկ
համար: Դիտութիւնն իբր բոլոր ձեւների մէջ մի դա-
րուց ի վեր անում է այնպիսի գիւտեր, որոնք տա-
պալում են մեր հայրերի կարծիքները. ինչու ուրեմն
ենթագրել, որ նոյնը չէ կարող պատահու կենդանա-
բանական ձևն փոխման կանոնների հետ, եթք բնու-
թիւնը կառավարող օքէնքները մեծ ժամանք գեռ ան-
ծանօթ են մտւմ մեզ:

Մարդաբանութիւնը շատ այլամերժ է. նա ար-
համարանքով հրաժարւեց օժանդակութիւնից այն գի-
տութիւնների, որոնց աջակցութիւնն օգտակար կը լի-
նէր նրա համար, ի միջի այլոց լեզվի ուսումնասիրու-
թեան, որ է և կը մնայ միշտ լաւագոյն ուղեցոյցը
մարդկային սեռի դասաւորման համար:

Լեզւաբանութիւնը վերլուծելով զանազան բար-
բառները՝ խորապէս կը թափանցէ իր ուսումնասիրու-
թեան հնթակայ ժողովուրդների հոգու, այն աւանդա-
կան հակումների մէջ, որոնք մնում են մարդկանց
կողմից իրարու և կամ բնութեան կողմից մարդկանց
հասցւած յեղաշրջումների մեծ մասի միջով անցնելով:

Իւրաքանչիւր ժողովրդի լեզուն յարմարւում է
նոյն ժողովրդին, որովհետեւ թարգմանն է հանդիսա-
նում նրա մտածելակերպի, զգացումների. որովհետեւ
բարբառը կաղապարւած է ազգային նկարագրի վրայ,
ձևափոխւած է նրա հետ միասին, ամեն ըստէ հազոր-
դակից է եղած հասարակական հոգու մէջ տեղի ունե-

յած փոփոխութիւններին, ծառայած է այդ ժողովրդին:

Բոլոր լեզուները, ինչպէս մեր, նոյնպէս բարբարոս ժողովուրդներինը, ենթարկուում են շարունակական կերպարանափոխութիւնների, որովհետև իրար յաջորդող սերունդներն իրարից տարրերուում են իրենց կարիքներով, իրենց արտաքին յարաբերութիւններով, կեանքի նկատմամբ իրենց ըմբռնումով։ Այսօր ոչ մի քրանսիացի չի մտածիլ վերարտագրել զը ժանսիլի կամ Ռաբըլէի խօսած քրանսերէնը, և 16-րդ ու 17-րդ դարերու գեղեցիկ լեզուն ներկայումս միայն զրականգետներն են հասկանում իր բոլոր նրբութիւններով։

Ինչպէս որ լեզուն չէ կարող յետադարձ ընթացք ստանալ դէպի անցած դարերը, նոյնպէս նա միայն հարկանցիօրէն է փոխանցուում մի ցեղից միւսը, և փոխադրելով այլուր՝ նա ոչ երբէք իր հետ չէ տանում իր բոլոր պտուղները։ Օտար երկրում ծնւած մարդու համար նոր երկրի լեզուն մնում է միշտ մի օտար բարբառ։

Օրինակ, Քրանսահպատակ գերմանացին խօսում է Քրանսերէն, բայց խորհում է իր տեսոննեան մտայնութեամբ, և ակամայ՝ իր երեխաններին դաստիարակում է իր իսկ ունեցած զգացումներով։ Շատ սերունդներ են հարկաւոր ջնջելու համար հարազատ մշակոյթը, որպէսզի հոգին հնարաւորութիւն ստանայ իւրացնելու մի այլ ցեղի բարոյական ու իմացական բոլոր նըրերանդները, որպէս զի մտայնութիւնն ամէն տեսակէտով նոյնանայ նոր հայրենիքի հին բընակչի մտայնութեան հետ։

Բանն այն է, որ այդ իւրացումը կախում ունի մի շարք ժառանգական պատճառներից՝ բնախօսական,

բարոյական ու իմացական։ Բոլոր եղիները չունեն ուղեղային միենոյն գործունէութիւնը՝ ֆիզիքական միենոյն կազմը։ ամեն ցեղ ունի իր առանձինութիւններն ու թերութիւնները, որոնք առանձ կամ ուայ չափով բնական են։ Այս ճշմարտութիւնը, որ բնական պաշտներն ընկունում են կենդանիների ուժով, և առատում են անասնաբոյծերը, թէ արիւնախառնումից շատ ժամանակ անցած դեռ երեսում են բնիկ արեան յատկութիւնները, մինչ արտաքին բնորոշ գծերը համարեա ամբողջովին ջնջւած են լինում։ Նոյնն է և մարդկանց համար. բայց այս գէպօքում բնական արգելքներին գալիս են միանալու և ուրիշ խոչընդունակ ձուլման առաջ—ընտանեկան աւանդութիւնները, որոնք յաճախ հակառակն են լինում նոր միջավայրի աւանդութիւնների, գերջապէս՝ և կրօնական համոզումները, որոնք շատ անգամ թշնամական են լինում այն ժողովրդի կրօնական համոզումներին, որի մօտ հաստատել է նորեկը։

Այս տարրեր բնոյթագծերը, որոնք աւելի միայնուն են, քան լեզուն ու շեշտը, երբեմն ամբողջ սերունդների ընթացքում յարատենում են և այնպէս են անում, որ զաղթողի սերունդը դեռ երկար ժամանակ օտար է մնում այն ժողովրդին, որի ազգութիւնն ունի նա այժմ ամենը աչքին։

Լեզւաբանութեան անհերքելի առաւելութիւնների վրայ յենւելով է, որ պատմագիրներն ու աշխարհագիրները նրանով են առաջնորդուում մարդկային խօժբերը դասաւորելու համար։ Անտարակոյս, այդ ուղեցոյցը թերի է, որովհետև նա զանց է առնում սեփական լեզուն կորցրած բազմաթիւ ժողովրդների վո-

յութիւնը. բայց նա ամենաօգտակար ծանօթութիւններն է տալիս՝ ժողովութիւնների հոգեկան տարբերութիւնների և ազգակցութիւնների մասին:

Հին պրուսիացիները սլաւոններ էին, և հչ թէ գերմաններ. նրանց լեզուն մի քանի դար առաջ կորաւ, և նրանք իւրացրին գերմաններէնը: Պատճառն այն է, որ ենթարկւելով տեսոններին, խառնւելով նրանց հետ, նրանք հետզինետէ լրեցին իրենց նախնիքնների սովորոյթները՝ երևութապէս ձուլւելու համար գերման ցեղի հետ: Բայց ձուլումը սերտ չէր. նրանք պահեցին ծ կամ 6 հարիւր տարի առաջւայ ուլաւոն հակումները՝ առանց նրանց բարելաւելու իրենց իսկական ցեղակիցների հետ շփումով, առանց հետեւելու Ռուսաստանի, Լեհաստանի և Բոհեմիայի իրենց եղբայրների յառաջադիմութեանը պահելով այն ժամանակւայ կոպտութիւնը, երբ նրանք հրաժարեցին իրենց ազգութիւնից: Նրանք հետզինետէ մեծ ազգեցութիւն ձեռք բերին ամբողջ Գերմանիայում, իրենց բարբարոսական վաղեմի բնազնները զարգացրին իշխողների մօտ—մի միջավայրում, որ շատ նպաստաւոր էր կոպտութեան համար: Միթէ Գերմանիան իր ոճիններով մարդկութեան արհամարհանը կը հրաւիրէր, եթէ օտարականներ չառաջնորդէին նրան դէպի վայրագութեան իրէալը: Պէտք է կարծել, որ հչ, եթէ հաշւի առնենք բազմաթիւ գերմանացիների գրականու փիլիսոփայական ճիգերը: Այդ կոպիտ ցեղը թերևս բարեփոխւելը, եթէ օտարները չմիջամտէին նրա գործերին, նրա հոգու մշակմանը:

Այլուր, Արևելքում, մահմեգականների աշխարհականութեամբ, Առաջաւոր Ասիայի համարեա բոլոր

ժողովուրդները կորցըին իրենց յատուկ լեզուն և որ գեղեցին արարերէնը կամ թուրքերէնը: Նիտերէնը, փարաւոննեան լեզուի վերջին մնացորդը, կորաւ Նապուլէնի Նեղոսի գետահովում կտտարած վերջին արշաւանքից մի քանի տարի յետոյ. փիւնիկերէնը, ասորերէնը անհետացան, մնում են միայն քաղդէական լեզուի բեկորները:

Դրանից աւելի առաջ, սոգերի, խորազմների, բակտրիացիների լեզուն խառնւեց աֆղան և հնդիկ բարբառների հետ: Լիգիական, փոխգիական, կապա դովկեան, կիպրոսեան, կրէտական լեզուներն անհետացան՝ յունարէնին տեղի տալով և ապա յունարէնն ինըը շատ շրջաններում վահւեց թուրքերէնով:

Դիւրին էր յիշել բազմաթիւ ժողովուրդներ, որնք քաղաքական տեսակէտով ձուլւած լինելով կորցել են իրենց ինքնութիւնը՝ ձուլւելու համար իրենց երկերը գրաւողների մէջ, և այդ խառնուրդներն անտարակոյս մեծալէս փոփոխել են ձուլող և ձուլող ցեղերի սկզբնական նկարագիրը, ձեափոխել են լեզուն՝ ձուլումից առաջացած նոր ժողովրդի գրոշմը տալով նրան: Բայց լեզւաբանութիւնը զանց է առնում այդ բոլոր նախընթացները, միացնում է իրենց ծագումով ամենաանջատ տարրերը: Դա մեծ թերութիւն է հարցի գիտական կողմի տեսակէտով. գործնականում դա միակ թերութիւնը չէ, և ուզզելու փորձ անելը կը նշանակէր անօգուտ կերպով աւելացնել՝ արդէն համարեա անյալթելի գժւարութիւնները:

Ուստի լեզւաբանութիւնից ըշիշ բան չպէտք է պահանջել, եթէ ոչ մարդկանց խմբաւորել իրենց արդի լեզուի համաձայն, այսինքն՝ շատ գէպքերում նրանց

ընդհանուր հակումների համաձայն։ Անհնար է նրա-
նից սպասել ազգութիւնների առեղծւածի կատարեալ
լուծումը, որովհետև նա մի կողմից միացնում է եր-
բեմն անպիսի խմբեր, որոնց թշնամի են դարձնում
հանգամանքները կամ ոքջապատը, և մէւս կողմից՝ ո-
րովհետև նա յաճախ բաժանում է ընդհանուր շահեր
ունեցող խմբաւորումները։

Իբր օրինակ վերցնենք Հիւսիսային Ամերիկայի
Միացեալ-Նահանգներն ու Մեծն-Բրիտանիայ երկուքն
էլ աչ գլխախօս, Սպանիան և Հարաւային ու կենտրո-
նական Ամերիկայի իր հին գաղութները, Դերմանիան
և գերմանական Շլեցցարիան—երկիրները, որոնց միա-
ցումն անիմաստ է լինէր տնտեսական ու բարոյա-
կան տեսակէտով։

* * *

Բայց մի գժւարին հարց է ծագում—ի՞նչ աստի-
ճանի ազգակցութեան վրայ պէտք է կանգ առնել ո-
րոշելու համար ազգութիւնը։ Ի միջի այլոց, սլաւոն-
ներին եթէ վերցնենք, վելիկորուսներն ու մալորուս-
ները, լեհերը, սլովենները, մորավիացիները, չեխերը,
ուռուսները, խրօստները, սերբերը, բուլղարները,
չերնոգորիացիները ամենքն էլ խօսում են սլաւեան
բարբառ, բայց իրարից տարբեր։ Այս ժողովուրդները
պէտք է նկատեն ազգային մի ամբողջութիւն, թէ,
պէտք է բաղաքական միութիւն տալ իւրաքանչիւր
բարբառին։ Անհերքելի է, որ վերջին լուծումն ամե-
նից արդարացին կը լինէր։ Բայց այնքան պատճառ-
ներ հակառակ են նրան, որ ընդունել անհնար է։
Միւս կողմից՝ անտրդար կը լինէր բոլոր այդ մարդ-
կանց դասաւորել թուղ ամենամեծի՝ ուռաների հեղի-

նակութեան տակ այնպէս, ինչպէս անյարմար կը լի-
նէր միակ ազգ կազմել Փրանսիացիներից, իտալացի-
ներից, սպանիացիներից ու պորտուգալներից։

Ա. Մէյեէն (A. Meillet) Սորբոնի սլաւոն ուսում-
նասիբութիւնների ինստիտուտում կարգացած մի բա-
նախօսութեան մէջ շատ պարզ կերպով է ներկայա-
ցնում սլաւոն ցեղի դիքքը։

«Սլաւեան միութիւնը, ասում է նա, կարելի է
սահմանել միայն լիզով։

«Ցեղի միութիւն չկայ սլաւոնների մօտ—սեր-
բերը, սլուսները, լեհերը, չեխերը չեն պատկանում ազ-
գագրական միենոյն տիպին։ Միենոյն աղգի, օր., ուու-
ների մէջ շատ բան է պակասում ցեղային միութիւն
կազմելու համար։ «ուլաւների» յաջորդներից շատերը
գերմանացած են և գերմաններէն են խօսում։ շատ օ-
տարականներ սլաւոն են դարձել. Փիննեան ժողո-
վուրդներից սերած սլուսների թիւը շատ մեծ է։

«Չկայ կրօնական միութիւն—Սլաւոնների միջն
շատերը պատկանում են արևելեան եկեղեցուն, ուրիշ-
ներ՝ արևմտեանին։ Մերբ-խրօսատ ազգը պարունակում
է միաժամանակ արևելեան քրիստոնեաններ, հոռվմէա-
կան կաթոլիկներ ու մահմեդականներ։

«Չկայ մշակոյթի միութիւն—միջին գարերից
իվեր ոչ մի ընդհանուր կապ չկայ, օրինակի համար,
Ռուսաստանի և Բուհմիայի քաղաքակրթութիւնների
գարգացման միջին։

«Չկայ պատմութեան միութիւն—Զըրդ գարուց
սկսած, նոյն իսկ աւելի առաջ, զաջապան սլաւոն ազ-
գերն իրարից անկախ պատմութիւն են ունեցել։ Հա-
րաւի սլաւոնները մաշխարներով ու սումաններով բա-

ժանւած լինելով հիւսիսի և հիւսիս-արևելքի ոլաւոն-ներից, ունեն ոռուների և լիճերի պատմութիւնից բուրովին անջատ պատմութիւն:

«Սլաւ» անունով են որակւում բոլոր այն ժողովուրդները, որոնց լեզուն ձևով փոխութիւնն է միևնույն բարբառի, որ չէ պահպանւած, բայց ստիպւած են ենթագրել այդպէս և համաձայնել են անւանել «ընդանուր-սլաւեան»:

«Սլաւոն բարբառները բաւական պարզ ընոյթագւած երեք լեզումբեր են պարունակում—ոռուական խումբն իր որոշ բարբառն երով՝ վելիկուսեան, բելորուսեան և մալորուսեան. արևմտեան խումբ, որի գլխաւոր ներկայացուցիչներն են չեխերէնն ու լիճնը, և որին պատկանում են այժմ անհետացած սլաւոն բարբառները, որոնք խօսւում էին մինչև էլբայի աջ ափը (գրանց մացորդները կան. Լուսացիայի սորաբերէնում), և հարաւային խումբը՝ սլովեն, սերբոխրօստ և բուլղար լեզուները»:

Այս տեղեկագրութեան համաձայն, մարդ կը փորձւի առաջարկել այնքան սլաւոն պետութիւններ կազմել, ինչքան որ մասնաւոր բարբառներ և մշակոյթներ կան. բայց այդ նշանաւութիւնները կհնառնակ չեն լինիլ:

Բայց արդէն նենարունական Եւրոպայի սլաւոններն իրենք գտան այդ հետաքրքրական հարցի լուծումը՝ պահանջելով կազմել երկու պետութիւն. մէկը հիւսիսում՝ բաղկացած Բոհեմիայից, Մորավիայից և սլովին երկիրներից, միւսը հարաւում՝ մի միջ Սերբիա, որ իր մէջ կառնէ Բալկանների և Աւստրօ-Հունգարիայի բոլոր հարաւ-սլաւոն ժողովուրդները. Այս

երկու բաժանումները, որոնք համապատասխանում են այդ ցեղի տեսչանքներին, կատարեալ բաւարարութիւն կը տան Եւրոպական միջ պետութիւններին, եթէ հաշտութեան վեհաժողովը վաւերացնէ նրանց: Իս գիտական վիճաբանութեան տակ չի մտնիլ:

Լատին խմբակցութիւնը տեղ է հաւասարակշիռ բաժանման օրինակը. բայց Խտալիան պէտք է ստանայ մի քանի հողամասեր, որոնք գեն պատկանում են Աւստրօ-Հունգարիային. Ֆրանսիան տեսնում է, որ իր լիզուն է խօսւում Բելգիայում և Շլեզիայի մի մասում, Մումանիայի մօտ կէօը գտնուում է Հունգարիայի ձեռքում: Սկանդինավեան երկիրներն աւելի լաւ են բաժանաւծ, թէև Դանիան չունի այն ամենը, ինչ որ նրան պէտք է տրւի, և որ Շվեդիան մասամբ բնակւած է Փինլանդիացիներով:

Եթէ գործադրւէին լեզուաբանութիւնից տեսականորէն հանւած եղրակացութիւնները, Մուսաստանում և Աւստրօ-Հունգարիայում ամենակատարեալ յեղաշըրջումը տեղի կունենար: Հարսըուրգեան կայսրութիւնից կը մնային միայն Վիեննայի շրջակայքն ու Տիրութ: Գալով Մուսաստանին, նա պիտի հրաժարւէր Ֆինլանդիայից, Լիտայից, Բալթեան նահանգներից, կովկասյիներից, հայերից, կիրգիզներից, թիւրքմէններից, կալմուկներից, Թաթարներից և Սիբիրի բոլոր ժողովուրդներից: Ֆրանսիան իսկ պէտք է հեռանար Ֆլուլանդիայից, Բըրտաններից, Բասկեան երկրից, թերես և ոկեան լեզվի երկրներից՝ պահելով միայն օյլ լիդւին պատկանող երկիրները: Մի խօնքով՝ լեզուաբանութիւնը, եթէ Հշգրտօրէն հետեխնք նրա խորհուրդներին, հազար տարիներով յիտ կը տանէր աշխարհը և

ծնունդ կը տար անվերջ բարդութիւնների դրդապատճառներին:

Եթէ ենթաղրենք նոյն իսկ, որ լեզւաբանական ազգութիւնների սկզբունքն ընդունւի, դա շատ յաճախ անգործադրելի կը լինէր գործնականօրէն: Ուր են գտնւում ճշտագոյն սահմանները Դաշնիայի և Գերմանիայի, Հոլանդիայի և արեմուտքի ու հարաւի իր հարեանների, Խոտալիայի և Ֆրանսիայի, Սպանիայի և Ֆրանսիայի, Լեհաստանի և Ռուսաստանի, Կարնիոլի և Դալմատիայի իտալացիների ու սլաւոնների միջև: Դէսք է որ խիստ որոշւած սահմաններ լինէին զանազան լեզուների միջև: արդ, այդ սահմանները կան միայն երկու երկիրների համար—Անգլիայի և Եապոնիայի, որովհետեւ այդ երկու երկիրներն էլ ամեն կողմից ծովով են շրջապատւած: Բայց այս երկու երկիրներն էլ պարբռնակում են տարբեր լեզուներ ու նեցող ժողովուրդներ: Իսկ ուրիշ երկիրներում, հարեւան բարբառներն այն աստիճան թափանցում են իրար, որ անկարելի է ասել թէ ուր է սկսում մէկը, և ուր է վերջանում միւսը:

Երբեմ էլ նոյն իսկ շատ յաճախ, ժողովուրդներն իրար մէջ են հիւսւած աւելի կամ պակաս տարածութեամբ մի հողամասի վրայ, լեզւաբանական օջախների միջև, միւնոյն քաղաքներում ու գիւղերում ապրող երկու ազգութիւնների մէջ: Այս գէպքն առհասարակ տեղի է ունենում շատ զարգացած քաղաքական ու արքաների մէջ, ուր երկու ցեղեր միւնոյն կրօնն ունին. որովհետեւ մեծ մասամբ այն պարագաներում, ելք այլազան կը քոնների և լեզւի տէր մարդիկ շփման մէջ են, միջա-

վայրերը բաժանւում են և դրացիներ մատով հանգերձ՝ կազմում են տարբեր ազգային կենտրոններ: Այս վերջին պարագան գոյութիւն ունի Մակեդոնիայում՝ յոյների, սերբերի, բուլղարների և թէւքերի միջև, Հայաստանում և Փոքր-Կովկասում, ուր հայերը, քիւրդերը, լազերն ու թաթարներն ապրում են զատ զատ գիւղերում, բայց կողք կողքի:

Այս բարդութիւններին պէտք է աւելացնել նաև օտարականների գաղութներն այն երկիրներում, ուր նրանք ապրում են—սաքսոններ՝ ուումանական երկիր Տրանսիլվանիայում, գերմաններ՝ Կովկասում և Ռուսաստանի շատ կէտերում, ուումներ՝ Սիբիրեան մեծ գետերի ափերին, գերմանական, ֆրանսիական, սպանիական, իտալական խմբակցութիւններ՝ Նոր-Աշխարհում, յոյներ՝ Եգիպտոսում, հայեր՝ թէւքական ամբողջ կայսրութեան և Պարսկա տանի մէջ: Այդ գաղութներն երբեմն խոշոր նշանակութիւն ունեն տնտեսական տեսակէտով: և սակայն չեն կարող հաշուի առնել միացելու համար քաղաքականապէս իրենց պատկանած արմատին:

Այս խմբակցութիւնների մէջն է, որ առանձնապէս նկատելի է աւստրո-օսմանների պահպանումը: Բաւ է յիշել բօէրներին, Կանատայի ֆրանսիացիներին, անտարակոյս այդ մարդիկ հազար բան են փոփառել իրենց հարեանների կեանքից, անշուշտ նաև նրանց ֆիզիքական կազմը յարմարւել է իրենց ապրած միջավայրին, բայց պահպանել են իրենց լեզուն, կրօնը, ընտանեկան սովորոյթները, նախնիքների մըտածելակերպը:

Ուստի, լեզւաբանութեան վրայ հիմնած ազգու-

թիւնը տակաւին մի սին խօսք է, ինչ հմաստով էլ վերցնենք, ամենալայն թէ ամենանեղ: Լեզուները կարող են և պէտք է լինեն առաջնորդներ՝ ամեն մի պղութեան իր անհատական կեանքը վերադարձնելու համար, ընդհանուր ապահովութեան թելագրած սահմաններում. բայց, բացարձակ մտքով վերցրած, պետութիւնների կազմութիւնը չէ կարող հիմնել ժողովուրդների բարբառների վրայ:

* * *

Պարսկաստանում, Սինէի Քիւրտիստանում ևս ժամանակին պատահել եմ լեռների մէջ կորած հայ գիւղերի, ուր խօսում էր 4—5 դարու հնութիւն ու նեցող մի լեզու: Սինէյում ապրում է մի հրէական գաղութ, որի բարբառը զեռ ևս ունի բաղդէական և ասորական ծագում ունեցող բազմաթիւ բառեր՝ երկուքի հազարամեակից աւելի հնութեամբ:

Ցիրուցան վիճակում հաստատած բոլոր այս համայքները, որոնք մեծ մասամբ խորթ են այն ժողովուրդների բարքերին ու շահերին, որոնց միջին ապրում են նրանք, տուժում են այդ հարևանութիւնից կամ տուժել են տալիս իրենց ներկայութեամբ: և սակայն նրանցից ոչ ոք չէր ցանկանալ հեռանալ իր բը-նակավայրից: Մի քանի ցեղեր, որոնց մէջ անհատն իր անձնական շահը բարձր է գասում հայրենասիրութիւնից և սիրայօժար գաղթում, հիմնում են աւելի կամ պակաս տևական գաղութներ: Բայց այդ ցեղերը վնասակար օրինակ են իրենց ընդունող ժողովուրդների համար, որովհետև նրանք իրենց մէջ կրում են ազգերի էներգիայի ամենամեծ ջլատողը — Սի հեռե^{*)}:

*) «Ուր հաց, անդ կաց»:

Անշուշտ առանձին խմբակների բախտը չէ կարելի նկատի առնել ինքնավարութեան տեսակէտով. դա կարող է բարելաւել մասնաւոր կարգադրութիւններով ամեն մի ուրոյն գէպքում՝ շահագրգսւածների նիւթական ու բարոյական շահերը պաշտպան ելու նպատակով, առանց վնասելու այն ժողովուրդներին, որոնց միջն նրանք խառնւած են:

Ցրւածութիւնը շատ յաճախ կնճռոտութիւնն եր է առաջցնում՝ ազգութիւնների աշխարհագրական բաժանման տեսակէտով. որովհետեւ իւրաքանչիւրն անսալով բոլորովին մարդկային եղող այն զգացումին, թէ իր շահերը պէտք է աւելի առաջնակարգ համարւեն, քան իր հարկանինը, իր՝ երբեմն շատ սակաւաթիւ գաղութների համար պահանջում է այն հողամասերը, որոնց մէջ նա ապրում է իրը փոքրամասնութիւն. և այս պատճառը գալիս է միանում պատմական բնոյթ կրող շարժառիթներին, և յաճախ առաջանում են այնպիսի միտումներ, եթէ ոչ իրաւունքներ, որոնք արգելք են հանդիսանում օրինական բաւարարութների գործնական իրականացման:

Ասիաբնակ մի յոյն շատ լրջօրէն ասում էր ինձ մի օր, թէ յոյներն իրաւունք ունին պահանջելու վերականգնել Ալեքսանդր Մեծի երկիրները, Ելլագային վերադարձնել Սիկիլիայի, Մեծ-Յունաստանի, Կիրենայիկի ու Եւքսինիան Պոնտոսի նախկին յունական գաղութները՝ Փոքր-Ասիայի, Վուփորի և Թրակիայի գաղութների հետ միասին: Ծիծաղելիութեան հասցըւած այդ պահանջները ցոյց են տալիս, թէ ինչքան ժժւար է լիովին բաւարարել ամենքին:

Եթէ հաշւի առնւէին այդպիսի չափագանցւած տեսչանքներ, եւրոպայում ու Ասիայում կը ստեղծէին բազմաթիւ փոքր պետութիւններ, որոնց երկրամասերն իրար վրայ կը յարձակէին մեծապէս վնասակար լինելով ընդհանուր խաղաղութեան:

Ուստի, թւում է, թէ մեծ քաղաքների զաղութ ները չպէտք է հաշւի առնւեն ազգութիւն ստեղծելու հարցում, եթէ նրանց մօտ չկան գոնէ նոյնչափ բազմաթիւ դաշտաբնակ զաղութներ և յամենայն դէպս, եթէ նկատի առնւած տարրն իրօք գերակշիռ չէ այդ շրջանում։ Պէտք է ասել նաև, որ մի երկրում ազրող զանազան ազգութիւնների բնակիչների բնահատութեան ամենաարժէքաւոր հիմքերից մէկն է քառակուսի կելոմետրի վրայ նրանց համեմատական թիւն ու սրայաբերութիւնն ընդհանուր քանակի հետ։

Ամենախիտ կեանքն ունեցող երկիրն է Բելգիան, ուր քառակուսի կիլոմետրի վրայ ապրում են 240 հոգի. բայց այդպիսի գերբնակչութիւն հնարաւոր է միայն այն պետութեան մէջ, ուր արդիւնաբերութիւնը հասած է իր զարգացման զագաթնակէտին։ Ընդհանրապէս, քառակուսի կիլոմետրի վրայ 100 բնակիչ ունեցող երկիրն արդէն խիստ մարդաշատ է։ Մեծ զարգացման ընդունակ շրջանների համար այդ թիւն անտարակոյս չափագանց մեծ է. 50 կամ 25 բնակիչ մի քառակ ևսի կիլոմետրի վրայ՝ աւելի արմատական յարաբերական թւեր են, որով 20000 կամ 40000 քառակուսի կիլոմետր տարածութիւն է ենթադրւում մի միլիոն բնակչութեան համար՝ անկախ նրա բաղկացուցիչ ցեղերից։ Աւելի սեղմ համեմատութիւն վերընելը կը նշանակէր երկար տարիներով սպասման

դատապարտել երկիրը։ Սրտա-եւրոպական գաղութներն աչքաւու օրինակներ են տալիս զարգացման ընդունակ չողերի. բայց նրանք պահեստներ են կազմում ապագայի համար, ուր մի օր կը գայ ծուալւելու եւրոպական գերարտադրւած բնակչութիւնը՝ ապագային խմբակցութիւնների ձևով։

Ուստի վերականգնող ազգին պէտք է տալ միայն այն երկրամասները, ուր նա մեծամասնութիւն է կազմում, և առանձնապէս նկատի առնել դաշտային ազգաբնակութիւնը։ Այլ կերպ վարւելը կը նշանակէր աղաղակող անարդարութիւններ գործեր, երկրի ապագան ենթարկել խոռվութիւնների ու ապստամբութիւնների. Բոլոր քիչ ու շատ մեծ ծովովուրդներն իրենց կեանքի ընթացքում նւաճումներ են արել, ամենքն էլ ունեցել են իրենց սեփական ցեղին օտար տարրերով բնակւած հողաբաժիններ։ Ամենքն էլ այսօր ջերմօրէն կը պահանջէին ժամանակին իրենց նախնիքների գըրաւած հողերը։ Նման յաւակնութիւններին բաւարարութիւն տալ արդարութեան հակառակ կը լինէր։ Միթէ չտեսանք, որ Գերմանիան պահանջնեց Լոտարինսկիան, Ֆրանշ-Կոնստանց, Բուրգոնիան, Ֆլանդրիան, Արքենը։

Աչքէ անցնելով ձնշւած ժողովուրդների ներկայացուցիչ կոմիտէների բազմաթիւ հրատարակութիւնները, յաճախ շատ օրինաւոր պահանջների կողքին գտնում ենք նաև նւազ արդարացի պահանջներ և շատ դէպքերում այդ ազգային տենչանքներն երբէք հաշւի չեն առնում իրենց հարեւանների համար անհրաժեշտ տընտեսական ու սազմագիտական պայմանները։ Ագորելով իրենց հայրինքը վերականգնւած տեսնելու

լոյսով, նրանք մոռանում են ամենածանը կշիռ ունեցող արտաքին հարցերը: Եթէ այդպիսի սկզբունքներ ընդունեին, Ֆրանսիան ինչու չպէտք է պահանջէր Բելգիան ու ֆրանսիեն խօսող շւեյցարական կանոտոները:

* *

Մի աւելի ծանրակշիռ հարց է ծագում արտաեւրոպական գաղութների շտորջը: Անշուշտ չեն պակասելու մարդասէր մտածողներ, որո՞ք կատարելապէս արդարացիօրէն պիտի պահանջնեն, որ ազատագլուեն եւրոպացիների լծի տակ «հեծող» ժողովուրդները: Աւելորդ է պնդել այդպիսի մի անմտութեան վրայ, որի միակ արդիւնքը կը լինէր սպառնալ ապահովութեանն այն ազգերի, որոնք հազարաւոր տարիներից ի վեր կուռում են մարդկային բարօրութեան զարգացման համար: Պարտականութիւն է բարելաւել ֆրանսիական գաղութներում ապրող բնիկների վիճակը, նրանց տալ բոլոր այն աղատութիւնները, որոնք չեն կարող վտանգ առաջացնել. բայց հանդուրժել, որ նըրանք մի օր կարողանան ֆրանսիայի դէմ ոտքի կանգնել—զա անմտութիւն կը լինէր: Զգիտե՞նք միթէ, որ այդպիսի մարդկանց մօտ մոլեսանգութիւնը կարող է սարսափներ ծնել: Դժբախտաբար, Թիւրքիան այդ ժամին տիտուր օրինակներ տևեց մեզ, առանց հաշւի առնելու և այն, որ եւրոպական մի քանի ժողովուրդներ անարդ ապերախտութիւն ցոյց տէին իրենց ազատարանների հանդէպ: Իսկ թնչ կանէին բարբարոս ժողովուրդները, եթէ թուլանար նրանց վրայ հսկութիւնը:

* *

Առհասարակ, չէ կարելի հարց բարձրացնել մարդկանց զասաւորելու իրենց կրօնական զաւանանքի համաձայն, որովհետեւ, շատ յաճախ, անհատական համոզումները կախում չունին նիւթական շահերից, և թէ միենոյն դաւանանքին պատահում ենք տարբեր հակում, լիզու և ծագում ունեցող խմբակցութիւնների մօտ: Դրանք զանազան երկրների ներքին բնոյթին վերաբերող հարցեր են. կառավարութիւն անւան արժանի ամեն մի իշխանութիւնը պարտական է երաշխաւորել նորի ազատութիւնը: Կարող են հաւաստեր որ ինչ էլ լինի մի ժողովրդի կամ մի անհատի փիլիսոփայական վարդապետութիւնը, ինչքան քաղաքակրթ լինի նա, ինչքան զարգացած լինի բարոյական տեսակէտով, նոյնքան շատ կը լինի նրանում կրօնական համբերովութիւնը: Դեռ ևս շատ նախնական վիճակում գտնուող մի քանի երկիրներում, կրօնական խընդիրն իշխում է բոլոր միջների վրայ, նոյնիսկ ջընջում է ազգութիւնները և գերակշռող դեր է կատարում ժողովուրդների հոգու մէջ:

Օրինակ, Ալեքսանդր մահմեդականների մօտ, զա դեռ ևս նախնական բնոյթ ունի: Մահմեդականի աչքին ազգութիւններ չկան, այլ կան երկու գասի մարդկի—նրանք, որ հաւատում են Ալլահին և յարգում մարդարէին, և նրանք, որ չեն ընդունում ոչ Մոհամմէտին և ոչ էլ նրա աստծուն: Արևելքին երբէք չի ասիլ. «Այդ մարդը թիւրք է, կամ պարսիկ, ըիւրդ կամ արաբ»: Եթէ առանձնապէս չեն հարցնում

այդ մասին, նա կասէ. «Նահմեղական է», և կամ «մահմեղական չէ»։ Առաջինը՝ ճշմարիտ հաւատի ընտրեալը, նրա պաշտպանն է—մի մարդ, որ պէտք է իշխէ. երկրորդն ուրիշ բան չէ, եթէ ոչ մի գլուխ այն անարդ հօտից, որին Ալլահը դատապարտել է հնազանդեւել իր հաւատացեալներին։

Կրօնի այդ ըմբռնումն ունին բոլոր մահմեղական ժողովուրդները։ Ինչքան կարողանանք յետ գնալ պատմութեան հոսանքով, իւրաքանչիւր ժողովրդի ազգային աստւածը նկատում է իշխելու մի գործիք։ Ասորեստանցիների մօտ, գերազոյն աստւած Ասսուրն իր իշխանութիւնը հարկադրում էր անլուր վայրագութիւններով։ իսկ երայիցիների միակ աստւած ենովան տիեզերական աստւած չէր, այլ հրէաների տղային գրօշը։ Այդ աւանդութիւններն են, որ շարունակւեցին սեմիտական արաքների մօտ։ Ալլահը մի վրիժառու, տիրապետող աստւած է, արհամարոտ դէպի նրանց, որոնք չն խոնարհւի իրեն։ Այս աստծու պաշտամունքն է տարածւած բոլոր այդ պարզամիտ ժողովուրդների մէջ։ որովհետև այդ կրօնը հանդուրժում է շատ մոլութիւնների, որովհետև նա բաւարարութիւն է տալիս մարդկային կերերի մեծագոյն մասին՝ շատ քիչ պարտականութիւններ միայն դնելով։ Իս է պատճառը մի շարք ազգութիւնների անհետանալուն։ նա յաճախ ստորաքարշ մարդիկ է պատրաստել այնպիսիներից, որոնք կարող էին աչք ունենալ ամենաբարձր դիբքերի։ Այդ այլամերժութեան ոգին սեմիտական կրօնների գլխաւոր գծերից մէկն է։

Մահմեղականների միջն բազմաթիւ աղանդներ

կան։ ամենագլխաւորներն են սիւննիներն ու շիաները, առանց նաշւելու նւազ անուն հանած բազմաթիւ դաւանանքները։ Այդ աղանդներից մէկին պատկանող մարդիկ ատում են միւս աղանդներին հետևողներին, բայց իրար ժիշե-չկայ այն արհամարհանքը, որ վերապահւած է ճշմարիտ հաւատացեալ չեղողներին։ Գալով անհաւատներին՝ նրանք ամէնքը միևնոյն չափով չեն արհամարհւում։ Հրէան ամենից շատ է ատւում, որովհետև ոչ միայն Մոհամեդին չէ հաւատում, այլ և չէ լողունում Խային (Յիսուսին), որ աստւած է քրիստոնեաների համար, իսկ մահմեղականների համար՝ մարդարէ։ Ինչ վերաբերում է հեթանոսներին (բուդդայական, բրահման, եղիդի), գրանք ընկերային սանդուղի վերջին աստիճանների վրայ են կանգնած։

Ասիական այդ անհամերելողութիւնը, միացած իշխելու սանձարձակ ցանկութեանը, Ասորեստանի և Արաքիայի սեմիտականներին, յետոյ և թիւրքերին ահարկու դարձեց քաղաքակրթութեան համար։ Այսօր, երբ վտանգն անցած է, պէտք է զգոյշ լինել, որ նա չվերածնւի՝ այդ մոլեսանդներին մի որեւէ բաժին առալի համաշխարհային զործերի ղեկավարութեան մէջ։

Ծայրագոյն Արևելքը մեզ ցոյց է տալիս այնպիսի զաւանանքներ (բուդդայականներ, բրահմաններ, և այլն), որոնց մէջ մեր պատահած փիլիսոփայական սկզբունքները չկան ուրիշ դաւանանքներում։ Այդ կրօններն առաջարկիմութեան դէմ չեն։

Մենք այսակեղ հարց չենք յարուցելու զանազան ըրիստոնեանների գործած սիւնների և թերութիւնների մասին՝ այն ժամանակներում, երբ աշխարհը ղեա քիչ

էր զարգացած։ Մենք կը խոստովանւենք, որ քրիստոնէութիւնն ինքն էլ ծնել է բազմաթիւ աղանդներ, և թէ այս աղանդների իրար հանդէպ ունեցած դիրքնոչին օրինակելի չէ մահմեղականների համար՝ նըրանց անհանդուրժութեան խնդրում։ Անհերքելի է, որ ամեն մէկը կարծում է, թէ ինքն է ուղիղ ճանապարհով գնում։ բայց ցաւալի է, որ քրիստոնեաների միջև իրական թշնամութիւն կայ։ Ի՞նչ էլ որ լինի, նոյն իսկ բրիստոնեաների միջև դրութիւնն այնպէս է, որ յաճախ ընդհանուր խաղաղութեան համար խիստ վտանգաւոր կը լինէր շատ մասրակրկիտ կերպով հաշուի առնել կրօնական կամ փիլիսոփայական զգացումները։ Սակայն անհրաժեշտ է յարգել խղճի ամենալայն ազատութիւնը։

Բայց տեղիք կայ զանազանութիւն գնելու կրօնների միջև—նրանք, որ բարոյական են և նրանք, որ չեն, և արգիլել այս վերջիններին, որ իրենց սկըզբունքներով իսկ վատնգի դրդապատճառ չգտանան ընդհանուր ապահովութեան համար։

Վսիմ զգացումներով համակւած, ուրիշի հաւատքը յարգելու սովոր ժողովուրդների մօտ ազգային ողին կարտաքսէ կրօնական զգացումների բոլոր տարբերութիւնները։ Դրա ուշագրաւ օրինակն են առլիս հարաւային սլաւոնները։

Ըստհանուր առմամբ, սերբերի մեծամասնութիւնը յունազաւան է, խրոատներն ու սլովենները կաթոլիկ են։ Բացի այդ, նրանք հունգարիայում ունեն բողոքական ազգակիցներ և Բոսնիայում ու երկրի արեւելքում բաղմաթիւ մահմեղականներ։ Դաւանանքների այդ տարբերութիւնը չէ խանգարում, որ հարաւային

ոլաւոնները պահանջեն իրենց ազգի քաղաքական միութիւնը՝ յենւելով այն բանի վրայ, որ այդ զանազան դաւանանքներն այնքան են խառնւած իրար, որ կարելի չէ նրանց յատկացնել համապատասխան ուրոյն հողամաս։ Նոյնն է և կաթոլիկ, օրթոդոքս, լուսաւորչական և բողոքականութեան բազմաթիւ յարանւանութիւններին պատկանող հայերի մօտ։ թէկ շատ կրօնամէր են նրանք, բայց իրար հետ չեն շփոթում անհատական հաւատալիքներն ու հայրենիքի պաշտամունքը, և ամենքն էլ համախմբւած են միենոյն ակընկալութեան շուրջը։

* * *

Բայց պէտք չէ կարծել, որ ամեն ազգութիւն ընդունակ է պետութիւն գառնալու, և որ ամեն պետութիւն պէտք է պարունակէ միայն մի ազգութիւն, հարցն այդքան հեշտ չէ։ Պետութիւնը կարող է ապրիլ և ծաղկիլ միայն այն ժամանակ, երբ իր բանած հողամասը պարունակում է իր ժողովրդի բարգաւաճման անհրաժեշտ պայմանները։ Այդ պայմանները բազմազան են, և երբ նրանցից ամենակարեկորները չեն լրացւում, պետութիւնն ու ժողովուրդը գտնւում են աննպաստ, և հարեւան ժողովուրդների բաղդատմամբ ցած դրութեան մէջ։

Պետութեան անհրաժեշտ կարիքներն են կազմում բնական նախնական նիւթերը, երկրագործական աղբեւրները, փոխարժութեան միջոցները թէ մաքսային և թէ ռազմագիտական սահմաններում, որպէս զի հնարաւոր գառնայ երկրի հարստութեան և ապա-

հովութեան իրական պաշտպանութիւնը. որովհետեւ պետութիւնը, ինչքան հնարաւոր է, պէտք է ապրի ինք իրանով, առանց օտարի աջակցութեան. Բացի այդ, նա ընդունակ պէտք է լինի յարգել տալ իր անկախութիւնը:

Հանքային հարստութիւնների մէջ աւելի կամ պակաս անհրաժեշտ են վառելիքը, երկաթը, պղինձը, որոնք առաջնակարգ կարիք են կազմում. դրանց չունենալ՝ նշանակում է ստիպողաբար կախում ունենալ օտարից:

Յունաստանը, Իտալիան, Եգիպտոսը, Բուլղարիան, Սերբիան, Դանիան, Շվեցիան, Նորվեգիան, Հոլանդիան և Հարաւային-Ամերիկայի շատ պհտութիւններ վառելիք չունեն:

Սոորին-Նահանգները, Դանիան, Յունաստանը, Եգիպտոսը երկաթահանք չունեն:

Հոլանդիայում, Դանիայում. Յունաստանում, Եգիպտոսում պղինձը պակասում է:

Անգլիան, Ֆրանսիան, Սպանիան, կենարոնական պետութիւնները, Ռուսաստանն և այլն ունեն հանքային բոլոր աղբիւրները. իսկ աւելի փոքր պետութիւններ, ինչպէս Ռումանիան, ունեն հանքային իւղերի խոշոր աղբիւրներ:

Քարիւղը, որ ներկայումս առաջնակարգ դեր է խաղում թէ խաղաղ ժամանակի արդիւնաբերութեան և թէ պատերազմական կարիքների մէջ, գտնում է միայն շատ քիչ երկրներում. Նրան հանդիպում ենք Փալիցիայում, Ռումանիայում, Կովկասում (Խովրոսիսկ, Բագու), Պարսկաստանում (Արարատան), Զաւայում, Քիրմանում, Եապոնիայում, Հիւսիսային-Ամե-

րիկայի Միացեալ-Նահանգներում, Մելալիկայում Բայց միծ մասամբ, պետութիւնները զուրկ են սրանից. Ուստի ներմուծումներով պէտք է հայթայթեն այդ, և 1914 թւականի միծ աղետը ցոյց տևեց, թէ երրուպայի բոլոր պետութիւններում ինչպէս զգալի էր ընթափարի բարեբը:

Ապա գալիս են երկրորդական նշանակութիւն ունեցող հանքային նիւթերը—օսկի, արծաթ, նիկել ալիւմինիում, հազարիւտ մետաղներ, կիր, գաճ, որոնցից կարելի է ի հարկին հրաժարւել. վերջապէս և աղը՝ որ անսահման քանակութեամբ գտնում է ծովեղերեայ վայրերում. և որի հանքերը շատ և առատ են համարեա բոլոր երկրներում:

Երկրագործական պահանջները նոյնքան կարևոր են. Պէտք է, որ մի ազգ իր երկրամասի վրայ ունենայ իր ժողովուրդը կերակրելու բաւական չափով հացահատիկներ: Արդ, երոպական պետութիւնները միծ մասամբ շատ հեռու են այդ օրէնքին բաւարարելուց՝ իրենց գերբնակչութեան պատճառով: Մինչ Ռուսաստանը, Ռումանիան, Հունգարիան, Եգիպտոսը, Ալֆերիան, Անգլիական Հնդկաստանն ու Հիւսիսային Ամերիկան ահազին քանակութեամբ ցորեն են արտահանում, Յունաստանը, Իտալիան, Ֆրանսիան, Անգլիան, Բելգիան, Հոլանդիան և Գերմանիան չեն արտադրում իրենց սպառման համար անհրաժեշտ քանակութիւնը. նոյնն է և հիւսելի բոյսերի նկատմամբ:

Անամսաբուծութիւնը բաւարարում է մի քանի երկրներում (Ֆրասիա, Հոլանդիա, Սկանդինավեան երկրներ, Գերմանիա, Ռուսաուշան, ևն.), մինչ ուրիշ երկրներում (Իտալիա Բելգիա, Մեծն Բրիտանիա) նա բաւական չէ կարիքներին:

Շւէյցարիան գոնուում է բոլորովին մասնաւոր պայմաններում. նրան կարելի է նկատել իբր արհեստական մի պետութիւն։ Այստեղ խօսում են Յ լեզուներ—գերմանիերէն, ֆրանսերէն ու իտալիերէն, բայց կանադների բաժանումը մեղմացնում է այդ խառնուրդի հետևանքները։ Նրա առևտրական յարաբերութիւններն իր հարևանների հետ շատ խոշոր են, սրով հետեւ զրկւած լինելով ծովից, նա ստիպւած է արտասահմանի վրայով բերել իր չունեցած բազմաթիւ ապրանքները։

Սպանիան ու Իտալիան Եւրոպայի միակ երկրներն են, որոնց սահմաններն իսկապէս իրական են, թէև Իտալիան տեսնում է, թէ Շւէյցարիան թափանցում է Տէսսինը, մինչև Միլանի դունիերը. իսկ Եւրոպայի բոլոր միւս երկրները կեղծ սահմաններ ունեն։ Դրանում նկատում է թուլութեան մեծ պատճառներից մէկը, որի առաջն առնուում է ամէն երկրում մեծապէս սպառազիններով. և երբ մի ժողովուրդ զինուում է, բոլոր միւսներն էլ պէտք է հետեւն նրա օրինակին, որպէսզի ստորադաս զիրք չունենան։ Այսպէս է, որ ֆրանսիացինները, սուսներն ու բելգիացինները ստիպւած էին խոշոր բանակներ պահել, որովհետեւ դէպի Գերմանիա նրանց սահմանները բաց էին։

Ի՞նչ էլ լինի պետութեան մեծութիւնը, սահմանների որոշումն իր հետևանքներով շատ ծանրակշիռ հարց է՝ թէ ժողովուրդների զինուրական հզօրութեան և թէ առևտրական ու արդիւնաբերական բարգաւաճման ահսակէտով. ազգային տեսչերը շատ դէպքերում ամփոփում են այդ հիմնական շահերը։ Տրիէստն ու Ֆլումէն Աւտորօ-Հունգարիայի ձեռքում դարձան ա-

սաջնակարգ վայրեր, և Իտալիայի համար շատ լուրջ սպառնալիքներ։ Անտէքը պետք է ապատկանում է երկրորդական մի պետութեան, անլուր զարգացում ունեցաւ և Գերմանիայի ախորժակը սեւեռուած է անոր վրայ՝ նրան դարձնելու համար ծովային իշխանութեան և առևտրի կենտրոն—սպառնալիք Անգլիային, Ֆրանսիային, Հուանդիային, ամբողջ աշխարհին։ Կարեսը է, որ այդ կէտերը չընկնեն ազգերի պատութեան թշնամիների ձեռքը, որ նրանք վերադարձեն այնպիսի պետութիւններին, որոնք իրենց համաշխարհային գիրքով կարող են երաշխաւորել մարդկութեան, թէ ի չարը չեն գործածելու իրենց ստացւածքը։

Հարաւային-սլաւոնները պահանջում են այն, ինչ նկատում են իրենց ազգային երկրամասը—Սերբիան և Զերսոնորիան, Բոսնիա-Հերցոգովինան, Խորվատիան և Սլաւոնիան, Դրաւայի գաւառը, հարաւային Հունգարիան և է էրբիական նախկին Վոյվոդինան (Բաչկա և Բանատ), հարաւային Կարինիթիան, Ստիրիան. բայց արդէն շատ ընդարձակ այս կայսրութեան միացնում են նաև Խոտրիան, Տրիեստը, Ֆլումէն (Միեկա) և ամբողջ Դալմատիան, առանց հաշւի առնելու ներկայումս Իտալիայի արած զոհողութիւնները, այն հազարաւոր մարդկանց, որոնց նա կորցնում է պատերազմի դաշտում՝ ստեղծելու համար իր ազգային միութիւնն և վերականգնելու իր հիմնական սահմանները։ Հարաւային սլաւոնները դարերով ճնշւած, մարտիրոսագրւած են, նրանք քաջութեամբ պաշտպանեցին իրենց հայրենիքը, նրանք արժանի են, որ իրենց ազգութիւնն ազատագրւի. բայց դրանք ըաւարար պատճառներ չեն ընդունել տալու իրենց բոլոր պա-

հանջները՝ նախքան բաւարարելը հրամայական կարիքներն այն ժողովուրդների, որոնք իրենց արիւնն են թափում սլաւոնների անկախութեան համար, ինչքան էլ արժանաւոր լինեն սերբերի արիւնակիցները։ Ամենից առաջ հարկաւոր է պետական նկատառութը այս կէտերից մի քանիսի համար, որոնք իրենց կարեռութեամբ ու աւանդական բնոյթով իտալիային են հասնում։ Նրանց կցիլ մհծ Սերբիային կը նշանակէր նոր պետութեան և իտալական թերակղզու միջն առաջացնել մի տհաճութիւն, որ վաղ թէ ուշ կը յանդէր կնճուտութեան։ Պէտք է ասել նաև, որ իստրիան ու Դալմատիայի հիւսիսային մասը չափազանց իտալականացած են, և սլաւոն տարրն այնտեղ միայն երկրորդական դեր է խաղում տնտեսական տեսակէտով *), իտալիան անըմբռնելի անհետատեսութիւն կունենայ, եթէ չպահանջէ, իրը հիւսիսային սահման, Կարնիոլայի և Կարինթիայի շրջանները, Յուլիեան Ալպերը, այսինքն Դանու բի աւաղանի և Ալգրիատիկ ծովի աւաղանի Ջրերի բաժանման գիծը, և եթէ զէպի Տրենտինա նա լրջօրէն ոտք չկորիէ աւտորիական Տիրոլի գերմանական հողերի վրայ, որպէսպի այնտեղ էլ սաղմագիտական մի սահման հաստատէ։

Ազգային պահանջների մինչև ամենափոքր ման-

*) Հարաւ-սլաւոն կոմիտէների վերջին հրատարակութիւնները մեծ ցանկութիւն են արտայայտում բաւարարելու իտալիայի տեսչանքներին՝ համարելով Տրիեստից ու Իստրիայից, բայց պահելով իրենց յաւակնութիւնը Ֆիումէի, Դալմատիայի ծովափի և կղղիների վրայ (Cf. l'exposé que donne de la question R.—W. Seton—Watson dans German, Slav and Magyar, London, 1916).

բամասները բաւարարելը կը նշանակէր ընդդէմ պնակոյն նպատակին, որ առաջադրւելու է ազգութիւնները վերականգնելու հարցում։ Պա կը լիներ ստեղծել շատ վտանգաւոր ազգային բաղխութմներ, ամբողջ աշխարհի համար պատրաստել մի նոր հրդեհ։ Խաղաղութիւնը կարող է ապահովել միայն մեծ ժողովուրդների գերակայութեամբ, նրանց, որոնք իրենց բանակներն ոտքի հանեցին ձնշւած ազգութիւնների պաշտպանման համար։ Պէտք է, որ այդ ազգութիւններն ապահովւած տեսնեն իրենց ապագան, որպէսպի կարողանան Եւրոպային հարկադրել արդարութիւնը, խաղաղութիւնն ու յարգանգը գէպի մարդկային այն տարրեր խմբակցութիւնները, որոնք անսահման զոհողութիւններով պիտի գուրս գան ներկայ պատերազմից։

Զէ որ ժամանակակից պատմութիւնը ցոյց է տալիս մեծ պետութիւններին, թէ որոնք են իրենց պարտականութիւններն ու իրաւունքները։

Ցունաստանը, որ ժամանակին վերականգնեց ի յիշատակ Պէրիկլէսի դարու բարիքների, իր գիրքով միթէ չհարկազրեց իր ազտարարներին, որ խստութեամբ կամեն նրա վարմունքը։ Նա միթէ ցոյց չտւեց, որ եթէ մեծ ու հզօր լինէր, լուրջ վտանգ կը սպառնար իր հովանաւորողներին։ Ուսւաստանի արիւնով ծնւած Բուլղարիան, հազիւ օրօրօցից գուրս եկած, իր զէնքը չդարձրեց իր մօրը գէմ, իր բարերարի որդու գաշնակիցների դէմ։ Դեռատի ժողովուրդների միջն կան շատերը, որոնք առանց աւանդական ուղեգծի, առանց արտաքին բաղաքականութեան ծրագրի, չեն տալիս անհրաժեշտ երաշխաւորութիւնները, թէ Եւրոպան կարող է նրանց տալ մի դեր խաղալու դիրք՝ ա-

առանց իր հսկողութեան տակ առնելու նրանց. բայց համաշխարհային քաղաքականութեան այդ պահանջներըն անպայման հակառակ չեն ժողովուրդների ազատութեան, այլ ընդհակառակը:

* *

Կենտրոնական պետութիւնների պարտութիւնը մեծ փոփոխութիւններ կը մտցնէ համաշխարհային քարտէսի մէջ: Եւ գաղնակիցները շատ անհեռատես կը լինէին, եթէ չաշխատէին Գերմանիան վերածելու մի այնպիսի վիճակի, որ նա նոր ոճիններ չպատրաստէ ապագայի համար: Ո՞չ մի կասկած չկայ, որ Թիւրքիան ու Աւստրօ-Հունգարական կայսրութիւնը կանհետանան. դա անհրաժեշտ է, Գալով Հիւսիսային Գերմանիային, այն օրը, երբ գաղնակից զօրամասերը գըրաւեն նրան, դիւրին է կարգադրել նրա վիճակը՝ անանցանելի պատւարներ կանգնելով գերմանական միութեան և նրա միլիտարիզմի առաջ, օրինակ՝ վերականգնելով 18րդ դարու փոքրիկ պետութիւնները, ինչ որ չէ հակառամ ազգայնական սկզբունքներին, ուրոնք, ըստ երեխոյթին, այժմ մեծ կարևորութիւն են ստացել: Զալէտք է աչքաթող անել, որ քառասուն և աւելի տարիներից ի վեր Գերմանիան պաղաքիւնութեամբ պատրաստեց իր յանցագործութիւնը, և եթէ նա այդ եղեռնը չկատարեց այնպէս, ինչպէս նախատեսած էր, պատճառն այն է, որ պարտեց Մասնի վրայ՝ կասեցւելով իր կայծակնաթուիչ արշաւանքի մէջ:

Գերմանիան մի ոճրագործ է, որի գլխաւոր ոյթը

կայանում է դաշնակցութեան մէջ. այդ քաղաքական ամբողջութեան հետ պէտք է վարւել իր յանցաւորի հետ, որովհետև նա մեղանչիլ է մարդկային բալոր օրէնքների դէմ: Դաշնակիցների ինքնասիրութիւնը նըրանց արգիլեց հետեւիլ գերմանացիների բարբարոս օրինակին, սակայն, մնալով հանդերձ մարդկայնական սահմաններում, սոսկալի պատժի պէտք է ենթարկել նրանց:

Եթէ Գերմանիան բարբարոսացաւ նւազ, յանցաւոր չեն Աւստրիան, Բուլղարիան ու Թիւրքիան. նրանք էլ պէտք է պատժւին նոյնքան խօստ, ինչպէս նրանց անարգ գինակիցը:

Ինչ վերաբերում է Թիւրքիային, մի մասնաւոր թերութեան համար չէ, որ նա արժանի է պատժի, այլ գարաւոր բարբարոսութեան, վայրագութիւնների, ուխտագրութիւնների համար է, որ պէտք է պատժւի նա:

Մոհամետ 2-րդի կողմից Պոլսի առումով չէ, որ սկսւում է Օսմանցիների հզօրութիւնը, ինչպէս կարծում են շատերը. այդ բարբարոսներն արգէն երկար ժամանակից ի վեր աւերում էին Ասիան, երբ եկան մահացու հարւածը տալու Բիւզանդական կայսրութեան: Կը բաւէ յրշել սելջուկեան սուլթանների անունները՝ վերակոչելու համար այն արհաւերքները, որոնց թատերաբեմը գարձան Բաղիլևոների ասիական գաւառները՝ վերջին կեսարից դեռ շատ առաջ:

Յաղթելով հին աշխարհը, տիրապետելով Աֆրիկան թիւրքերն ուզում էին Եւրոպան ևս սարկացնել իրենց մարգարէի օրէնքներին: Յոյննի վերջին ապաստանարան Տրափիզոնն ընկաւ, ապա հերթը հասաւ

բուլղարներին, սերբերին, ռումաններին, հունգարներին, լեհերին, որոնք ենթարկվեցին ոյս անկուշտ հորդայի հարսածներին: Թիւրքական բանակը պաշարեց նոյնիսկ Վիէննան արևմտեան կեսարների ժառանգորդների այդ մայրաքաղաքը:

Այդ ժամանակ անծայրածիր էր Օսմանեան կայսութիւնը. նա պարունակում էր Աֆրիկայի տմբողջ հիւսիսային մասը, Եգիպտոսը, ամբողջ Ասածաւոր Ասիան և տարածւում էր մինչև Կովկաս և հարաւային Ռուսաստան: Քաղաքակիրթ Եւրոպան ամբողջ չորս ու կես դար վատնեց հետզհետէ տկարացնելու սատանայի այս գործակիցների ստեղծած ընդարձակ կայսրութիւնը. և այսօր, արևելքի յունական կայսրութեան կործանումից 462 տարի անց, առիթ է ներկայանում հաշիւները մաքրել այս ինքն ակոչների հետ, որոնք իրենց նենգամիտ դիւանագիտութեամբ չդադարեցին աշխարհը պղտորելուց:

Ուստի արդարութեան մի նոր դարագլուխ է բացւելու այն անոելի տանջանքից յետով, որ սուզի մէջ է խորասուզկել Եւրոպան ու Ասածաւոր Ասիան: Յանցաւոր պետութիւնները պիտի ջնջւեն աշխարհագրական քարտէզից և պիտի տեսնենք դարերից ի վեր ամենավայրագ ճնշման տակ հեծող ժողովուրդների վերածնունդը:

Ամենքի շրթունքի վրայ են անուններն այն ազգութիւնների, որոնք պէտք է վերածնեն այդ փոթորկի մէջից: Ոճից կը լինէր այդ ժողովուրդներին չտալ ազատութեան հեշտանքները, մերժել յաղթական դաշնակիցներից նրանց սպասած գերագոյն վայելքը:

* *

Այն միաբանութիւնը, որով բոլոր հպատակ ժողովուրդները պահանջում են իրենց անկախութիւնը, և ձնշաճների այդ ընդհանուրը բաղձանքը ցոյց հնատալիս, թէ ինչքան ցնորամիա են միջաղգայնական բոլոր թէորիաները, թէ ինչպէս ամեն մի ժողովուրդ հրամայական կարիք է զգում մաքուր պահելու իր աւանդութիւնները, իր սովորոյթները, իր մտածելակերպը: Ընտանիքում անհատի համար հարստութիւնների ամենաթանկարժեքը միթէ ներքին կեանքի ազատութիւնը չէ: Իսկ համայնքի համար, ընդլայնելով այդ շրջանակը, չէ որ ամենաթանկարժին բանն է պահպանել ազգային ողին, որ իշխում է բոլոր ցանկութիւնների, բոլոր մտահոգութիւնների վրայ: Ազգային տեսների յարգանքի վրայ է, որ պիտի հանգչի ազագայ մարդկութեան խարիսխը, որովհետև բոլոր ժողովուրդները, բոլոր բանական էակներն այդ են պահանջում իբր ամենամեծ բարիք:

Հպատակ ժողովուրդների մէջ ազգային ոգու պահպանման գլխաւոր պատճառներից մէկն է, անվիճելիորէն, նրանց այլամերժ լինելը: Ապրելով իրենց ոգուց ու շահերից տարբեր ոգի և շահեր ունեցող մարդկանց հետ յարատն շփման մէջ, նրանք զգուշանում են իրենց միջավայրում պահել իրենց ցեղից տարբեր տարբեր ողջմուզէն համարելով, որ մի ազգի ամենաթանգ բարիքն է նրա անձնական մշակոյթը, ինչ որ կազմւած է ժամանակի ընթացքում անհրաժեշտութիւնների համաձայն վակովիտող աւանդութիւններից ու հակումներից, բայց որ միշտ հարա-

զատ է մնում ինքն իրան։ Իրերի ոյժով պահպանւող այս ազգային զգացումն է, որ Բոհեմիային, Յունաստանին, Հայաստանին և ուրիշ շատ երկներին հնարաւորութիւն է տւել դիմանալու մինչև այժմ, դարերի և հազար դժւարութիւնների միջից, լինելով հայրենիքներն այնպիսի ազգերի, որոնք չեն ուզեցել անհետանալ և որոնք միշտ հաւատք են ունեցել իրենց ճակատազրի վրայ։

Որևէ ժողովուրդի մեծութիւնը կազմող յատկութիւնները ստեղծւած են նրա նախնիքների կողմից, ապրողների ոգին այլ բան չէ, եթէ ոչ մեռածների ոգու շարունակութիւնը։ Սա մի ձգմարտութիւն է, որ ազգերը կառավարելու կոչւած մարդիկ չպէտք է երբէք մոռանան։

Ամեն ժողովուրդ պարտական է նախանձախնդիր հոգատարութեամբ հսկել իր ազգութեան պահպանմանը։ Բաւական է նայել մարդկութեան տարեգրութիւններին՝ տեսնելու համար, թէ ինչպէս ցեղերի խառնուրդը վնասակար է եղած այն պետութիւններին, որոնք թոյլ են տւել, որ մետէիկոսները *) գրաւեն իրանց, Քանի քանի պետութիւններ են կործանւած այն պատճառով, որ հանդուրժել են օտարականներին իրենց կալւածների մէջ։ Հոռվմը, որ այնքան քաջարի, այնքան իմաստուն էր իր հանրապետութեան երկար տարիների ընթացքում, մկսեց նսեմանալ այն օրը, երբ, ամբողջ աշխարհը հապատակեցնելուց յետոյ, իր պարիսպներից ներս ընդունեց օտարականներին։

*) Մէտէիկոս էին կոչւում Աթէնքում այն օտարականները, որոնց իրաւունք էր տրւած սեփական բնակարաններ ունենալ այդ քաղաքում։

Ծ. Թ.

Ամիս ազգութիւն ունի իր բարեմասնութիւններն ու թերութիւնները. իւրաքանչիւրը յարմարել է իր բնակած հողին, և այն արմատախիլ եղածները, որոնք իրենց հայրերի ծննդավայրից գուրսն են փնտում կեանքը, մեծ մասամբ մրուրը, թափթփուրն են կազմում այն ժողովրդի, որից նրանք հեռանում են։ Երբեմն քաղաքական կամ կրօնական պատճառներն են ստիպում մարդկանց հեռանալ իրենց հայրենիքից, դա բացառութիւն է. բայց մեծ մասամբ ովքեր որ միայն նիւթական շահից զրգւած են առաջնորդուում «ուր հաց—անդ կաց» սկզբունքով, ցած զգացումների տէր մարդիկ են։

Օտարականը, որ գալիս է հաստատելու մի նոր հայրենիքում, ամեն բանի մասին գատում է իր շըրջապատի մարդկանց ողուց ու գիտակցութիւնից տարբեր կերպով, իր գործերով, խօսքերով տարտծում է մեծ մասամբ այնպիսի սկզբունքներ, որոնք հակառակ են այդ ուրիշ ցեղի սկզբունքներին. և այդ աղդեցութիւնները վնասակար են լինում, երբ շատ են։ Այս մասին համոզելու համար կը բաւէ լրջօրէն քննել քաղաքական ընթացքը մի շարք երկրների, որոնք 45 տարի է իրենց դոները բաց են պահել գերմանական հոսանքի առաջ։ Սրանք չբաւականանալով այն սրտաբաց ընդունելութեամբ, որ վայելում էին իրանց հիւրցնկալող երկրներում, անդադար պայցքար մղեցին նրանց աւանդական օրինական ըմբռնումների դէմ, հիմքից խախտեցին նրանց համոզումները և հասարակական ու մասնաւոր կեանքում ձևք ձգեցին մի կարևորութիւն, որին երբէք չպէտք էր հանդուրժել։

Այդ մարդկանցից մեծ մասը, որ միայն թղթի

վրայ էր Փրանսիացի, անգլիացի կամ իտալացի, ծառայում էր Գերմանիային, իր ապագայ թշնամու մէջ խոռվութիւն և երկպառակութիւն ձգելով պատրաստում էր գերմանական ներխուժումը։ Որքան յանցաւոր են այն քաղաքագէտները, որոնք կարճատես շահախնդրութեամբ, իրենց անձնական համոզումները կամ ցանկութիւնները գոհացնելու համար հրապուրեցին այդ դաւաճաններին, պաշտպան կանգնեցին նըրանց, յաճախ նոյնիսկ իրենց հայրենակիցներից բարձր դիրքի հասցրին, նրանց մացրին իրենց երկրի վարչութիւնների, բանակի, գործառնութեան քաղաքականութեան մէջ։ Դա այնպիսի մի ազգակործան ոճիր է, որին ինչքան էլ ձաղկէք՝ քիչ է։

Եթէ անհամար գերմանացիների ֆրանսիա գալը մեկ սարսափելի վասներ պատճառեց, ուրիշ օտարականների ներգաղթն էլ յաճախ փրկարար չէ եղած։ Բայի այն, որ այդ ժարդիկ մեծ մասամբ իրենց երկրի թափթփութն են, նրանք անենքն էլ, նոյնիսկ ամենապատառները, բերում են իրենց հայրենիքի գաղափարները—գաղափարներ, որոնք Փրանսիական չեն, և որոնք կարող են լաւ լինել այլուր, բայց մեզ համար այդպէս չեն, որովհետև համաձայն չեն Փրանսիական մշակոյթին, որ գարերի ընթացքում Փրանսիական ցեղի ձիգերով բարձրացւած մի կոթող է։

Ֆրանսիայում 40 տարուց ի վեր տեղի ունեցածի օրինակը պէտք է ուղեցոյց ծառայէ ոչ միայն Փրանսիացիներին, *) այլ և միւս բոլոր պետութիւններին։

*) Այս գրքի ապագրութեան ժամանակ Փրանսիական կառավարութիւնը ներկայացրեց օրէնտրական հիմնարկութիւններին մի օրինադիմ, որի նպատակն է կռւել օտարներին Փրանսիական քաղաքացի դառնալուն (նատուրալիզացիա) վաս հետեւանքների դէմ, ինչ որ նկատում էր Փրանսիայի մէջ պատրագմից առաջ։

բովհեակ ամէն տեղ էլ չարիքը միանոյնն է։ Զէ որ շատ սերունդներ են անցնելու, մինչև որ բնաւանիքում անհետանան օտար բարքերի վերջին հետքերը։ Ամէն մարդ պատահած է ծագումով գերմանացիների, որանց Փրանսիացած որդիներին կամ թոռներին, և ամէն մարդ էլ նկատած կը լինի, որ այդ մարդկանց մօտ տկան մշակոյթը յարատեռւմ է։

Ի՞նչ ասել գերմանական այն օրէնքին *), որ ոչնչացնում է օտարների գերմանական քաղաքացի դառնալու իրաւունքը։ միթէ դա բաւարար չափով ցոյց չէ տալիս նենդամտութիւնն այն մարդկանց, որոնց Փրանսիացիներս հիւրընկալում ենք։ Դա մեզ միթէ չը պէտք է թելադրէր ընդմիջտ մերժել Փրանսիական քաղաքացի դառնալու մասին նրանց բոլոր ինդիքները։

Նրանք, որ շահ ունէին աչք գոցելու օտարականների Փրանսիական քաղաքացի դառնալուն վրայ, պատրիակում էին, թէ քանի որ Փրանսիացի ժողովուրդը չէ աճում, անհրաժեշտ է նրան ուժեղացնել օտար տարրերով։ Դա մի ամօթալի խարէութիւն է՝ անխոստովանելի շահերը ծածկելու նպատակով։ Դա նոյնիսկ ոճիր է, որովհետև այդպիսի սկզբունքների հետևելով Փրանսիան շուտով կանհետանար իբր բարոյական ու իմացական ֆրանսիա։ Նա կը գառնար մի տեսակ միջաղային երկիր՝ առանց ուրիշ աւանդութեան, եթէ ոչ նիւթական շահը, և առանց իտէալի։

*) Delbrück-ի օրէնք, յօդ. 26, 2-րդ հատած, 1913 թ. յուլիսի 22-ի, գերմանական քաղաքացու հանդամանքն ընդունելու և կորցնելու մասին։

Յայտնի է, թէ Հիւսիսային Ամերիկայի Արխացիալ-Նահանգների բնակչութեան միջազգային կազմը վերջերս Բնչքան խոչնպոտ էր հանդիսանում այդ մեծ հանրապետութեան որոշումներին: Նկատեց, որ պետութեան մէջ մի հսկայական ընդդիմադրութիւն (օպ-պողիցիա) առաջացաւ այն քաղաքականութեան դէմ, որ ամերիկեան կառավարութեան թելադրում էին իր պատիւը, արդարութիւնն ու նոյն իսկ ազգի շահը: Բանը նրանումն է, որ աշխարհի բոլոր երկրներից եկած գաղթականներից բաղկացած ամերիկեան ժողովրդի մէջ ամեն ազգութիւն պահպանւել է իր աւանդութիւններով հանդերձ, յաճախ իր ծննդավայր երկրի շահն աւելի առաջնակարգ համարելով, քան որդեգրող հայրենիքի շահը:

Հիւսիսային Ամերիկան դեռ ևս սեփական հանձար չունի. նրա մշակոյթն արդիւնք է օտար մտածողութիւնների, և նրանում ամեն անհատ ներկայանում է, եթէ ոչ իր լեզուվ, գոնէ իր բնատոհմիկ ո-գիով, ձգտումներով ու աւանդութիւններով: Այս հարուստ ու հզօր պետութեան մէջ շահագիտական գործառնութիւնից դուրս ոչ մի լայնատարած իդէալ չկայ: Ճիշդ է, որ գաստիարակւած հոգու տէր մարդկաց մէջ կայ մի իրական զգացում, թէ ինչ որ բաներ պակասում են հասարակութեան իմացական կարիքների համար, և ամեն օր ոսկու հեղեղներ են հոսեցում ճաշակ ստեղծելու համար: բայց դեռ ոչ մի բոց չժայթքեց այդ շատ բազմամարդ և գործունեայ, շատ առատաձեռն և եսասէր, շատ արիստիրտ ու վախկոտ ազգի միջից: մինչ օտար ծագում ունեցող քաղաքացիների խմբակներ ճգնում են պետութիւնը քարշակաւութեան մէջ միջամտութեան միջամտելու առաջ հեղինակն ակնարկում է ամերիկան ազգի միջն գերմանական գայթակղալց պրոպագանիզմ:

դէպի իրենց նախակին հայրենիքի իդէալը *): Ահա միշտպահական թէորիաների արդիւնքը: Ամբողջ դարեր են հարկաւոր, որ այս ազգը կատարեալ միութիւն գոյացնէ. իսկ այդ միութիւնը կը սկսի ծնւել միայն երկար ժամանակ յետոյ այն օրից, երբ Միացիալ Նահանգները ունենալով բաւականաչափ ազգաբնակութիւն, կը հրաժարւեն օտարականներին իր ամերիկեան բաղաքացի որդեգրելուց:

Դեռ երկու գար չկայ, որ Հիւսիսային Ամերիկայի երկրամասերն անգլիական ու ֆրանսիական էին: Այս ժամանակ այստեղ մտածում էին այնպէս, ինչպէս Եւրոպայում, և ինչպէս տակաւին մտածում էին Կանատարում: Ինչքան ճանապարհ է կտրւած այդ ժամանակից սկսած: Այսօր ամերիկեան մտայնութիւնն ինչքան տարբեր է անգլիականից, թէպէտ այդ երկու ժողովուրդները միենայն լեզուն ունեն: Ինչքան փոփոխութիւններ են առաջացել հոգիներում՝ օտարականների հետ շփւելով:

Կարելի չէ գիտնալ, թէ յիտագայում ինչ կը յառաջնայ այդքան տարբեր տարբերի խառնուրդից, մինչ բոլոր ժամանակների փոճից գիտենք ազգայնականութեան, մի ժողովրդի ինքնիրան զարգացման արդիւնքները. և ինչ էլ որ պատահի ցեղերի խառնուրդի վրայ հիմնւած պետութիւններին, մենք չենք կարող վստահ լինել, որ նրանք մի օր կը հասնեն այն ժողովրդների իմացական ու բարոյական բարձրաց-

*) Այս գիրքը գրւած լինելով Միացեալ Նահանգների պատերազմի միջամտելուց առաջ հեղինակն ակնարկում է ամերիկան ազգի միջն գերմանական գայթակղալց պրոպագանիզմ:

Ծ. Թ.

ման աստիճանին. որոնք յարգում են իրենց աւանդութիւնները, խանդադատանքով են կապւած իրենց նախնիքների գործերի յիշատակին. Ամեն բանից առաջ պէտք է, որ նոր երկրներում գարերը ծնեն ազգութեան պատմութիւնը, աւանդութիւնը, զգացումը, ստեղծեն սրտի այն թրթումները, որոնք քաղաքացուն մղում են հայրենիքի շահն իր անձնական շահերից բարձր գասելու:

Սակայն ես հեռու եմ այն մտքից, որ Ֆրանսիան պէտք է խզէ իր հիւրցնկալութեան դարաւոր աւանդութիւնները. Ընդհակառակը, թող նա շարունակէ ընդունել օտարներին՝ փորձառութեան թելադրած վերապահումներով, բայց թոյլ չտայ իր զաւակների պէս չմտածող մարդկանց միջամտել իր գործերին, որ նա իր սեփական ազգութեան վրայ հսկէ միւնոյն նախանձախնդրութեամբ, ինչպէս հպատակ ժողովուրդները՝ իրենց նախնիքների բարոյական ու իմացական ժառանգութեան վրայ:

Ճնշւած ժողովուրդների ազգային վերականգնումն անտարակոյս կը դանդաղեցնէ օտարների նոր երկրի քաղաքացիներ դառնալու չարաղէտ հօսանքը՝ ինչպէս Ֆրանսիայում, նոյնպէս և ուրիշ երկրներում. Դա ամենամեծ ծառայութիւնը կը մատուցանէ բոլոր ժողովուրդներին՝ իրաքանչիւրին հանրաւորութիւն տալով յառաջադիմել իր սեփական հանճարի արժեքաւորումով, զանազան մտայնութիւնների բոլոր ճիգերը կենտրոնացնելով իրենց սեփական միջավայրում, մահացու հարւած տալով միջազգայնութեան, որի ախտաւոր հետեանքներին են ենթարկում բոլոր

պետութիւնները մի դարուց ի վեր: Բայց, որպէսզի իրաւունք ունենանք մեր մշակոյթը զերծ պահելու ատար ազդեցութիւններից, պարտական ենք իւրաքանչիւրին վերադարձնել իր ընտանեկան յարկը:

* *

Եւրոպական բոլոր ժողովուրդների միջև ֆրանսիացին ազգային տեսակէտով անշուշտ ամենից աւելի միացածներից մէկն է: Ֆրանսիական զօրամասերի քաջութիւնը, պատերազմի ընթացքում ազգարնակութեան հանդարտութիւնը, «Մրրազան Միութիւնը» ապացուցին այդ: Եւ սակայն ֆրանսիան բաղկացած է բազմաթիւ տարբեր ժողովուրդներից, որոնք միացած են ընդհանուր շահերով, սիրով միմնյա՞ն հայրենիքի, որի բարգաւաճմանն են ուղղել իրենց ճիգերը, որի համար իրենց կեանքն են դրել բոլոր ֆրանսիացիները:

Ֆրանսիայում խօսում են բրըտոն, ստորիննորմանդիական, ֆլամանդիական, օվերնեակ, իտալական, կատալոն բարբառներ և մի շարք ուրիշ գեղջկաբանութիւններ: Ժամանակին, երբ Ֆրանսիան բաժանւած էր նահանգների, ամէն մի բարբառ ունէր իրհողամասը, իր պարլամենտը, և իւրաքանչիւր ժողովուրդ վայելում էր մի տեսակ ինքնավարութիւն, կարողանում էր պաշտպանել իր շահերը: Տերիտորիայի կամայական կերպով բաժանման ենթարկելուց ի վեր, առաւելապէս նախկին նահանգների սահմանները չնշելու մտադրութեամբ, միայն շահերն են մեացել տարբեր խմբաւորումներով և տակաւին արտայայտում են նախկին յոր-

ջորջումներով՝ Բրըտանելը, Նորմանդիա, Ֆլանդրիա,
Աայլն։ Արդ, զանազան նահանգների հարազատ շահերն
ու զգացումները յաճախ հակասում են իրար, և օրի-
նակ՝ Մարսէլին նպաստաւոր մի կարգագրութիւն
վաս է լիլին կամ Բորդոյին։

Ամենից յաճախ հակումներն ու կարիքները խըմ-
բաւորում են գաւառաբարբառներով, ինչպէս երբեմն
միանում էին նահանգների մէջ։ Իշխանութեան ու օ-
րէնողութեան կենարոնացումը, ընդհանուր տնտեսա-
կան, մաքսային և հարկային ձեռնարկները յաճախ
վերջիվերջոյ լուրջ անիրաւութիւններ են պատճառում
ժողովուրդներին, և Ֆրանսիայի բաղկացուցիչ ազ-
գութիւնների նկատմամբ պետութեան այդ բացարձակ
արհամարանքը մի ծանր անարդարութիւն է։ Յուսանք
որ ոչ միայն ճնշւած ժողովուրդների ձայները կը լսէին
նրանց կողմից, որոնց հակատագիրը վստահել է ազ-
գութիւնների բաղդը, այլ և ազգութիւնների զար-
գացման հարցը մտածել կտայ նաև հին պետութիւնն-
ների կազմի մասին, որոնց զանազան նահանգները
միացած իրենց հայրենասիրութեամբ, շատ անգամ ի-
րարից հեռու են իրենց շահերով, նկարագրով և մաս-
նաւոր կեանքով։

Ժողովուրդների ձուլման բարբարոս թէորիաները
թողնենք տևառններին։ յայտնի է, թէ այդ դաժան
մեթոդներով ինչ արդիւնքներ ստացւեցին Լեհաստա-
նում, Ալգաս-Լոտարինգիայում։ Յարգենք իւրաքանչիւ-
րի գաղափարները, դաւանանքն ու լեզուն, գաւառա-
բարբառները թնդ մնան ընտանիքի, հողի լեզուն, և
ֆրանսերէնը թնդ համապատասխանէ իր դաւակների
արիւնով ստեղծւած մեծ ու փառապանծ հայրենիքի

գաղափարին։ Բասկերը, գասկոնները, պիկարները,
ըրլատոններն աւելի վատ Փրանսիացիներ չեն լինիլ ե-
թէ յարգւին նրանց վաղեմի յիշատակները, մանկու-
թիւնից նրանց սիրած բարրառը։

Ասենք նաև, որ թւում է ընդհանրապէս, թէ ազ-
գերի ապագան աւելի դաշնակցութեան մէջ է, քան
կենտրոնացման մէջ։ Ճնշումի ըէժիմը՝ բացի այն, որ
ունահարում է արդարութիւնը, արել է իր տիրուր փոր-
ձերց—ծայրայեղ կենտրոնացումը, նիւթական զարգա-
ցումը, ինչպէս որ հասկացւում էր դեռ 2 տարի առաջ,
մի շաբաթ ընկերային յղացումներ մեռան աղէտալի սը-
նանկութեամբ։ Ողջամիտ մարդիկ այժմ հասկանում
են, որ անհրաժեշտ է հասարակական գործը վերաշի-
նել նոր հիմքերի վրայ, հրաժարւել այն ողբալի փոր-
ձերից, որի զոն է քաղաքակիրթ աշխարհը մի դա-
րուց ի վեր։ Դաշնակցութեան և նահանգականութեան
(ըթիւնալիգմ), աւատականութեան այդ ազատագլո-
ւած զաւակների միջոցով է, որ մեծ պետութիւնները
կարող են գտնել իրենց կարունութիւնը, որ նոր ազ-
գերը կը կարողանան պաշտպանել իրենց օրրանը։
Դաշնակցութեամբ է, որ կարելի է բարի նախանձ ա-
ռաջացնել ոչ միայն տարբեր ինքնավար պետութիւն-
ների, այլ և քաղաքական միևնույն խմբակցութիւննե-
րի զանազան բաղկացուցիչ մասերի միջև։ Տեղական
բարբառը, սովորոյթները, արդիւնաբերութիւնը, տա-
րագները, ամէն ինչ ներկայումս անհետանում են
կենտրոնացման իմպերիալիզմի պահանջած ճապաղ մի-
ածնութեամբ։ Այդ աւանդութիւնների լքման հետե-
անքները միայն մակերեսային չեն։ Նրանք հասնում
են մինչև հոգու խորքերը, որովհետեւ հայրենի հողի ոչ

մի զգացում անհատին այլիս չէ կապում այն վայրերի հետ, ուր ապրել է նա իր մանկութիւնը, ուր գտնում են իր մերձաւորները, ընկերները: Նա մեկնում է առաջն վերադառնալու ցանկութեան, իբր թէ հայրենազուրկ լինէր, և զնում է քաղաքներում քարշ տալու արմատախիլ եղած մարդու անկայուն գոյութիւնը—դա մի օտարական է, որ շատ յաճախ ախտաւոր սերմեր է ցանում իր շուրջը:

* * *

Երբ վերջանայ այն սոսկալի աղէտը, որ այս ըոպէիս աւերում է հին աշխարհը, պէտք է պայքարել կառավարական նախկին սկզբունքի—իշխելու դէմ, որպէսզի ստեղծէի մի նոր դարագլուխ, ազգութիւնների դարագլուխը: Բայց հին Եւրոպայի կայունութեան պայմաններն այն աստիճան խարսխւած են այնպիսի մի սիստեմի վրայ, որին այսօր դատապարտում են հասարակական բարոյականն ու շահը, որ դժւար կը լինի այժմեանից տալ ազգագրական գանաղան ընտանիքներին այն բաւարարութիւնները, որոնց նրանք իրաւունք ունեն: Ամեն մի պետութիւն, մեծ թէ փոքր, գարաւոր աշխատանքով է կազմակերպած իր կեանքը՝ հիմւելով պետութիւնների նախկին քաղաքական բնիմի վրայ: ամեն կապ խղել միանգամից այդ աւանդութիւնների հետ, առանց միջանկեալ ֆազիսի, կը նշանակէր կործանման մատնել մեծ պետութիւններից շատերը: Ռւատի, ժողովուրդների ազատագրումը պէտք է լինի մեծ մասամբ երկարատե մի գործողութիւն: որովհետև չէ կարելի առանց մեծ գտանքների անց-

նել ծայրայեղ կենարզնացումից դէպի բացարձակ ազատութիւնը, նոյն իսկ դէպի դաշնակցութիւնն ու նահանգական ինքնավարութիւնը (régionalisme):

Շատ անկախ ժողովուրդներ ունեն այնպիսի իրաւունքներ, որոնք ամենից առաջ պէտք է բաւարարւեն՝ նրանց վերադարձնելով փառատէր հարեանների կողմից խւած հողամասերը: Այս արդարացի իրաւահատուցութիւններից զատ, Եւրոպան պէտք է օգնութեան հասնի ձնշւած ազգերին, իրաւազրկած խմբակցութիւններին վերադարձնելու համար այն ազատութիւնները, որոնց իրաւունք ունի ամեն մէկը:

Եւրոպայում միայն սլաւեան տարրի վրայ է, որ պէտք է սկսելի պետութիւնների ուշագրութիւնը: Լեհներ, չիխեր, մորաւներ, սլովեններ, խրօատներ, բոսնիակներ և սերբեր թախանձում են մեծ պետութիւններին խղճալ իրենց դժբախտութիւնների վրայ, պահանջում են, որ իրենք էլ օգտւեն արևի լոյսից: Ասիայում մարտիրոսագրւած հայերը, սիւրբացիները պահանջում են ապրելու իրաւունք՝ հայցելով մարդկութեան կարեկցութիւնը:

Այս ալլագան ազգերից ամենքն էլ փայլուն տըւեալներ ունեն բարեհացակամութեան արժանանալու համար, թէև նրանց պատմութիւնները խիստ տարբեր են իրարից: Հայերը, որոնց ծագման մասին ես առիթ կունենամ տւելի երկարօրէն խօսելու, պատկանում են աշխարհի ամենահին ազգութիւններին, մինչ սլաւոնները նորեկներ են Եւրոպայում և քրիստոնէութեան առաջին գարերում պատմութիւն չունեցող բարբարուներ էին: Բայց իրաւունքը հատուցանելու համար պէտք չէ ուշ դարձնել ազնւականութեան տիտղոսների

հնութեան, այլ իրական, այժմէական իրաւունքին. ինչ որ պէտք է անսի հայերի համար, նոյնը պէտք է անսի և Եւրոպայի սլաւոնների համար: Այդ ազգերն իրենք արդէն հոգ տարած են դասաւորելու իրենց պահանջներն այնպիսի ձևով, որ համաձայնութեան պետութիւնները հնաւորութիւն կունենան բաւարարութիւն տալ նրանց՝ քննութեան ենթարկելուց և համաշխարհային քաղաքականութեան պահանջների համաձայն սրբագրելուց յետոյ:

Սլաւոնների միջև Յ խմբակցութիւններ են կազմուած—լիներ, հարաւային սլաւոններ և Բոհեմիայի ու Մորավիայի չեխեր:

Լիների մասին Խուսաստանը ստանձնել է յանձնառութիւններ, որոնց չէ կարող փոփօխել աւստրօգերմանների խաղացած անարժան կատակերգութիւնը: Խորեմն հարաւային սլաւոններն և չեխերն են միայն, որ պետութիւններից ակնկալում են իրենց ճակատագիրը:

Հարաւային-սլաւոնները մի մասն են կազմուած աւելի նոր մի ներխուժման, քան հայերը: Նըրանք պատկանում են այն մեծ մակընթացութեան, որ Յ-րդ դարու մօտերն եկաւ ջախջախել յոյն—հոռվմէական հին քաղաքակրթութեան սահմանները, և որ կործանելով արևմուտքի և արևելքի կեսարների կայսրութիւնը, նախ արքաներին և ապա թիւրքերին դիւրացրեց նւաճել քաղաքակրթ աշխարհի կէսը: Այս նորեկները յիշեալ դարաշրջանում մի չարադէտ գերկատարեցին. բայց սլաւոնները հետզինտէ հաստատւեցին Բալկաններում, քաղաքակրթութիւնը և, աւերիչներ լինելուց յետոյ, արևելքի բարբարոսների ոտնձգու-

թիւնների դէմ պաշտպան կանգնեցին այն ամենի, ինչ մնում էր հին աշխարհից:

Հարաւային-սլաւոնները, ինչպէս բոլոր այն նախնական ժողովուրդները, որոնք այդ դարաշրջանում նւաճեցին Եւրոպան, բաժանւած էին ցեղերի, որոնք աստիճանաբար կազմեցին թագաւորութիւններ: Ամենից առաջ, 7-րդ դարում հիմնեց սլովին պետութիւնը, որ 9-րդ դարում տապալւեց գերմանների և հունգարների հարածների տակ: 9-րդ դարումն է, որ երևացին Սերբիան ու Խրոատիան, այս իշխանութիւններից վերջինն, որոյ յաջողութեամբ պատերազմեց Վենետիկի համբապետութեան դէմ: բայց, ինչպէս սլովին պետութիւնը, հունգարացիններից ջախջախւեց (1102 թւականին). ապա, թիւրքերի ներխուժման շրջանում, կցւեց Հաբսբուրգների կայսրութեան (1526 թ.), ինչպէս միացւել էին և իր արիւնակիցները: Գալով սերբիական պետութեան, նա բիւզանդացիններին ու բուլղարներին յաղթելուց յետոյ կործանւեց Պոլսի սուլթանների հարածների տակ (1371, 1389 թ.):

Ես կանգ չեմ առնելու հարաւ-սլաւոն այն զանազան տարրերի պատմութեան վրայ, որոնք մի առ մի մարտիրոսագրւեցին թիւրքերի կողմից, ձնշեցին հունգարներից: Ամեն մարդ գիտէ հարաւային Աւարիայի պատոնների փորձերը 1848-ին, 1870-ին, 1878-ին՝ ազատւելու Հաբսբուրգների լծից, և այն վարագաւթիւնը, որով նրանք պատժւեցին: Իշխողները նրանց բաժանելով վարչական տեսակէտից՝ յոյս ունէին չքացնել նրանց ազգային միութեան զգացումը: Այդ քաղաքականութիւնը թելագրւում էր հին աւանդութիւններից: Կիրմանական կայսրերն իրանց

համարելով կեսարների ժառանգորդներ՝ թշնամի էին համարում Եւրոպա նոր եկած բոլոր ժողովուրդներին, Նրանց հետ վարւում էին որպէս բարբարոսների հետ, ամեն կերպ աշխատում էին տկարացնել, ստրկացնել Նրանց: Վիճնայի իմպերիալիստական յաւակնութիւնները տարածւում էին նոյնպէս Խտալիայում և ոլաւոն դարձած Մակեդոնիայում. Նրա ձգտութիւնների նպատակակէտն էին հանգիստանում Հոռվիմն ու Պոլիսը:

Բոլոր հարաւային-սլաւոնները, լինեն նրանք սերբեր, խրօսատներ, սլովեններ, թէ ուրիշներ, խօսում են միենոյն լեզվի բարբառները, ղեկավարում են միենոյն շահերով և համակւած են հայրենասիրական միենոյն զգացութիւնով: Միակ տարրերութիւնները, որ կարող են յարուցւել նրանց միջն, կրօնական համոզութիւնների մէջ են. բայց այդ ժողովրդի մէջ կաթոլիկները, յունակաւաններն ու մահմեդականները միենոյն իդէալն ունեն, այն է ամբողջ համայնքի աղատագրումը՝ մի մէծ Սերբիայի ձևով: Նահանգների շահերի և հակումների յարգանքը այդ նոր պետութեան մէջ պէտք է լինի ներքին քաղաքականութեան տնօրինութեան առարկայ *):

Անկարելի է նախատեսել, թէ հաշտութեան վեհաժողովն ինչ որոշութիւնը կը կայացնէ Սերբիայի զարգացման մասին, նա անշուշտ ահագին հատուցումներ կը ստանայ ի փոխարինութիւն իր սքանչելի քաջութեան, որպէս զի կարողանայ ամոքել այն սոսկալի թշւառութիւնները, որոնց նա զոհ դարձաւ: Բայց մի

*) Այստեղ մի ամբողջ պարբերութիւն հանւած է ֆրանսիական գրաքննութեան կողմից:

կողմից՝ ազգութիւնների յարգանքը ստիպսարարական առաջ չէ քաշում մի միակ հարաւ-սլաւոնական պետութեան հիմունը, և միւս կողմից՝ պատերազմող մեծ պետութիւնները, որոնք զէնքի դիմեցին սերբիական հարցի առթիւ, անշուշտ ամբողջովին չեն գոհելու լրենց շահերը՝ կուր գաշտում իրենց զինուրների արիւնը թափկուց յետոյ: Հետեաբար, խոհեմութիւն է ձեռնպահ մատ հարաւային-սլաւոնների քաղաքական ապագայի մասին որևէ բան ասելուց, միաժամանակ ջերմ ցանկութիւն յայտնելով, որ ազատութեան մասին Նրանց տածած սէրը ստանայ բոլոր այն բաւարարութիւնը, որոնց իրաւունքը ձեռք բերւից սերը բանակների հերոսութեամբ:

Ինչ վերաբերում է Բոհեմիային, որ հայրենիքն է վեն ձգտութիւնը, վաղեմի բարեկամը Ֆրանսիայի, ամենահարուստ իր հանքերով, իր հողերի արգասաւորութեամբ, իր ժողովրդի եռանգով և իմացական մեծ փթթումով, նա ամեն աեսակէտից կը ղանարեւուպայի ամենազարգացած երկրներից մէկը, իթէ դարերից ի վեր չպահնէր Աւստրօ-Հունգարիային ենթակայ վիճակում: Նա այսօր Հաբսբուրգեան պետութեան արդիւնաբերական հզօրութեան ամենազիւարու աղբեւներից մէկն է հանգիստանում եթէ աղատագրւի, նա շուտով կը զառնայ Բելգիայի, Ֆրանսիայի հիւսիսային նահանգների, Անգլիայի ու մանածաղկած կոմունութիւնների մրցակիցը:

Ազգային տեսակէտից՝ չեխերը պահանջում են, որ Մորավիան ու Ալովաքիան միացեին իրենց՝ կաղմելու համար 10—12 միլիոն ազգաբնակութիւնից բաղկացած մի գաշնակցական պետութիւն, որ կը գրաւէ

կենտրոնական Եւրոպայի մէջտեղը, և առաջարկում են այս կերպով պատճէզ կանոնել հիւսիսի և հարաւի գերմանացիների միջև։ Համաձայնութեան պետութիւններ յարուցանել այդպիսի մի պետութիւն ստեղծելու դէմ, քանի որ նրա գոյութիւնը մեծապէս նպաստաւոր կը լինի համաշխարհային խաղաղութեան շահերին։

Բոհեմիայի բնական սահմանները նշանակւած են այն լեռնաշղթաներով, որոնք եղերում են նրա կազմած քառանկիւնը։ Այդ բնական օրէնքները չը յարգելլ կը նշանակէր ահագին վասա պատճառել չեխ ժողովուրդին թէ նրա տնտեսական կեանքի և թէ ապահովութեան տեսակէտից։ Ուստի կատարեալ անհրաժեշտութիւն է զուտ սլաւոն գտաւոներին միացնել այն հողաշերտերը, ուր հաստատւած են գերմանախօսներ, և որոնք աշխարհագրականապէս մասն են կազմում և Վենցեսլավի թագաւորութեան։ Եթէ պէտք է անսրդարութիւն լինի երկու ազգութիւններից—սլաւոններից կամ տեսոններից—մէկի հանդէպ, անտարակոյս ի վասա գերմանացիների պէտք է լինի դա։
Vae victis!

Յայտնի է, որ սլաւոնները գրաւեցին Պրազան գերմանների ձեռքից 5-րդ դարում, և Բոհեմիան, որ քրիստոնեայ դարձաւ 9-րդ դարում, վաղուց ի վեր կաղմում էր մի անկախ թագաւորութիւն, որ մօտ հազար տարւայ գոյութիւնից յետոյ, 1545 թւականին ենթարկեց Աւստրիայի լուծին։ Ուստի չեխերը մօտ 400 տարի է կորցրել են իրեց ինքնավարութիւնը, և տառապանքի այդ երկար ժամանակաշրջանում ազգային ոգին անաղարտ է մնացել նրանց մէջ։ Հարաւի

գերմանները աշխատել են գերմանացնել այս ժողովրդին, ամէն միջոց գործադրել են, նոյնիսկ ամենից աւելի անսանելիները, ձուլելու համար այս հերոսական ազգաբնակութեանը, սակայն միշտ էլ ապարդիւն։ Աւստրիան դրանով միայն հրահրել է իր զոհերի ատելութիւնը։ 30 տարի առաջ, երբ ես իրը երկրաբան անցնում էի Բոհեմիայից, յաճախ հարցումներ էի ուղղում գիւղացիներին ֆրանսերէն լեզով, թէպէտ վըստահ էի, որ չեն հասկանալ. այդ կերպով իմ ազգութիւնը յայտնելուց վերջն է, որ գերմաններէն էի խօսում։ Եթէ առաջին անգամից իսկ ատելի տէրերի լեզով արտայայտէի, բոլորովին այլ ընդունելութիւն կանէին ինձ, քան այն, որին իրաւունք էր տալիս իմ ֆրանսիացու հանգամանքը՝ Բոհեմիայի մեր սլաւոն բարեկամների կողմից։

Սլաւեան հարցը շօշափում է ամբողջ Եւրոպայի կենսական շահերը, հաշտութեան վեհաժողովում չեխերի և հարաւային սլաւոնների մասին արելիք որոշումները շատ մեծ ծաւալ կունենան, և վիճաբանութիւններին կը միջամտէ մեծ ազգերի աւանդական քաղաքականութիւնը։ Ուստի նախաղասելի է ձեռնպահ մնալ այդ ծանրակիոն հարցում և մատնանշել միայն, թէ ինչ են սլաւոն ժողովուրդների յոյսերն ու աղտագրման համար նրանց տւեալները։ Հարցը միենոյն բնոյթը չունի հայերի համար, որոնց մասին խօսելու եմ ստորև։ Այս ժողովուրդն ապրելով Ասիայում՝ նրա քաղաքական վերածնունդը չի առաջացնիլ այնպիսի ծանրակշիռ հետեանքներ, ինչպէս սլաւոն երկիրների ինքնավարութիւնը. ընդհակառակը, նա գէպի արևելք, կը տարածէ քաղաքակրթութիւնը և մեծ օժանդակութիւն ցոյց կը տայ ընդհանուր յառաջադիմութեան՝ առանց որևէ մէկին վասա պատճառելու։

ԵՐԿՐՈՐԴ ՄԱՍ

ՀԱՅԵՐԸ

Ազգային քաղաքական կեանքի վերականգնման կոչւած բոլոր ժողովուրդների միջև, ազգային վերածնունդ ունինալու խնդրում, ամենից աւելի շահագըրգուղողներից ու արդարացիներից մէկն է անտարակոյս հայ ժողովուրդը, որ չնայած ամենազարհուրելի հալածանքներին, հակառակ իր բարբարոս իշխողների ճիգերին, կարողացի է գարեր շարունակ պահել իր աւանդութիւնները, լեզուն ու նախնիքների պաշտամունքը։ Հայի կենսունակութեան այդ յարատեռթիւնն Արեւելի պատճենական ամենանշանակելի երևոյթներից մէկն է և իր տեսակում համարեա եղակի մի բան։ որովհետեւ արաբներին ու թիւրքերին ոտքացած ժողովուրդների միջև քչերն են, որ կարողացի են պահել ազգութեան երեքյատկանիշները—բարքերը, լեզուն ու կրօնը։

Գերբերը, հին Պարսկաստանի մազդեհական վերջին բեկորները, գեռ ևս մնում են իրր համայնք՝ միայն իրենց դաւանանքով։ Նրանց հին լեզուն անհետացել է՝ անդի անլով արդի պարսկերէնի գաւառարարաններին, խառնւած հնարանական ձևերի հետ։

Քաղդէացիները, մեծ մասամբ քրիստոնեաները, խոշոր չափով լքած են իրենց լեզուն։ Նրանցից շատերը կրօնափոխ եղան և ձուլեցին արարական գանգւածի մէջ։

Ա. Յովհաննու սակաւաթիւ քրիստոնեաները (բօնափառները), որոնք բնակում են Ստորին-Քաղդէաստանում, գեռ ևս միացած են մնում կրօնական հաւատալիքներով։ բայց նրանց հին լեզուն մեռած է։

Եփապառում զատերը պահելով հանդելոձ քրիստոնէութիւնը՝ մի դարուց ի վեր հետզհետէ կորցրին իրենց լեզուն։ Սիւրիան մոռացաւ իր աւանդութիւնների մեծ մասը, այնպէս որ զատերն ու սիւրիացիներն այժմ լսում են միայն իրենց իշխողների լեզուն։

Մահմեդական կրօնն աստիճանարար կարողացել է ոչ միայն ձուլել լեզուն, այլ և վասել դաւանանքներին։ Այսօր քրիստոնէութեան բեկորներին է միայն, որ պատահում ենք թիւրքական կայսրութեան մէջ։

Գրեթէ միայն հայերն են ունեցել այդ փոթորկին գիմազրաւելու բարոյական ոյժը։ միայն նրանք են, որ պահած են իրենց նախնիքների իմացական ու բարոյական աւանդութիւնը։

Այս ցեղի պատճենական սկսում է շատ հին ժամանակներից։ Զգիտենք՝ որ տեղից գալով եւրոպայում բնակութիւն հաստատած ժողովուրդների հետ միաժամանակ, հայերը հին ժամանակներում բնակւել

են Ռուսաստանի տափաստաններում և Դանուբի հարթավայրերում, երկար մնացել են Թրակիայում, ուր կողքի ապրել են իրենց ցեղակից հելլէնների հետ։ Ապա նրանց հանդիպում ենք Հելլեսպոնտն անցնելիս՝ մօտաւորապէս Տրոյայի պատերազմի դարուն, յետոյ հաստատում են Փոխւգիայում, փոխւգիացիների հետ միասին, որոնց մի մեծ ցեղն էին կազմում այն ժամանակ։ Այս ժամանակաշրջանում հաղեան պետութիւնը նոր էր վերջ գտել։ Հակառակ գաղթականութիւնների ընդհանուր օրէնքին՝ հայերը Փոխւգիայից առաջացել են դէպի արեկելք, Եփրատի վերին հովիտով և գնացել են գրաւել Վանայ, Ուրմիայի, Կարսոյ և Այրարատի շրջանները։ Այդ ժամանակ ուրարտեան թագաւորութիւնն արդէն անհետացած էր։ Հայերը հաստատեցին նրա աւերակների վրայ։

Այդ շրջանին է, որ երեան է գալիս Հայկի մեծ դէմքը, աւանդութիւնների մէջ առասպելական, բայց վստահաբար իրական մի անձնաւորութիւն, որին Մովսէս Խորենացին պատկերացնում է հերոսական կերպարանքով, պատերազմելիո Բելի, այսինքն Ասորեստանի թագաւորների դէմ։ Մեր օրերի Մ'նծ-Հայքն այն ժամանակ գրաւեած էր կովկասեան այժմեան ժողովուրդների՝ լազերի, մինչքելների և վրացիների ազգակից ցեղերով։ Ասորեստանի թագաւորները մըտածում էին տիրանալ նրան՝ Վանայ ծովափի հզօր պետութեան անկումից յետոյ։ Բայց Նինւէն ինքը պէտք է ընկնէր քիչ վերջ, և այդ յեղաշրջման շնորհիւ է, որ հայերը ժամանակ ունեցան ամրապնդելու իրենց իշխանութիւնը՝ Հայկի առաջնորդութեամբ գըրաւած գաւառներում։ Հայերի առաջին թագաւորու-

թիւնը, «Հայաստանը», հիմնեց Քրիստոսից վեց կամ հօթ դար առաջ, և Հայկի անունը մնաց մինչև մեր օրերը՝ համագրելով հայ տարրը, որ նոր էր բաժանւել փոխւգիական ազգից։

Նինւէի կործանումից մի քանի դար յետոյ Մարաստանը կորցրեց իր իշխանութիւնը։ Նրա թագաւորութիւնն անցաւ պարսիկների ձեռքը, որոնց հեղեղը իրանի նախկին տէրերին ստիպեց քաշւել դէպի լեռները։ Այդ ժամանակ է, որ այդ ցեղերը շվման մտան հայերի հետ և յետ մղելով արևելքից՝ այդ ճնշումը փոխանցեցին Այրարատի ժողովուրդներին։

Մարերն իրանեաններ էին, ինչպէս պարսիկները, և առաջին ալիքն էին Առաջաւոր-Ասիա ներխուժող այդ ազգագրական իմբրակի։ Նրանք բռնել էին Պարսկաստանի ամրող հիւսիսային մասը, Ատրպատականն ու Արաքսի հովիար և քաշւեցին դէպի Արարատի հարաւային կողմն եղերող յեռնաշղթան և դէպի Տիգրիսի ու Եփրատի վերին հոսանքները, ուր և հաստաւեցին քիւրդ անւան տակ, ինչպէս կոչւում են մինչև այսօր էլ. իսկ լատին դասականները (կլասիկ) նրանց անւանում են կարլիկներ։

Ուրեմն հայերը շրջապատւած էին հիւսիսից վըրացիներով ու մինչքրելներով (իբերիացիներով), հիւսիսարևմուտքից լազերով (սասպիրներ, մոսսիեր), արևելքից կասպիան և կաղոսեան ցեղերով, ստորին երասմի վրայ, և հարաւից քիւրդերով։ Այս ժամանակիներից սկսած յարատե պատերազմ ունենալով իրենց զանազան հարեանների հետ՝ հայերը հետպհետէ դէպի հիւսիս մղեցին իբերիացիներին (մինչքրելներին). Կասպիանների կողմից, ըստ երկոյթին, մեծ դժւա-

րութիւններ չեն կրել. իսկ լազերի և մանաւանդ քիւրդերի գէմ նրանք սսսկալի կոխներ են մղել և մղում են մինչև այսօր էր:

Միայն Աքեմենիանների օրով է, որ հայերը սկըսեցին քաղաքական կարեռ գեր խաղուի. Դարեհ Ի-ի օրով Հայաստանը կազմում էր մի սատրապութիւն, որ տարածում էր Արաքսից մինչև Եւքսինեան Պոնտոս՝ ծովեզրում ունենալով Տրապիզոնը, Կիրասոնն և Օրտուն (Cotiora?): Բայց շուտով ծովեզրը զուրս եկաւ նրա ձեռքից, և Հայաստանը սահմանաւորւեց Պոնտեան Ալպերից այս կողմը, ինչ վերաբերում է իրերիցին, Կողքիսին և Լաղիստանին, նրանք միշտ էլ Աքեմենիանների կայսրութիւնից դուրս մնացին, այնպէս որ պարսկական այդ տրքայական տան իշխանութեան տեսողութեան ընթացքում հայերը մնացին սահմանակից ժողովուրդ և հէնց սրա համար էլ սահպեցին դիմադրել հիւսիսյին թագաւորութիւններին:

Ոչ մի հայ հեղինակ տեղեկութիւններ չէ տալիս մեզ Աքեմենիանների օրով այս երկրում տեղի ունեցած գէպքերի մասին. բայց պարսկէների վիմագիր արձանագրութիւնները լրացնում են այդ բացը և պատմական ամբողջութիւնը հնարաւոր է դարձնում հասկանալ, թէ ինչպէս էր Հայաստանի գրութիւնն այն ժամանակ, թէ ինչ գաժան կոփւները, որ նրանք մղեցին իրենց անկախութեան պահպանման համար, նրանց գէնքի յաջողութիւններն արքայից արքայի հոծ բանակների վրայ՝ ցոյց են տալիս, որ այս ժողովուրդն ուժեղորէն կազմակերպւած և հզօր էր. Բանակների բազմաթիւ առաքումներ անհրաժեշտ եղան Հայաստանը հարկատու գարձնելու համար:

Հերոդոտ (VII, 73) նկարագրելով Քսերքսէսի բանակը Հելլեպոնտից անցնելիս (Ք. ա. 486 թ.)՝ այսպէս է արտայայտում հայերի մասին.

«Հայերը զինած էին փոխազիների պէս, որոնց մի գաղութն են կազմում նրանք, թէ մէկի եւ թէ միւսի հրամանատուարութիւնը ստանձնել էր Արտօքմը, որ ամուսնացել էր Դարեհի մի աղջկայնու»:

Մի քիչ վեր (VII, 73) յոյն պատմագիլն ասում է.

«Փոհիգիացիները, մակեղոնացիների ասելով, թրիզներ էին կոչում, քանի ընակում էին նըրոպայում եւ մտում էին նրանց (մակեղոնացիների) հետ, բայց անցնելով Սախա, փոխելով երկիրը՝ փոխեցին նաև իրենց անունն եւ կոչեցին փոխազիներ»:

Ինչպէս տեսնում էր, այս մի քանի տողերը չափազանց թանգարժէք են հայերի ծագման հարցում: Գալով փոխազիացիներին, որոնց մասին խօսում է Հերոդոտը, հայերի եղբայրակից այդ ժողովուրդը աստիճանաբար ձուլւեց յոյն տարրի մէջ, որ գերակշռում էր Փոքր-Ասիայում, և իրը ազգ անհետացաւ աշխարհի երեսից:

Մինչև Ք. յ. հինգերորդ դարը Հայաստանը սկսական տառեր չունէր իր լեզով գրելու համար: Անգրկովկասում և Սյրաբատեան երկրներում գործածական էր ասորերէնը իրը կըօնտական լեզու, իսկ ընթացիկ կեանքում պահլաւերէնն ու յունարէնը: Սրանից հետեւմ է, որ բերանացի փոխանցւած պատմական յիշատակները շատ շուտով փոխակերպւեցին առապելների և աւանդավէպերի: Այդ աւանդութիւնները վերաբարում են յետագայ պատմագիրները,

ամինից առաջ Մովսէս Խորեն ացին, երբ նու խօսում
է ցեղի հերոս Հայկի մասին, որ երբէք չկամենալով
գլուխ ծոել Բարելոնի բռնապետ Բելի լուծին, քաշ-
ւում է Հայաստանի լեռները, հատապնդում է Բելի
կողմից, որ համում է մի հզօր բանակի գլուխն ան-
ցած, իր մարդկանցով կուռում է նրա և նրա բազմա-
թիւ զօրախմբերի դէմ, սպանում է նրան տաք կուռում
շեշտակի արձակւած նետով, ցրիւ է տալիս նրա բա-
նակն ու հիմում է հայկական անկախ հայրենիքը»:

Իսկ այն վիպական գիւցազներգութիւնը Արա
Գրեղեցիկի, որ զուռում է հայրենիքի և իր կնոջ Նը-
ւարդի հանդէպ հաւատարմութեան համար՝ մերժելով
Շամիրամի ձեռքն ու գահը.—զբանում միթէ չէ լըս-
ւում ազգութեան և հաւատքի նկատմամբ յարգանքի
արիական վաղեմի աւանդութիւնների արձագանքը:

Բոլոր ժողովուրդների մէջ էլ ցեղի ծագման յի-
շողութիւնները փոխւած են աւանդավէպերի. յաճախ
այդ շփոթ զրոյցների մէջ կարելի է գտնել իրական
դէպերի մասին ակնարկութիւններ։ Ասհասարակ
հայկական աւանդութիւններն աւելի յստակ են, քան
ինչ որ սովոր ենք պատահել այլ դէպերում, և հնա-
րաւորութիւն են տալիս գէթ իրենց խոշոր գծերում
վերաբարդելու այդ ժողովրդի շարժումներն ու ձի-
գերը։ Դրանց մէջ կան այնպիսի հաւաստիացումներ,
որոնք համաձայն են դասական հեղինակների ասած-
ներին և այն հետքերին, որ հայերը թողել են
զաղթականութեան ընթացքում իրենց անցած երկր-
ներում։ Զանազան անուններ, ինչպէս Ասքանազեան
լիճ, Ասքանազեան նաւահանգիստ և Ասքանազեան
կղղիներ՝ Վոսփորի շրջաններում, նոյնպէս վկայում

են Ասքենազուի, ըստ Աստւածաշնչի՝ Ասքանազի,
այսինքն փոխեղիացիների, որոնք իրենց ազգի մէջ
պարունակում էին և հայերին, գաղթականութեան
մասին։

Աքեմենեանների կայսրութեան անկման և մա-
կեդոնական աշխարհակալութեան ժամանակ՝ կիսան-
կախ Հայաստանը, որ արդէն իր թագաւորներն ու
ազատութեան աւանդութիւններն ունեցած էր, հե-
թարկւեց Պարսկաստանի միւս բոլոր սատրապութիւն-
ների բախտին։ սակայն շուտով ազատուեց Սիւրիայի
(Ասորիքի) Սելեկեանների լծից և վերստացաւ իր ան-
կախութիւնը։

Այսպէս թէ այնպէս, առաջին Սելեկեանների
ժամանակակից մի արքայական տնից յետոյ, բնիկ
պատմագիրները տալիս են յունական տիրապետու-
թեան շրջանը. այս ժամանակ է, որ Մեծն Անտիո-
քոսը պարտուեց հոռմայեցիներից։ Դրանով Հայաս-
տանը դարձեալ ազատուեց և բաժանւեց երկու թա-
գաւորութիւնների—Մեծ-Հայք՝ Եփրատից արևելը և
Փոքր-Հայք, որ տարածում էր Եփրատից արևմուտք։
Արտաքիան (Արտաշէս) իշխում էր Մեծ-Հայքում,
իսկ Զարիադրէսը (Զարեհ) Փոքր-Հայքում։

Դա Հայաստանի ամենափառաւոր շրջաններից
մէկն է։ Այդ երկու իշխանները դաշնակցելով յոյների
և հիւսիսի ու արևելքի իրենց խոռվասէր հարեւնների
հետ՝ ընդարձակեցին իրենց երկրները, մեծ գեր խա-
ղացին այն ժամանակաւայ ասիական ընդհանուր քա-
ղաքականութեան մէջ և հիմնեցին իշխանութիւններ,
որոնք շարտանակւեցին մի քանի դար։ Յետոյ, պար-
թեան շրջանում, տեսնում ենք մի առանձին արշա-

կունի թագաւորութեան կազմութիւնը, որ ազգակցական կապեր ունի արքայից արքայի հետ, բայց միշտ անկախ է: Հայաստանը մնալով հռովմէական և պարսկական վեհապետների կալւածների միջև, գաշնակցելով իր հզօր հարկաններից մէկ սրա-մէկ նրա հետ, երկար դարեր ենթարկեց պատերազմի աղէտներին: Նա արիաբար դիմագրաւեց փոթորիկներին, նրա բանակները յաճախ փայլուն յաղթանակներ տարան, և հետզհետէ հետեւելով իրենց աւանդութիւններին, արիական ցեղին յատուկ իրենց ոգու մղումով՝ հայերը թեքւեցին դէպի հռովմէական մշակոյթն ու քրիստոնէութիւնը:

301 թւականին Այրարատը քրիստոնէութիւն է ընդունում, Կոստանդին Լից 12 տարի աւելի վաղ: Այդ ժամանակից սկսած Հայաստանը կապւեց հռովմէական կայսրութեան և քրիստոնէութեան առաջապահը հանդիսացաւ արևելքում:

Սասանեանների Պարսկաստանը վերադառնալով նախկին կրօնին, մազկեհականութեան, իր ատելութեան մէջ սկսեց շփոթել հայերին ու հռոմայեցիներին: Հայաստանը կրկին դարձաւ անմահների և լեգիոնների^{*)} հանդիպման ուղմադաշտը. քոն անգամ աւերւեց, գրաւեց և վերագրաւեց: Վերջիվերջոյ Արշակունիաց թագաւորութիւնը, պաշտպանութիւն չը դանելով Բիւզանդիոնից, ընկնում է, և Հայաստանը բաժանում է արքայից արքայի և կայսրի միջև:

*) Պարսիկների և հռովմայեցիների բանակները, ինչպէս իւրաքանչիւրն անւանում էր իրեն:

Արշակունի Վառամշապուհ թագաւորի օրով մտաւորական ու բարոյական մի մեծ թորիչը են գործում հայերը, որոնք աւելի ու աւելի էին կապւում Եւրոպային: Սահակ կաթողիկոսն ու Մեսրոպ վարդապետն էին այդ նոր թուիչը զեկավարները:

Հինգերորդ դարու վերջերը Պարսկաստանի Յագկերու II փորձում է Հայաստանին ընդունել տալ մազկեհական կրօնը, որպէս զի բոլորովին ձուլէ նըրան: Հայերն ամբողջ ոտքի ելան՝ Վարդան Մամիկոնեանի, Յովսէփ կաթողիկոսի և կղերականութեան գըլխաւորութեամբ: Յազկերու Հայաստան է ուղարկում մի վիթխարի բանակ՝ ընկճելու նրա գիմագրութիւնը: Վարդան և իր 70,000 զինակիցներն Աւարայրի դաշտում դիմագրաւում են պարսկական հսկայական բանակին, բայց Վարդանն ընկնում է այդ ճակատամարտում, նրա զօրախմբերը ցըիւ են գալիս, և Հայաստանն հնթարկում է խուժուժ թշնամու վայրագութեան: Ամբողջ ժողովութեց քաշւեց ամրացաւ բերդերում ու կիրճերում, շարունակեց գիմագրել՝ անընդհատ ասպատակային կոիւներ մղելով: Կիները, երեխաները, ծերեկը քաշւում են անտառները, քարանձաւներն ու լեռները՝ նախագասելով վայրենի կեանք վարել, քան ուրանալ իրենց ազգային կրօնը, որով հայկական ոգին վառ մնաց աւերակների ու դիակների միջև: Վահան Մամիկոնեանը քաջարար շարունակեց իր հօրեղբօր գործը: Պարսկաստանը պատերազմից յոգնելով վերջիվերջոյ վճռում է թոյլ տալ հայերին պահելու իրենց կրօնական ու ազգային ա-

սանձնայատկութիւններն և Վահանին անւանում է Հայաստանի մարզպան» *):

Երկար ու տաղակալի կը լինէր յիշել պարսիկների բոլոր փորձերը՝ հայերին կրօնափոխ անելու համար: Պէտք է նկատել, թէ կրօնամոլութեամբ չէ, որ առաջնորդում էին Սասանիանները. Պարսկաստանում կային բազմաթիւ քրիստոնեայ համայնքներ, թեմեր՝ Քթեղիփոնում, Ահւազում, ամբողջ Քաղէտաստանում. Քրիստոսի հետևողները չէին հալածում այնտեղ: Բայց Հայաստանում հարցը բոլորովին այլ էր: Այս երկիրն իր կրօնով կապւած էր թշնամի հըսովմայեցիներին, արևպէս որ սասանիան թագաւորներն այնտեղ խոչընդոտի էին հանդիպում՝ իրենց տիրապետութիւնը մինչև Կովկաս ու Եւֆսինեան Պոնտոս տարածելու փառասիրութեան մէջ. ուստի իրանեան կայսրութեան ամբողջ տևողութեան ընթացքում Հայաստանը շարունակ դարձաւ պարսիկների և լեգիոնների միջև արիւնալի կորիւների թատերավայր:

Եւ իրօք, Հայաստանը ուազմագիտական շատ կարեոր դիրք ունէր՝ Եփրատի և Տիգրիսի ձեացրած ընդարձակ ուազմագաշտի տեսակէտով: Շնորհիւ նրա դիրքի, դէպի Սիւրիա պարսիկների ամեն արշաւանք կարող էր կասեցւել՝ նրանց աջ թեկի վրայ արւած մի յարձակումով և Քթեղիփոնի հետ հաղորդակցութիւնը կարող էր խուել Նիզիրից կամ Օքիսից իջնող մի քանի լեզուններով:

Դ-րդ դարում արաբների կողմից սասանեան կայսրութեան տապալումն ոչինչով չամոքեց հայերի տառապանքը: Երկիրը գրաւեց, աւերւեց, հուրի ու

արեան մատնւեց. բայց իր աւանդութիւններին հաւատարիմ ազգաբնակութիւնը, հետեւնով Վահան Մամիկոնեանի օրինակին, գիմազրութիւն կազմակերպեց, այնպէս որ արաբները, յոգնած իրենց ապարդիւն ճիգերից, քաշւեցին՝ թողնելով, որ Բագրատունիները վերականգնեն թագաւորութիւնն ու շինհն Անի մայրաքաղաքը, որը հայերն իրենց հայրենասիրական թոփիչով չեն վարանում համեմատութեան դնել Բիւզանդիոնի հետ: Անին իր տարածութեամբ, իր շինութիւններով անտարակոյս փոքրիկ բոյրն էր Բագրիւների մայրաքաղաքի, բայց նրան հաւասարուն էր իր հաւատքով, իր իմացական մշակոյթով, ինչպէս և իր բնակիչների հայրենասիրութեամբն ու զինուրական քաջութեամբը:

Բագրատունեաց թագաւորութիւնն այս դժբախտ երկրի համար դարձաւ բարպաւածման մի նոր դարաշրջան. բայց Հայաստանի ազէտոնները շուտով վերսկսեցին: 11-րդ դարում երևան հն գալիս ոելջուկեան թիւրքերը, տապալում են Բագրատունեաց թագաւորութիւնը, քանզում են ամեն ինչ, և երկիրը խեղդըւում է արեան մէջ: Այսուհետեւ դժբախտ հայերի համար վերսկսում է լիռների և քարայրների կեանըընարանք մախչում են դէպի Փոքր-Կովկաս (Քարթլի) և Ղարաբաղ (Նախկին Սրբալի գաւառը՝ Սիւնիքում). ուրիշներ գաղթում են Բիւզանդիոն ու մինչև Լեհաստան:

Խիստ բազմաթիւ հայեր Ռուբէնի առաջնորդութեամբ ուղղում են դէպի Կիլիկիա՝ վերագանակով մօտ երկու հազար տարի առաջ իրենց նախնիքների լքած այս երկիրը, ուր ցեղակիցների մեծ զաղութներ

*) A. Tchobanian. op. I., p. 8:

կային: Նրանք զրաւում են լեռները, ամբանում են և հետգիւտէ իրենց հողամասերն ընդլայնում մինչև ծովը: Դա տեղի է ունենում խաչակիրների շրջանում: Կիլիկիայի հայերն ինքնարերաբար դնում են իրենց խաչակիրների տրամադրութեան տակ և միծ ծառայութիւններ մատուցանում քրիստոնեայ զօրամասերին: Այդ օժանդակութիւն համար իբր վարձատրութիւն՝ Կղեստին III պապն ու Հենրիկոս VI կայսրը, Ֆրեդերիկ Շիկամորուսի որդին, Ռուբէնի համեստ իշխանութիւնը յայտարարեցին թագաւորութիւն: 1383-ին, Գրիգոր XIII պապն իր Ecclesia romana կոնդակում գրում էր այսպէս: «Քրիստոնեայ եկեղեցու և հանրապետութեան հանդէպ հայ ազգի ուրիշ արժանիքների միջն կայ մէկը, որ վսիմ է և առանձնապէս յիշատակիլի, դա այն է, որ երբ ժամանակին քրիստոնեայ իշխաններն ու բանակները զնում էին ազատելու սուրբ երկիրը, ոչ մի ազգ և ոչ մի ժողովուրդ աւելի արագ և աւելի եռամդով, քան հայերը, չփութաց նրանց օգնել մարդկանցով, ձիերով, մթերքով, խորհուրդներով, այդ սրբազնն պատերազմում նրանք քրիստոնեաներին օգնեցին իրենց բոլոր ոյժերով, ամենս միծ արիութեամբ ու հաւատարմութեամբ»:

Դա գերախտաբար վերջին անգամն էր, որ հայերն առիթ ունեցան գործնականապէս վկայելու իրենց անձնւիրութիւնը դէպի քաղաքակրթութեան դատը՝ բարբարոսութեան դէմ: Խաչակրութիւնների ժամանակ Փոքր-Հայաստանի այս թագաւորութիւնը քրիստոնեայ եւրոպայի մի կղզեակն էր՝ կորած մոհմեղական ովկէանոսի մէջ: XIV դարու սկզբին,

թինեան իշխանների շառաւիղը վերջացաւ. հայերը հրաւիրեցին քրանսիական կուսինեան ընտանիքը բաղմելու իրենց գահի վրայ: Դա չշանակում էր աւելի սերտօրէն կապէել արևմտեան քաղաքակրթութեան: Մահմեդականներն իրբ մարտահրաւէր նկատելով նոր լատին թագաւորի հաստատաւմը՝ կրկնապատկեցին իրենց ճիգերն այդ պատիկ պետութեան դէմ: Վերջապէս, XIV դարու վերջին տարիները, մամելուկներին աջողեց կործանել խաչակիրների հզօրութեան այս վերջին վկայիս, որին եւրոպան այլևս չէր պաշտպանում: Այսպիսով հայերը գոհարերեւեցին մօտ վեց դար առաջ և լքեցին՝ իրենց անձնւիրութեանը զոհ դառնալով:

Միծ Հայաստանի բախտը վճռւած էր արգէն XI դարում: Նա բաժանուեց թիւրքերի և պարսիկների միջն: XII դարու սկզբին է, որ Ռուսաստանը սկսեց կցել Հայաստանը, Պարսկաստանի և Թիւրքիայի դէմ նրա մղած պատերազմներն արգէն նրան էին թողել Արաքսից հիւսիս գտնուղ Հայաստանի հողափասը, երբ ծագեց 1914 թւականի պատերազմը:

* * *

Ով որ Արևելք չէ այցելել, և կամ եղել է այնտեղ՝ առանց հասկանալու տեղական լեզուները, չէ կարող ճիշտ գաղափար կազմել, թէ մահմեդականն ինչ զգացումներ է տածում քրիստոնեայի նկատմամբ: Պէտք է ապրած լինել այդ մարդկանց մէջ: պէտք է լինել, առանց կասկած հրաւիրելու, նրանց մտերիս խօսակցութիւնը, ըմբռնելու համար, թէ մոլլաների

ուսումն բնչքան կարող է մոլորեցնել ամենամեղմաբարոյ մարդկանց հոգին ու սիրտն և նրանց փոխակերպել անհաջող մոլեռանդների:

Պոլում, թեհրանում, բոլոր մեծ քաղաքներում, եւրոպացին կանոնաւոր շփման մէջ է միայն մեր կենցաղավարութեան սովոր մարդկանց հետ, կամ գոնէ իրենց ներքին մտածումները ծածկելու վարժւածների հետ: Թւում է, որ անհաւատալի դիւրութեամբ ընտելանում են մեր սովորոյթներին, և մեր ներկայութեան հետեւմ են նրանց այնպիսի բնականութեամբ, որ կարծիս բացարձակապէս անկեղծ լինիո: բայց հենց որ տուն են գնում, նրանք թօթափում են կեղծ եւրոպականութիւնը և կըկին դառնում են միւնոյն անխիղճ ու անգութ բարբարոսները:

Մահմեղականի և եւրոպացու միջև յարաբերութեան խնդրում թուրքերի մօտ երևութական համբերողութիւնը շատ աւելի մեծ է, քան պարսիկների մօտ: Թիւրքը խոզի միս չէ ուտում, գինի և ալքոհոլ չէ խուժ, բայց լինելով աւելի ճարպիկ կեղծող, քան Արևելքի հարևանը, նրանից աւելի լաւ է իւրացնում մեր ձեերը:

Պարսկաստանում, շիաների մօտ հարցը բոլորովին փոխում է: Պարսիկն ամենից առաջ մտահոգ է մաքուրի և անմաքուրի մասին: Նա պահում է մազգեհական պատւիրանները, որոնք իրենց հերթին մեծ ազգեցութիւն են կըել հնդկական Բրահմայականութիւնից: Լաւ շիան ստիպւած է հազար նախազգուշութիւնների դիմել քրիստոնեայի հետ յարաբերութիւն ունենալիս:

Պարսիկն ոչ միայն պէտք չէ ուտէ խոզի, նա-

պաստակի, անթիեփ ձկան, ծխական տղօթքներով չօրհնւած, չսրբագործւած մսերը, այլէ չպէտք է ձեռք տայ եւրոպացնեն, կաշի ձեռնոցներ չպէտք է հագնի, կաղոսուախ, եթէ շանը շօշափէ, չէ կարող ուտել կամ իմել քրիստոնէային արւած ամանից: Նա բնականաբար պէտք է հրաժարւի գինուց և ալքոհոլից^{*)}: բայց, ինչովէս թիւրքը, արաբն ու բոլոր մահմեղականները, նրան ներելի է մատնել ամենից ամօթալի և կեղոսու մոլութիւնների՝ առանց անհաճոյլիներու Մոհամեդին և Ալլահին:

Մահմեղականի աչքում կան երկու տեսակ քրիստոնեաներ, որոնց սակայն ատում է նոյնքան խորապէս—օտար քրիստոնեան, որին յարգում է երկութապէս, վախիցը, և թիւրքիայի կամ Պարսկաստանի քրիստոնեան, որին նա երբէք հաշւի չի առնիլ:

Պարսիկների մօտ այդ վերջին տեսակի քրիստոնեան, որ Շահի հպատակն է, սաստիկ արհամարհուում է: բայց, ընդհանրապէս, այսօր թողւած է իր գլխին և քիչ անգամ է անպատւում: Նրանից նոյն խոկ աւելի են փաթջում, քան քոսոտ մահմեղականից: բայց նրան աշխատում են չարիք չհասցնել: Դա առաջանում է նրանից, որ պարսիկի նկարագրի խորքը մեղմ է և մոլեռանդութիւնը նրան չափազանց չէ այլանդակած, միւս կողմից՝ նրանից, որ անցեալ դա-

*) Պարսկաստանում բարձրաստիճան կրթւած մարդիկ արհամարհում են այդ պատւիրանները և միայն հասարակութեան մէջ է, որ յարգում են նրանց, բայց ինամքով ծածկում են իրենց այդ ընթացքը մոլաների վախից, որոնք ամենակարող ազգեցութիւն ունեն բուրժուազիայի և ժողովրդի մտայնութեան վըայ:

բուց սկսած եւրոպական պիտութիւնները մեծ հեղինակութիւն ձեւը բերին պարսիկ արքունիքի վրայ։ Բայց և այնպէս կան կատաղիներ, մանաւանդ սէջիդների և մոլլաների միջն, որոնց եթէ չկաշկանդէ հիւպատուարանների փրկարար երկիւզը, ուրախութեամբ կը կատարէին պախարակելի ակտեր։

Թիւրքերի մօտ, քրիստոնեայի գիրքն աւելի անտանելի է և մանաւանդ էր աւելի քան մի գար առաջ, քան այլուր։ Քրիստոնեան, մի խօսքով, մահմեդականի ստրուկն էր։ Նա պարտական էր յարգել ակնածել և հնագանդւել Ալյանի հաւատացեալներից փողոցային առաջին պատահած սրիկային։ Ո՛չ մի այլ երկրում բռնի ոյժն այնքան չարաչար չէ գործածւած, ինչքան Թիւրքիայում։ Ճշմարիտ հաւատացեալը իրեն նկատում է գերազանց մի էակ։ Նա ուազմիկ է, Նա հազիւ է բարեհաճում զբաղւել վարչական հարցերով։ Ինչ վերաբերում է իր ձեռքով աշխատելու ինդրին, դա վայել չէ նրան։ Ուստի և քրիստոնեաները պէտք է ապրեցնեն այդ ծոյլին, և միայն այս պատճառով է, որ նրանք ինայել են անհաւատների կեանքին։ Բայց քրիստոնեաները պէտք է այնպէս հագւեն, որ կարելի լինի նրանց ճանաչել մի ակնարկով, որ նրանք չշփոթւեն մարգարէի սիրեցեալ գերընտիր դասի հետ։

Ժամանակին, քրիստոնեան մահմեդականի առարկան էր, նա իրաւունք չունէր ապահովութիւն ունենալ ոչ իր և իրենների կեանքի, ոչ իր և իր ընտանիքի պատւի, ոչ էլ իր ինչը համար։ Երբ թիւրքը ցանկանար սրբել տալ իր կօշիկները, կանչում էր մի քրիստոնեայի, որ գրապահոցը պէտք է հանէր թաշկինակը, ինչ գիրքի տէր մարդ էլ լինէր, և պէտք է կա-

տարէր այդ ոտրկական աշխատանքը։ Նոյն իսկ ժթ. դարու սկզբում, Պոլսի սէջ, մահմեդականը կարող էր, առանց ենթարկելու մինչև անգամ յանդիմանւելու վտանգին, փողոցում կանգնեցնել մի քրիստոնեայի և նրա գլուխը կտրել փորձելու համար իր սուրի բնրանը։ Քրիստոնեայ և հրեայ կանայը միշտ քողով էին գուրս գալիս, որպէս զի խուսափեն առաջին հանդիպած մահմեդականի քմահաճոյքից։ բայց այդ նախազգուշութիւնը միշտ բաւ չէր լինում, և նրանք աւելի շուտ տանից չէին գուրս գալիս։

Եկեղեցիները պէտք է լինէին փոքր, առանց զանգի, թոյլատրւած չէր զանգահարել, և երբ մի մահմեդականի խելքին էր փշում իր ձիուն պատսպարել խորանում և այնտեղը պղծել, քրիստոնեաները պէտք է մաքրէին։ Յաճախ նա կանչում էր քահանային, որ բռնէ ձիու սանձը։ Հարկ չկայ աւելացնել, որ եթէ մահմեդականների մի խումբ կանգ առնէր մի գիւղում, բնակիչները պէտք է հայթայթէին ամեն բան, բացարձակապէս ամեն բան, ինչ որ պահանջւէր։

ԺԹ. դարու երկրորդ կիսից սկսած, Խրիմի պատերազմի ժամանակները, Թիւրքիայում քրիստոնեաների գրութիւնը զգալիօրէն լաւացաւ։ Սուլթանին օգնող պետութիւնների ճնշման տակ. և սակայն նըրանց գրութիւնը դեռ ևս մնում էր շատ անկայուն, որովհետև մահմեդական կղերականութիւնը չէր փոխած իր տոնը և յանձնարարում էր բարբարոս լինել անհաւատի նկատմամբ։ Կրօնաւորների սնուցած այս մոլեռանդութեան վրայ պէտք է աւելացնել նաև քրիստոնեայի համար յաճախ վտանգաւոր տակորդապաշտութիւնները։

Եթէ Շահի հպատակ և նահանգապետների կոնսուլի տակ դրւած պարսիկն այսօր համբերով է երեւում քրիստոնեաների վերաբերմամբ, այդ բարեացակամութիւնը չպէտք է վերագրել զթասրտութեան, որովհետեւ շատ յաճախ, եւրոպացի ներկայացուցիչների վախն է, որ գործել է տալիս նրան: Դրան ապացոյց այն, որ վերջերս, երբ օսմանեան զօրախմբերը զբաւցին Աստրպատականի արևմտեան մասը, ամեն տեղից Շահի մահմեդական հպատակները մասնակցեցին ասորիների և հայերի կոստրածին՝ Ուրմիայի և Սալմաստի գաւառներում՝ երեան հանելով աւելի վայրագութիւն, քան մինչև իսկ թափառաշրջիկ քիւրդերը, և մտածելով, որ իրենց ոմիջները անպատիժ կը մնան, անարդ բարբարոսութեան ակտեր կատարեցին:

Ցայտնի է, թէ արաբներն ինչ արհաւիրը տարածեցին Պարսկաստանում, Ուրմիայում, բիւղանդական գաւառներում, ինչպէս և պարսիկներն ու թիւրքերը. հանրածանօթ է, թէ այդ ժողովուրդներն ինչպիսի ծայրայեղութիւնների են ընդունակ. այսուամենայնիւ եւրոպացիների միջն կան կրթւած մարդկի, որ հիացմամբ են խօսում այդ բարբարոսների մասին: Հարցնում ենք, թէ կարելի՞ է հաւատալ նրանց:

* * *

Տասնկմէկերորդ դարուց սկսած, Անիի թագաւորութեան սելջուկների կողմից կործանումից յետոյ, շատ հայեր հեռացան իրենց երկրից և հաստատեցին Պոլսում, լեհաստանում, Հունգարիայում, Վենետիկում, Միջերկրականի բոլոր քրիստոնէական քաղաք-

ներում, և ամեն տեղ էլ նրանք շատ օգտակար դեր կատարեցին հիւրընկալուող երկրների համար: Ուրիշ ներ զաղթեցին Հնդկաստան, Զինաստան և այն տեղ տարան եւրոպական բաղաքակրթութեան առաջին տարրերը: Երկար դարեր նրանք համարեած միակն էին, որ մեր երկրների առևտուրը պահում էին Ասիայի ամենահեռաւոր մասերում, բայց հետզհետէ այդ գործառնութիւններն անցան պարսիկների և չինացիների ձեռքը: Լուսինեանների թագաւորութիւնն անկուրը մի նոր թափ տեց նրանց գաղթականութեանը:

Հայերի վարչական ընդունակութիւնները կարեւոր դիրք էին ստեղծել նրանց համար բիւղանդական կայսրութեան մէջ, և երբ Մուհամեդ II տիրեց Պոլսին, ստիպւած եղաւ նոր պետութեան զործերի մի մեծ մասը յանձնել հայերին: Իրենց վրայ իշխող կառավարութեան մէջ հայերի դիրք ճշտելու համար բաւական է յիշել նորուգոյն ժամանակներից եղիպատում նուպար փաշային, Տիգրան փաշային, եագուղ Արթին փաշային, Թիւրքիայում՝ Միհամթ փաշայի աշխատակրց Օտեանին, Պարսկաստանում՝ Մելքոն իշանին ու Եփեռի խանին:

Այդ մարդիկ յաճախ պետական խորհրդականներ են եղել, դա չի նշանակում, թէ նրանք միշտ լաւագոյն կերպով են ծառայել այդ երկրների շահերին: Նրանցից մի քանիսը փութացրին այդ երկրների կործանումը՝ ժողովրդի ընդունակութիւններից վեր յզացումներով, բայց նրանք ապացուցել են իրենց եռանգուն գործունէութիւնն ու մեծ ուշիմութիւնը՝ համակւած լինելով Արևելքն իր տպիտութիւնից ապա տեղու ցանկութեամբ: Եթէ այդ փորձերի արդիւնք

Ներն աջող չօրնցան, եթէ մահմեդական երկրները խորտակւեցին, պատճառն այն է, որ նրանք պատրաստած չէին բարենորոգութիւնը համար, որ նրանց ձակատագրապաշտութիւնը, իրենց ժողովրդի ծուլութեան աւանդութիւնները, վազւայ մասին նրանց անփութիւնը անաջողութեան էին գատապարտում նման ծրագիրները:

Թիւրքիայում, ինչպէս և Պարսկաստանում ազատական զաղաքարներն ընկնելով այնպէսի ժողովուրդների մէջ, որոնք անընդունակ էին իւրացնելու այդ զաղաքարները, միայն փութացնում էին կործանումը: Պէտք էր ժամանակ տալ ժողովուրդներին՝ պատրաստելու բարենորոգութիւնը համար, եթէ սակայն նրանց ողին ընդունակ է այդ բարենորոգութիւնը, և ոչ թէ հարկադրել նրան՝ առանց աստիճանական յեղաշրջման: Այս մասին Զինաստանում ձեռք բերեած արդիւնքն աւելի բարեյացող չէր, քան Արևմտեան Ասիայում ձեռք բերեածը, որովհետեւ այդ երկրներում միայն մի քանի մարդիկ կարող էին կշռագատել անցեալ դարերի ըեժիմից նւազ տիրական մի իշխանութեան առաւելութիւնները. իսկ ժողովրդական զանցւածի մէջ ազատագրման միտքը մինչեւ այժմ էլ թւում է, առաջացրել է միայն օտարատեաց զգացումի սաստկացումը՝ թէ հեռաւոր արեելքում և թէ մահմեդականների միջի:

Հիւսիսային Հայաստանում ոռուական առաջիազութեամբ, թէ Թիւրքիայում և թէ Պարսկաստանում, ամենքի հաւատարութիւնն օրէնքի տոջե, ոռուայիրին հնարաւորութիւն է աւել զարգանալ ծայրայեղ արագութեամբ: Նրանք թւով եռապատկեցին

ոռուական երկրներում, մեծ գիրքեր ձեռք բերին, անթիւ ծառայութիւններ մատուցին վարչական ուղինւորական պաշտօններում: Անհարկի մեծ աղմուկ հանեցին այն բանից, որ նրանցից մի քանիսը հետեւելով ուսւ յեղափոխականների օրինակին և ընդօրինակելով նրանց զործելակերպը, կովկասեան ճգնաժամի պահուն ցաւալի ծայրայեղութիւնների են գիմի, ահարեկման ակտեր են կատարել: Ժողովրդի ահային մեծամասնութիւնը միշտ ամենախոհական և ամենազգուշաւոր գիրք է պահել: Ամբողջ հայ երիտասարդութիւնն այսօր լիուլի քաւում է մի զոյզն փոքրամասնութեան այդ իսկայեղութեան բոպէնները՝ թիւրք-գերման թշնամու հանդէպ իր հերոսական պայքարով, քաղաքակրթութեան և համաձայնութեան պետութիւնների դատի վերաբերմամբ իր անձնւիւութեամբ:

Սակայն, եթէ հայերը յարգանքի են արժանի իրենց գերազանց յատկութիւններով, նոյնքան ճշմարիտ է, որ նրանք ունեն մի քանի այնպիսի թերութիւններ, որոնց վրայով չէ կարելի լուսւթեամբ անցնել, եթէ ուզւում է անկիղծօրէն բնութագրել նրանց, և ոչ թէ նրանց գովեստը հիւսել: Պ. Քիյեարն իր Pour l'Arménie, Mémoires et Dossiers գրքում այսպէս է արտալայտում. «Այն հանգամանքը, որ զբամափոխներից (սարրաֆ) մեծ մասը հայեր են, նրանք (եւըպացինները) հապճեպով եզրակացնում են, թէ բոլոր հայերը զբամափոխներ են. ինչ վերաբերում է չուկայի, միջնորդների պարկիշտութեան, լինեն նրանք յոյներ, հայեր, հրէաներ թէ կաթոլիկ արեւելքիններ, դա իսկապէս կասկածելի է. բայց մի տարօրինակ մե-

թող կը լինէվ մի ամբողջ ժողովրդի մասին զատել վմ
քանի անհամաներից, որոնք ունին իրենց արհեստից
բղխող և ոչ թէ իրենց ցեղին յատուկ թերութիւն-
ներ»: Ես համաձայն եմ ա. Քիյեարի կարծիքին: Լորդ
Բայրըն շատ ճիշտ է ասել. «Հայերի թերութիւնները
ստրկութեան թերութիւններ են»: Զայ աւելի ճիշտ
բան, քան մեծ բանաստեղծի այդ գնահատումը. որով-
հետեւ արեւելքի քրիստոնեաները, առանց բացառու-
թեան, իրենց աէրերի կոպտութեան դէմ մաքառելու
համար չունենալով այլ գէնք, բացի խորամանկութիւ-
նից, դարձել են ճարպիկ, և նրանց նախանձող ժո-
ղովուրդները, վրացիները, թաթարները, մինգրելները
և այլն, աւելի շուտ պէտք է յանդիմանեն իրենց հո-
գեկան ծուլութիւնը, քան թշնամութիւն ցոյց տան
այն մարդկանց հանդէպ, որոնք իրենց եռանգով ծաղ-
կեցնում են այն երկրները, ուր նրանց առաջնոր-
դում է ճակատագիրը:

Ինչպէս սարբաՓ չեն բոլոր հայերը, նոյնպէս
մանաւանդ անարեկիչներ չեն նրանք ամենք:

Սիալ հասկացւած հայրենասիրութեան բոնի
ձեւը, մի բուռը տաք-զլուխ մարգկանց միջն, որոնք
բացառութեան ազգի խոշոր մեծամասնութեան կողմից,
տեսած է միայն շատ կարծ ժամանակ, և շատ տարի-
ներից ի վեր այլևս անարեկման հարց չկայ հայկա-
կան ամենասահաջառոր շրջաններում: Բայց թիւրք իշ-
խանութիւնների և գերմանական իշխանութեան կող-
մից ուսեցւած այդ գէպքերը կարող էին ծառայել
տեսոննեան նպատակներին: Այդ գէպքերը շահա-
գործեցին անամօթ ձևով, թիւրքիայում բարբարո-
սաբար, իսկ Բերլինում՝ փառարաններու համար Արե-
ւելքում կատարւող ոճիրները:

1915-ի աշնան վերջերին ամբողջ գերմանական
մամուլը արտապակեց հետեւեալ զգելի տողերը.
«Ժամանակ է վերջապէս, որ գերմանացիները հաշիւ-
տան իրենց գոնէ, թէ որակից է ասածանում հայ-
կական խժգժութիւնների մասին յերիւրւած աղմուկը,
որ հասկան վերջապէս, թէ մեր գործը չէ խզալ
յեղակինիսական և սպասումը հայերի վիճակի վրայ,
որոնք մեծ վտանգ են հանդիսանում մեր հաւատարիմ
զինակից թիւրքիայի համար, և որոնք գործիք են
մեր մահացու թշնամինների՝ Անգլիայի և Ռուսաստանի
ձեռքում, եթէ թիւրքերն ազգու կերպով չպաշտպան-
ւէին հայկական վտանգի դէմ, նրանք թէ իրենց զի-
նակիցներին և թէ իրենց շատ վատ ծառայութիւն
մատուցած կը լինէին: Ահա, թէ ինչու մենք, գերմա-
նացիներս, այդ հայկական հարցը պէտք է նկատենք
իբր ոչ միայն թիւրքիան շահագրգոռդ խնդիր, այլ և
նրա բոլոր զինակիցներին վերաբերող սի հարց, և
պէտք է պաշտպանենք թիւրքիան՝ դրսից եկած յար-
գակումների դէմ *):

Մարդ սարսում է զգւանքից և արհամարհան-
քից կարդալով այդ տողերը, ուր մահւան տուածնոր-
քւած գժբախտների ողբերը, պաղատանքները յեղա-
թիւրւած են, փոխակերպւած են յեղափոխական ա-
ղաղակների, ապստամբական ակտերի: Բայց չէ որ
գերմանական սուսոերը միշտ էլ ամենազաղելի ձեւը
են ընդունած:

* *

*) Ահենտուկ. Deutsche Tageszeitung, 19 դեկտ. 1915 թ.

Հայերի նախկին հայրենիքը 1914 թւականին
գտնուում էր երեք պետութիւնների՝ Թիւրքիայի, որ
գրաւում էր մեծագոյն մասը, Ռուսաստանի և Պարս-
կաստանի միջն բաժանուած վիճակում:

Ռուսաստանում՝ հայերը անաւելապէս բնակւում
են Երևանի դաշտում, Արաքսի հովտում, Արագածի,
որ մարած հրաբխային մի լին է, և Մասիսի եղբայր
փոքր Կովկասի լեռներում՝ Ղարաբաղում, Սևանի շըր-
ջականներում, Դիլիտ գետի, Խրամ գետակի և Կուրի
հարաւային ճիւղերի հովտներում, առանց Կուրից
հիւսիս անցնելու:

Դաշտում նրանք խառն են թաթարների հետ,
իսկ լեռներում գրացի են բըդերին և լազերին, Ա-
մենուրեք ազգագրական այս տարբեր տարբերի գիւ-
ղերը զատ են և նրանց հողամասերը խառնւած են
իրար. բայց չնայած դարաւոր թշնամութեան, նրանք
ապրում են խաղաղ, ամենքը զինաթափւած են և
հսկում է ցարական ոստիկանութիւնը *): Դա մի ան-
գնահատելի առաւելութիւն է հայերի համար, որոնք
կարող են կատարեալ ապահովութեամբ նւիրւել իրենց
մշակոյթին և գործերին:

Հուսաւորչական հայերի կրօնական և իմացական
կենտրոնն է, ինչպէս յայտնի է, Էջմիածինը (Վաղար-
շապատ), Երևանի հարման մի գիւղաքաղաք, գետեղ-
ւած այդ գեղեցիկ, ճոխ ու պտղաբեր գաշտում, որ

*) Հեղինակն անտարակոյս խիստ չափազանցում է ցարա-
կան ոստիկանութեան բարերար դերը: Կասկած չկայ, որ եթէ
չինէք հին ըեժիմի կովկասեան քաղաքականութիւնը՝ իր տիտուր
հետեանքներով, Կովկասեան ազգութիւնները գուցէ գտնէին մըշ-
տական իտպաղ համակեցութեան հողը:

տարածւում է Մասիսի հիւսիսային ստորոտում: Այս-
տեղ բարձրանում են հայկական կաթուղիեկի զանգա-
կատները, շրջապատւած կղերականների բնակարան-
ներով և ֆրանսական միջնադարեան ամրացւած եկե-
ղեցիների նման, լարձր պարիսպներով: Այս պարիսպ-
ներից ներսը հայերը կենտրոնացրել են իրենց ազգի
անցեալի բոլոր յիշատակները, ժամանակի աւերումից,
մահմեդականների մոլեզնութիւններից ազատւած բո-
լոր նշխարները, Անիի կողոպւտից ազատւած նւիրա-
կան զարդերը, ժանգարժէր ձեռագիրները, պատմա-
կան ու կրօնական վաւերաթղթերը: Հիւրընկալ կրօ-
նաւորները մեծ սիրալիրութեամբ ցոյց են տալիս այդ
գանձերը:

Նւիրական անտառի շուրջն է գիւղաքաղաքը,
որ բաղկանում է, ինչպէս Արևելքի բոլոր կենտրոն-
ները, թբւած հողի դարատափներով (տերլաս) տը-
սակներից: Մայր եկեղեցու ծախսով փորւած ջրի ան-
համար լնդունարաններ երաշտ տարբիների համար
պարունակում են ջրի պահեստներ և աշխատասէր ազ-
գաբնակութեան կողմից հրաշալի ռողոված գաշտը
տալիս է ցորենի, բամբակի և ժամանակին նորի չա-
փականց սիրած հոչակաւոր գինու առատ հունձերը:

Դէպի արևմուտք, Արագածի միւս կողմը, Ալեք-
սանդրապոլից մօտ 40 վերսա հարաւ, գտնում են
Բագրատունիների մայրաքաղաք Անիի մնացորդները—
հայակաւոր աւերակները՝ Ախուրեանի և իր մի ճիւղի
կազմած հողաթմբի վրայ իրենց գիրքովը, եղերւած
բարձր քարաժայուերով, յուղիչ իրենց պարիսպներով,
աշտարակներով, չեչաքարի պէս թեթև գոյնզգոյն լա-
ւաշտարակներով, աւերակ գեղեցիկ եկեղեցիների ուրւա-
ւայից շինւած աւերակ գեղեցիկ եկեղեցիների ուրւա-

գծով, թագաւորական պալատների նշխարներով։
Երկար զարերից ի վեր Անին մենաւոր է։ Մի
ծեր կրօնաւոր է ապրում իր լնտանիքի հնա այդ ա-
ւերակների քաօսում։ Նա պաշտամունք է կատարում
պատարագի յատկացւած միակ եկեղեցում և հազւա-
գէալ այցելուին բաց է անում եկեղեցու դռները, որի
կամարների նրբագանգակ որմանկարները յիշեցնում
են կոմինոսների օրով Տրապիզոնի վանքի որմանը-
կարները։

Անին մի մեծ քաղաք չէր. ընդհակառակը, Վլ-
րաստանի թագաւորների թիֆլիս, Գորի, Մցխեթ քա-
ղաքները հաւանաբար նոյնքան մեծ էին. բայց Բագ-
րատունիներն ուզել են գեղեցկացնել նրան շինու-
թիւններով։ Անիի մէջ իշխում էին այնպիսի վսիմ
զգացո մներ, որոնք անծանօթ էին քարթւելեան ցե-
ղերին։ Բարքերը մաքուր էին, և ոչ հայ հասարակու-
թեան, ոչ էլ արքունիքի մէջ չէին երեսում այն զագ-
րելի սկանատալները, որոնց օրինակը տւել է Թուսու-
դան թագուհին։

Պատմագիր Արիստակէս Լաստիվերացին, ժամա-
նակակից և ականատես Բագրատունեաց մայրաքա-
ղաքի շքեղութեան կործանումին, մեզ թողել է այս
փոքրիկ թագաւորութեան պատկերը՝ նախքան սել-
ջուկների գալը։ Այդ էջերը հրաշալի են իրենց բա-
նաստեղծականութեամբ, քնքշութեամբ, իրենց ա-
րելեկան ճաշակով։ Նա ասում է։

«Աշխարհ» որ երեխն ժամանակաւ իրոք զբրախտ
անկախիտ առաջի իւր, կանաչագեղ, տերեւալից, պըտ-
ղարեր, գեղեցկաշուք և երջանիկ անցաւորացն ցու-
ցանիւր. քանզի իշխանք նստէին յիշխանական գահու-

զուարթահայեաց զիմոք, և զգարնանարեր ծաղկանո-
ցաց լիրեալ զնմանութիւն՝ վաս ի վաս զունովք ա-
ռաջի կացեալք, ուրախական երգոց և բանից միայն
լինէին հանդէսք, ուր և ձայնք փոլոցն և ծնծղայից
և այլ երգեցողական արուեստիցն զլսողացն անձինս
լի առնէին ուրախական բերկրանօք։ Անդանօր և ծերք
նստէին ի հրապարակս հարկեոր և պատուտկան ալ-
եօք բարգաւաճեալ. այլ և մարք զմանկունս ի գիրկն
ընկալեալ, վասն առատ ուրախութեանցն մոռանային
զտիստական ժամանակս երկանց, զօրէն աղաւնեաց
զնորագիտուր ձակօքն միշտ թոթուելով։ Զինչ ասա-
ցից և զհարսացն ի սենեկի, և զփեսայիցն յառագաստի
զսիրահարուստ ըզձիցն զրորբոքն մն և զանժոյժ բը-
նութեանն զհակամիտութիւն։ Այլ և վեր տանելի է
մեզ բանս, առ հայրապետական աթոռն և ի առ թա-
գաւորական պատիւն. զի մինն զօրէն ամպու խաց-
եալ ի պարզեացն հոգւոյն ի ձեռն վարդապետական
շնորհին, զօղէր զցող կենացն, որով պարարտացեալ
պտղաբերէր եկեղեցւոյն գըրախտ, արթուն պահապանս
ի վերայ պարսպաց նորա կարգելով զառ ի լինքնէ
ձեռանադրեալսն։ Խոկ թագաւորն յառաւոտեան յոր-
ժամ ի քաղաքէն ելանէր, զօրէն փեսայի որ ելանէ
յոտագաստէ իւրմէ, կամ որպէս տունչենային արուս-
եակն որ ի զլիսոյն արարածոց բարձրտնալով զամե-
նայն տիսանելիս յինքն ձգէ, այսպէս և նա պաղպա-
ջէր փաղփուն հանդերձիւք և մարգարտախուսն թա-
գիւն, և զամենայն մարդ ի տեսութիւն և ի զարմանս
ցուցանէր, որ և սպիտակամազ նժոյգ՝ ոսկեզօծ զար-
դիւք առաջի ընթանալով, ի ճառագայթից արեգա-
կանս, որ զնովաւ հարկանէր՝ շլացուցանէր զահսո-

դացն տեսանելիս: Իսկ զօրացն բազմութիւն խորհն
առաջի ընթանալով զօրէն ծովալին ալեացն զմիմեամբ
կուտակելով:

Այս տողերում զգացւում է բիւզանդական մեծ
ազգեցութիւն: պատկերները բանազրոսիկ են և չա-
փազանցւած, բայց նրանք շնչում են լիսնականների
անկեղծութիւնը, այս ինքնամփոփ ժողովուրդների
կեանքի պարզութիւնը:

Հայերն այն ժամանակ յարարերութիւն ունէին
միայն Պոլսի հետ, և ամեն ինչ երեսում էր նրանց
բիւզանդական քօղի միջով: Նոյն բանը կարելի է ա-
սել ամբողջ Հայաստանի, Վրաստանի, Մինքը իայի,
ինչպէս և Ռուսաստանի մասին, ուր բիւզանդական
աւանդութիւնները պահւած են գեղարւեստում, և
կովկասում աչքի են ընկնում իրենց արտասովոր
մնայուն ութեամբ, ամեն զիւզ ունի իր եկեղեցին,
նրանցից շատերը մայր-եկեղեցիներ, որոնց պատկա-
ռազգու զանգակատունը իշխում է հաւատացեալների
համաստ բնակարանների վրայ: անտառներում յաճախ
պատահում էր լքւած մատուռների, որոնք շինւած են
ժամանակին մի ջերմեռանդ տանուտէրի կամ մի խումբ
բարեպաշտ մարդկանց կողմից: Ապա կան նաև իրենց
միաբաններից լքւած վանքեր, որոնց կիսաւեր պա-
տերը պատսպարում են զիւզացիներին, բայց որոնք
դիւրաբեկ ապաստաններ են աւազակների, թալանիչ
քիւրդերի ձեռքի հարւածի դէմ, որոնք գեռ մի հա-
րիւր տարի տուած ասպատակում էին ամբողջ Անդր-
կովկասը:

Այս յիշատակարաններից մեծ մասը ներշնչւած
է յունական կայսրութեան անկումից քիչ առաջ գոր-

ծածւած տիպից, մէկ մտան էլ համապատասխան ուժ է
աւելի հին յղացումների: Վերջերս նոր եկեղեցիներ
շինելիս՝ նրանց ծրագիրները, մանրամասներն ընդօ-
րենակում են հին տիպարներից: Այս կերպով կրկ-
նում է այդ ոճը, հետզիտէ աւելի և աւելի զարդա-
րուն բոլոր արևելքցիներին յատուկ ճաշակով, բայց
աւանդական գծերը պահելով իրենց մաքրութեան մէջ.
որովհետեւ գիւղացի հայու համար, աւելի ևս քան
բազաքացու, աւանդութիւններն ամեն բանում նույիրա-
կան են, զրանք ներկայացնում են ազգային զգա-
ցումները:

Հայաստանում բիւզանդական արւեստը զար-
գացւած է փոխառութիւններ անելով սասանիան, ա-
րաբական և պարսկական ոճերից, որոնց վրայ աւե-
լացւել է հայկական սեփական ճաշակը, այնպէս որ
մի կողմից անձիշդ կը լինէր ասել, թէ գոյութիւն
ունի հայկական արւեստ, և միւս կողմից անարդա-
րացի կը լինէր չճանաչել տեղական զգացումը, հայ-
կական գլուխոցի գոյութիւնը: Եգիպտոսում, Հայաս-
տանում, Ռուսաստանում, Խտալիայում, Սիրիայում,
Սպանիայում և Ֆրանսիայում իսկ, բիւզանդական ար-
ևստը ձեափոխւած է զանգան զեղարւեստական ճա-
շակներով, այսպիսով կազմելով ճիւզաւորումներն այն
մեծ ծառի, որի արմատը գտնուում է Վոսֆորի ափե-
րում:

Գիւղում քահանան է լիզու սովորեցնում երե-
խաններին: Այդ գլուխոց երում, ուր ճաւողում են տղա-
նիրն ու աղջնակները, հագած պայծառ գոյնի զգեստ-
ներ, զարդարւած արծաթէ ծանր զարդերով, շարու-
նակ հեգում են քրիստոնէութեան առաջին զարիրում

ս. Մեսրոպի կազմած տառերով, Խոսուհրէնն ուսուց-
ում է միայն իբր օտար լեզու, ինչպէս և թիւրքե-
րէնն ու պարսկերէնը:

Այսօրւայ խօսակցական հայերէնն անտարակոյս
չին լեզուն չէ: Ինչպէս բոլոր լեզուները, հայերէնն
էլ է ձևափոխութիւններ կրած, գիւղերում նա աղ-
քատացել է, միաժամանակ ճոխանալով: Թիւրքական,
պարսկական, ոռուսական կամ արաբական ասացւածք-
ներով՝ կորցնելով քերականական շատ ձեհր. դա Մով-
սէս Խորենացու բարբառը չէ, այլ ժամանակի ըն-
թացքում փոփոխւած մի լեզու:

Ընդհակառակը, զրական հայերէնը, որը Պոլսի,
Վենետիկի և Թիֆլիսի գրողները կատարելագործել,
յղկել են, գլխաւորապէս Փրանսիական լեզուի աղղե-
ցութեամբ, ճկուն, ճոխ, օտար բառերից համարեա
ղւրծ մի գործիք է, անսահման աղբիւր ոտանաւորի
և արձակի համար, որը մի շարք գրողներ, ի միջի
այլոց Չոպաննեանն ու Ահարոննեանը, կարողացել են
արժէքաւորել եղակի տաղանդով:

Հայերի նոր գրականութիւնը շատ զարգացած է,
հասնում է շատ բարձր մակարդակի և ցոյց է տալիս,
թէ այս ժողովուրդն ինչքան մտահոգւում է հոգեկան
ինդիրների մասին: Ժամանակակից հեղինակների մի-
ջն բաւ է յիշել հետևեալ բանաստեղծներին՝ Ալիշան,
Պէշիկթաշլեան, Դուրեան, Քամառ-Քաթիպա, Թումա-
նեան, Խասակեան, Եարճանեան (Միամանթօ), Վա-
րուժան, դրամատուրգներ՝ Սունդուկեանց, Շիրվան-
զատէ, վիպասաններ, նորավիպագիրներ և զրուցա-
գիրներ՝ Աբովեան, Ռաֆֆի, Ծերենց, Զոհրապ, Զար-
դարեան, երգիծաբան՝ Պարոնեան և ուրիշ շատեր,

որոնց գործերը դժբախտաբար անմատչելի արևմուտ-
քի մարդկանց համար, վերլուծւած, յաճախ նոյնիսկ
թարգմանւած են մասամբ *):

Միջին դարու հայերէնը, ինչպէս և այսօր զա-
նազան գաւառներում խօսւած բարբառները, պարու-
նակում է արաբներից, պարսիկներից, թիւրքերից,
նոյնիսկ յոյներից առնւած բաւական քանակութեամբ
բառեր. բայց այդ խառնուրդները չեն խանգարում,
որ այժմեան հայերէնը լինի մեծապէս արտայայտիչ
ու ախորժելի: Կան շատ շնորհալի բանաստեղծութիւն-
ներ, որոնց հսութիւնը կասկած չկայ, որ հասնում է
մինչև տասներեկերորդ դարը:

Հայերէն ամենահին գրւածքները, որոնք հասել
են մեզ, Առաջաւոր Ասիայում քրիստոնէութեան
առաջին շրջանի՝ ծրդ դարու գործեր են. Զգիտենք,
թէ զրանից առաջ հայերէնն ինչ ձև ունէր.
անտարակոյս այդ բարբառը ազգակից էր փոխեցերէնի.
բայց փոխեցերէնն անհետացել է, այնպէս որ քրիս-
տոնէական գրւածքներին պէտք է դիմել՝ վերլուծելու
համար հայ լեզուն: Այդ քննութիւնից եղբակացւում է,
որ հայերէնը լինելով մերձաւոր ազգակից յաւնարէնի,
պատկանում է եւրոպական լեզւարանական ձեհրին և
ոչ թէ հնդիկ-իրանեան լեզւախմբին: Այս գիտողու-
թիւնը համապատասխանում է հայ ժողովրդի և իր
աւանդութիւնների մասին մեր ունեցած պատմական
տւեալներին:

*) Cf. A. TCHOVABIAN, Poèmes Arméniens anciens et modernes—le peuple arménien, son passé, sa culture, son avenir.—FRÉDÉRIC MACLER, Petite bibliothèque arménienne.—MINAS TCHÉRAZ, Poètes arméniens.—Revue franco-étrangère, Hommage à l'Arménie.

* * *

Մօտ հարիւր տարի առաջ հիւսիսից մի հզօր
վեհապետ եկաւ ճնշւած հայերին տալու բացակայող
ապահովութիւնը, և վերածնութիւնը սկսւեց Փոքր-
Կովկասում. գիւղացիների աշխատանքը ոկուց վար-
ձատրւել հարստութեամբ. Այսօր գիւղերում երեսում
են գեղեցիկ այգիներ, ճոխ մշակոյթ, բախտից նպաս-
տաւորւածն երի ինքնասիրութեան աւելի համապա-
տասխան բնակարաններ. Հայերի միջն հանդիպում
էք մեծ հարստութիւնների, և իրենց անհատական
կեանքում այդ անտեսող մարդիկը անսահման առա-
տածեանութիւն, իսկական շոայլութիւն են ցոյց տա-
լիս, երբ հարցը վերաբերում է եկեղեցիներին, մա-
հաւանգ էջմիածնին, որովհետեւ այդ կաթուղիկէն
խորհրդանշանն է իրենց յիշատակների, վշտերի և
յոյսերի.

Բայց և այնպէս, հայերը, այդ անխոնչ աշխա-
տաւորները, այնքան գործունեայ են, որ չէին կարող
բաւականանալ իրենց նախնիքների հողերի մշակումով:
Շատերը գաղղեցին իրենց դիւղերից դէպի քաղաք
ները՝ ձեռանարկելու առեարի, գործերի, և մի քանի
տարիների ընթացքում, ամենաշատը կէս դարում,
թիվիսը, Բագուն ու Բաթումը դարձան նրանց տըն-
տեսական զարգացման վայրերը: Հայերն իրենց գործ
նական մտքով, տոկունութեամբ, աշխատանքի կո-
րովով ու տաղանդով ստեղծեցին և կազմակերպեցին
Անդրկովկասի առեարական, եկմատական և արդիւնա-
բերական գլխաւոր գործառնութիւնները. շնորհիւ այս
ժողովրդի գործունէութեան, այդ երկիրն արագօրէն

կերպարանափոխւեց և դարձաւ Ծուսաստանի ամենա-
հարուստ երկրամասերից մէկը: Քարթւելեան հին ցե-
ղերը, որոնք հազարաւոր տարիներից ի վեր բնակւում
են այստեղ, անընդունակ եղան ծաղկեցնելու այդ
սքանչելի գաւառը. իսկ ոռուսներն այնքան լայնածա-
ւալ կոյս հողեր ունեն, որ չէին կարողանում կովկա-
սին, այս երկրային գրախտին, յատկացնել ըստ ար-
ժանոյն անհրաժեշտ ամբողջ խնամքը:

* * *

Պարսկաստանում, ուր հայերը շատ աւելի քիչ
են, քան Ծուսաստանում և Թիւրքիայում, Շահի կա-
ռավարութիւնը նրանց հանդէպ շատ մեղմ վերաբեր-
մունք ունի: Դա առաջանում է նրանից, որ այդ կոր-
ծանւոծ պետութիւնը, որ ոչ բանակ և ոչ էլ ելեմուտք
ունի այլես, գտնուում է Ծուսաստանի և Անգլիայի
ձեռքում, և աշխատում է անհաճոյ չլինել իր տէրե-
րին. ուստի հայերը ամենամեծ ազատութիւնն են
վայելում իրենց գործառնութիւնների, ինչպէս և ի-
րենց կրօնական պաշտամունքի մէջ. բայց, մի քանի
բացառութիւններից զատ, հեռու են պահւում պետա-
կան բարձր պաշտօններից. գրա պատճանն այն է, որ
պարսիկները, լինելով հնդկրոպացիներ, անընդունակ
չեն, ինչպէս թիւրքերը, իրենք վարել իրենց գործերը:
Իր ճարպիկ մարդիկ, նըանք կարողացել են ժամա-
նակին մեծ թոփչք տալ իրենց երկրին, և Պարսկաս-
տանը չէ դադարել նշանակելի գեր խաղալուց արե-
ւելքի ազգերի միջն մինչև այն օրը, երբ իշխանու-
թիւնն անցաւ խաջարների թիւրքմէն ընտանիքին:

Իրանի և Թուրքանի միջև տեղի ունեցած կռւի այսպիսի վախճանը նշանակն եղաւ իրանի անկման:

Պարսկաստանի ամբողջ հիւսիսը, մինչև Համադան, Թիւրքերով է բնակւած, որոնք ներխուժելով այստեղ են մնացել 11-րդ դարուց իվեր: Բայց իրանականների հետ շփւելով՝ այդ թիւրքերը մի քիչ կորցրել են իրենց կռւասէր բնաւորութիւնն ու իրենց կոպիտ հսականութիւնը: Նրանք դարձել են աւելի հեղահամբոյր և նրանց միջև ապրող հայերը յաճախ ոչինչ չեն տուժում նրանց հարևանութիւնից:

Առրպատականում կողք կողքի տեսնում են թիւրքական, գելրական (եղիդական), հայկական, ասորական գիւղեր, առանց անախորժութիւններ ծագելու այս հարեւանութեան հանգամանքից: Այս գաւառումն է, որ գտնում է պարսկահայերի մեծագոյն մասը, ամենքն էլ վաստակաւոր երկրագործներ, մինչ իբր վաճառական նրանք ազդեցիկ գաղութներ են կազմում իրանի գրեթէ բոլոր քաղաքներում: Նրանց պատահում էք Մարազայում, Թեհրանում, Թաւրիզում, Համադանում, Սպահանի մատ Նոր-Ջուղա արւարձանում, ուր նրանք տեղահանւել են ժամանակին Արաքսի վրայ գտնուղ համանուն քաղաքից: Ամենուրեք նրանք զբաղւում են մասն արդիւնաբերութեամբ կամ առեւրով, յաճախ էլ արտածման մնձ վաճառականութեամբ:

Ատրպատականի գլուխերում՝ հայերը խաղաղ, շատ աշխատանքը մարդիկ են և քիչ են յաճախում թիւնց հարեւան մահմեղական կամ եղիդի հարեւանների մօտ: Մեծ մասամբ նրանք կաթողիկներ են՝ շնորհիւ Ուրմիայում բազմաթիւ տարբիներից իվեր հաստաւած ֆրանսական միսիաների: Բայց զանազան աղանդների պատկանող բողոքական միսիոնարներ, օժտւած լինելով հզօր միջոցներով, կռւում են հայ կաթողիկների ազգեցութեան դէմ և Սալմաստի գաւառում, ինչպէս և Սպահանում, խղճերը մի քիչ պղտորւած են: Բայց և այսպէս, կրօնական հարցերը չեն վնասել հայ ցեղի միութեանը—կաթողիկ, լուսուորչական և բողոքական հայերը ամեն բանից առաջ հայ են: Ահա մի օրինակ, որի մասին Եւրոպայի շատ ժողովուրդները խորհրդածելու խոհեմութիւնը պէտք է ունինան:

Ուրմիայի շրջանում՝ հայերը շփման մէջ են Պարսկաստանի և Թիւրքիայի միջի գտնւած լեռնոտ վայրերում բնակւող քիւրդերի հետ. այդ աւազակ ու բարբարոս թափառաշրջիկները, որոնք միայն անւանապէս են հնազանդում Շահին, յաճախ իջնում են իրենց լեռներից՝ կողոպտելու քրիստոնեաներին. այսու ամենայնիւ, հակառակ Թիւրքիայի օրինակին, պարսիկ կառավարութիւնն անում է այն, ինչ կարողանում է, պաշտպանելու իր քրիստոնեայ հպատակներին: Պէտք է ասել, որ Թաւրիզում կան Թը-

րանսիայի, Անգլիայի և Ռուսաստանի հիւպատոսներ որոնք մօտից հակում են Քիւրդիստանի դրութեան վրայ և ոյժ են տալիս Սալմաստի քաղղէացիների և Ռւբիայի հայերի բողոքներին։ Բայց հարաւային Քիւրդիստանում և բախտիարների երկրում կան ըըրիստոնեայ գիւղեր, որոնք պահպանում են միայն Թեհրանի կառավարութեան բարեացակամութեամբ։

Ատրպատականի այս գլխաւոր օջախից գուրս, հիւսիս-արևմտեան Պարսկաստանի համարեա բոլոր գաւառներում ես յաճախ եմ պատահել կղզիացած հայկական գիւղերի։ Երբեմն նոյնիսկ, դարերից իվեր տեղահանւած այս մարդիկը խօսում են չորս հինգ դար առաջւայ բարբառով և, չնայած իրենց կղզիացած վիճակին, քահանայ չունենալուն, դարձեալ պահած են իրենց քըրիստոնէական կրօնը։ Բայց ինչ ըըրիստոնէութիւն—խաչակնքումն, մի քանի աղօթքներ, առանց նշանակութիւնը հասկանալու, միակնութիւն և մի տեսակ մկրտութիւն գիւղի տղսախլաների ձեռքով—աչա ինչ որ նրանք դեռ պահել են։ Նրանք խաղաղ էին ապրում քիւրդերի հետ, բայց այն պայմանով, որ ենթարկեն մահմեղականների բոլոր քմահանքով, որ էնթարկեն և հետպհետէ վարժւել էին իրենց հունձրի, իրենց հօտերից գառների մի մասը նրանց տալու վճարելու մի տեսակ տասնանորդ։

Մի ուրիշ տեղ, Ղարադաղում, Արաքսից հարաւ, ես եղել եմ 1911ին, մի գաւառի կենտրոնում, ուր 7 կամ 8 հայկական գիւղերից բաղկացած սի գիւղախումբ կուռում էր իր հարեան մահմեղականների դէմ։ Զգիտեմ ինչ վէճով, բայց շատ վաղոց այդ քըրիստոնեաները զինւել էին իրենց լեռների թիւրքերի դէմ և արդէն կուռում էին երկար շաբաթների ընթացքում։ Իմ ճանապարհն ինձ ստիպում էր անցնել թիւրք գիւղերից, յետոյ թափանցել նրանց թշնամիների մէջ։ Թիւրքերը, որոնք շատ սպանւածներ էին ունիցել, ինձ աղերսեցին այդ մասին գրել Թաւրիզի ընդհանուր նահանդապետին, հայերն էլ, իրենց կողմից նոյնպէս վկաս կրած, նոյնը ինսդըցին ինձ։ Ես ոչինչ չարի այդ առթիւ, որովհետեւ մի կողմից պարսկական նոր իշխանութիւնը բացարձակապէս անզօր էր միջամտել այդ կուրին, և միւս կողմից հայերն իրենց հակառակորդներին դիմագրաւելու ոյժ ունէին։

Այն ժամանակից ի վեր, երբ Ասիայից Պարսկաստանի միջով եկած թիւրքերը տապալեցին Այրարատեան վերջին թագաւորութիւնը, դարերի ընթացքում այնքան կտրիմ, իր անկախութեան այնքան հաստատապէս փարած հայ ժողովուրդը ստիպւեց ենթարկել նւաճողների լծին։ Պարսկները, Սելջուկները, Օսմանցիները յաջորդաբար տիրեցին նրան, իրար ձեռքից խլեցին ու վերագրաւեցին և վերջիվերջոյ բաժանեցին իրար միջև։ Բայց այդ 8 դարու սորկութեան ընթացքում այդ իշխողներից ոչ ոք նրան չէ պաշտպանել և առաջարկել մահմեղական ժողովուրդների միջն, և նրանցից իւրաքանչիւրը նրան նկատում էր իբր

ոչխարի հօտ, որի բուրդը կարելի էր խուզել, բայց
որը չէր երաշխաւորւած նրա հարեան գայլ քիւրդի
դէմ, և բիւրդ ցեղերը շարունակ կողոպտեցին, ան-
դութ կոտորածներ, զգսելի առևանգութիւններ կա-
տարեցին՝ մի որ և է պատրւակով իջնելով իրենց ա-
րօտատեղերից, յափշտակեցին քրիստոնեաների ինչը,

սպանեցին տղամարդկանց, փախցրին երեխաներին։
Հայ-քրդական գաւաններով անցնելիս՝ ամեն հով-
տում պատահում էր աւերակների, որոնցից մի քա-
նինը շատ հին են, ուրիշներ՝ աւելի նոր, երբեմն էլ
գեռ ծխի մէջ։ Դրանք մահմեղականների և քրիստո-
նեաների միջև այդ յարատե կուիների ընթացքում
աւերած գիւղերի մնացորդներն են։ Հայերը միշտ
քաջարար պաշտպանւել են, կուել են իրենց ընտա-
նիքներին, ինչքիրը, մշակւած հողերը պաշտպանելու
համար, և քանի կատարելագործւել են զէնքերը, թըշ-
նամի գիւղերը հեռացել են իրարից՝ հողի վրայ թող-
նելով իրենց բնակութեան յաջորդական էտապների
հետքերը։ Այստեղ մի առւակի, որ սահմանակիցն է
երկու ցեղերի միջև, աջից ու ձախից կան աւերակ-
ների երկու կործանւած պատեր—դրանք թշնամի
գիւղերի փլատակներն են՝ մնացած այն ժամանակից,
երբ կուիը մզւում էր աղեղով, Աւելի դէնը կան
նոյնակս աւերակներ, յետոյ ուրիշ աւերակներ ես,
նրանք քարէ հրացանների և գծաւոր զէնքերի ժամա-
նակից են մնացած. շատ հովիտաներում յաղթւողները,
որոնք եղիլ են միշտ քրիստոնեաները, վերջ ի վերջոյ
փախել են։

Երարատի ստորոտում՝ Մակուն, որի գիրքը
յիշեցնում է Ռոբամաղուրը, ժամանակին հայկական

աւան էր. ունէր իր վանքը, Ա. Թագէսու. ժայռերի
վրայ փորագրւած արձանագրութիւնները հաստատում
են այդ. Այսօր նա քիւրդական է։

Մակուն շատ հետաքրքրական քաղաք է. Հաս-
տատւած մի հեղեղատի եղերքին, բարձր ժայռով եղ-
րափակւած մի խորունկ ձորում, ձևացնում է մի շեղ-
ջակոյտ, մի մեծ բնական պատսպարանի տակ, ուր
երբէք չէ անձրկում։ Քաղաքը շրջապատում են տեր-
րասներ, անիոնջ աշխատաւորների ձեռքով ստեղծւած
հրաշալի այգիներ։ Անտարակոյս քիւրդերը չեն, որ
հողի այդ ժամատ աղբիւրներից օգտւել են այդքան
սքանչելիօրէն, այլ նրանց նախորդները, հայերը, ո-
րոնք զրկւել են նրանցից՝ հզօրագոյնի օրէնքով. մի
օրէնք, որ գժբախտաբար քիւրդերից զատ ուրիշների
մօտ էլ յարգւում է։

Թիւրքիայում է, որ հայերի գոյութիւնը միշտ
եղել է ամենից անապահովը։ Մակայն նրանք վաղուց
համակերպած են գոյութեան այդ յարատե կուին.
այսպէս է եղել շարունակ նրանց, ինչպէս և ա-
րեելքի ժողովուրդների կեանքը՝ շատ հին ժամա-
նակներից ի վեր։ Այս միտքը թափանցելու հա-
մար բաւ է մի ակնարկ ձգել բիւղանդական պատմու-
թեան վրայ, երբ Բաղիլմաններն և արքայից արքաները
կուում էին Տիգրանի նախկին թագաւորութեան շուր-
ջը, բաւ է աչքէ անցկացնել Վախուշտի Վրաստանի
տարեգրութիւնները։ Միջին դարում, այս ամբողջ
երկրի մէջ տեղի են ունեցել միայն կողոպուտներ ու
կոտորածներ, քաղաքների և վանքերի պաշարութներ,
ամբողջ գիւղերի ստրկացութներ։ Այսումնայնիւ
հայերը վարժուած էին վտանգի, և ընդհանուր անա-
պահովութեան մէջ մի որոշ հաւասարակշութիւն էր
կայացել.

Բայց հայերը միայն չայաստանում չէին ապ-
րում. նրանք տարածւած էին ամբողջ աշխարհում յա-
ճախ մեծ խմբաւորումներ կազմելով, և միշտ իրենց
ազգութեան զգացումին յենւած: Բիւզանդական շրջա-
նից է, որ սկսում են Անատոլիայի ափերի գլխաւոր
հայ գաղութները: Հռովմայեցիների և պարսիկների
պատերազմների ընթացքում, Այրարատեան երկրները
թատերաբեմ եղան այնպիսի արիւնալի կորիների,
որոնք շարունակւեցին ամբողջ գարեր. շատ բնակիչ-
ներ գաղթեցին գնացին հանգստութիւն փնտոելու
կայսրութեան խորքերում. ծովեղերեայ քաղաքներում,
որոնց գրաւման համար չէին կուռւմ այն ժամանակ,
Տրապիզոնում, Սամսոնում, Կիրասոնում, Մինոպում
և մի շարք աւելի փոքր քաղաքներում հաստատւեցին
գաղութներ և վերջին Բաղիկների. մայրաքաղաքը
նախքան վերջին կոտորածները, գետ ունէր մօտ քսան
հազար հայեր՝ քաղաքում և ըրջականերում:

Տրապիզոնը Սև ծովի ամենահրապուրիչ քաղաք-
ներիցն է: Պոնտեան Ալպերի, Թիւրքական Թորու- Դադի-
լանջերի վրայ ամփիթատրոնի ձևով շինւած քաղաքը
տարածւում է մինչև ծովը և իր կարմիր կտուրների
զանգւածով ծածկում պարիսաներով ու աշտարակ-
ներով շրջապատւած բլուրը, որի վրայ բարձրանում
էր Կոմինոսների մայրաքաղաքը: Փողոցները, բա-
զարը, ինչպէս արեւելքի բոլոր քաղաքներում, նեղ ու
զով են, կրպակներն երկարում են անհուն շարանով:
Քանի քանի անգամներ ես անցել եմ այդ քաղաքով,
Կեսարիների պատմուճանը վերջին անգամ հագնող իշ-
խանների հին դրամները գտնելու համար: Կանգ էի
առնում ոսկերիչների, որոնք հայեր են, ամեն մի խա-

նութում և խօսակցում էի նրանց հետ, մի աթոռակի
վրայ նստած, նրանց աշխատանոցներում, խմելով
պստիկ բաժակներով մատուցւած սուրճը: Նրանք գոհ
էին, որովհետև պաշտպան հիւպատոսները հսկում էին
նրանց ապահովութեան վրայ, և առետուրը ծաղկում
էր: Նաւահանգստում, մաքսատներում, հասարակական
վարչութիւններում, բոլոր գործերում ամենուրեք պա-
տահում էին հաճոյակատար, սիրալիր, ծառայելու
միշա պատրաստակամ հայեր: Աւաղ, ի՞նչ եղան նը-
րանք: Նրանցից տասնեչորս հազարը *), ասում են,
կոտորւել են վերջին ամիսների ընթացքում, և կա-
նայք ուղարկել են Միջագետքի հաւաքավայրերը,
կամ ստիպւելով մահմեղական զառնալ բոնի ժպիտ
են շոայլում իրենց հօր, ամուսնու, եղբայրների դա-
հիճներին: Պատերազմը Տրապիզոնից հեռացրեց պաշտ-
պան պետութիւնների հիւպատոսներին, որոնք միակ
հովանաւորներն էին այդ գժբախտների:

Տրապիզոնը լինելով Սև ծովում երթևեկող բոլոր
նաւերի կայան, Բաթումի մօտաւոր դրացին, շարու-
նակական յարաբերութեան մէջ լինելով Օդեսայի, Նո-
վովոսսիյսկի և Միջերկրականի բոլոր մեծ նաւահան-
գիստների հետ, մեկնակէտը լինելով Երզրում, Խոյ,
Թաւրիդ և Թիւրան զնացող բոլոր կարաւանների,
քաղաքակրթւած քաղաքի տպաւորութիւն էր թող-
նում: Նրա փողոցներում պատահում էիք թիւրերին,
յոյներին, հայերին, պարսիկներին և լեռներից իջած

*) Տրապիզոնում և իր շրջակայթում հաշում էին պատե-
րազմից առաջ (1914-ին) 18,343 հայեր՝ քաղաքի և 45 գիւղերի
մէջ: Խուս զօրամբերը միայն 92 հայ են գտել քաղաքում և
367 հայ՝ գիւղերում:

մի քանի լազերի: Եւրոպացիները բազմաթիւ էին այնտեղ, և ազգաբնակութիւնը շտա հեռու էր Թիւրդիստանի վայրագ աւազակախմբերից: Ուրեմն թիւրքերը, միայն թիւրքերն են, որ այնքան արիւն են հոսեցրի երեխնի այնքան հանգարտիկ այդ փողոցներում, և եթէ Տրապիզոնը զո՞ն է դարձած սպանումի այդ ծարաւին, ինչը պէտք է տեղի ունեցած լինեն ներքին քաղաքներում, լեռների մէջ կորած գիւղերում, քրիստոնեայ կենարոններից մզոններով հեռու այդ վայրերում: Վայ ոօլի: Նախկին, այժմ գահազուրկ, Սուլթանի տւած պէտքալի հրամաններից ի վեր՝ թիւրքերի հասարակական կարծիքը զգեւիլիրէն հակառակւեց հայերին, ամենուրեք լսելի եղան ատելութեան աղաղակներ: Մահմեդականներն իրենց միջն խօսում էին հայերին ջարդելու մասին՝ որպէս մի արդար, սրբազն և թիւրքիալի հանգարառութեան ու Մարգարէի փառքի համար անհրաժեշտ մի գործի: Այս գժոխային կարգախօսն այդ կոպիտ հոգիների մէջ զարթեցրից արիւն հոսեցնելու կարիքը:

Սթամբուլի մի փողոցում ինքս ներկայ եմ եղել այդ զգեւի վայրադութեան շատ քնորոշ մի զեպի: Երկու փոքրիկ սրիկաներ կռւում էին և մի թուրք ծերունի, ալիներ, պատկառելի միքուքով, ծիծազադէմ գիտում էր նրանց՝ մատներովը համբիչը դարձնելով: Նա խօսքով ու շարժուձներով խրախուսում էր երկու հակառակորդներից մէկին: բայց տեսնելով որ սա թուլանում է, աղաղակեց, «Պուր, վուր, էրմէնի տիր» (գարկ, գարկ, հայ է): Ի՞նչ կարելի է սպասել այդպիսի մարդկանցից:

Գաւառուներում փաշաների և նրանց պաշտօնեա-

ների հարստահարութիւններին նշաւակ լինելով, հայերը թափւեցին Պոլիս, ուր գեսպանաւաների պաշտպանութեան տակ յոյս ունէին գտնել իրենց նախկին բնակավայրում զոյութիւն չունեցող հանգստութիւնը, և անհատապէս աշխատում էին մի տեղ գրաւել արեի տակ: մինչ ճակառապիրը, թւում էր, այդ տեղը մերժում էր տալ հայ ազգին: Կապեր հաստատելով, պաշտպանութիւններ ճարելով, նրանք հետզհետէ մեծ թւով մտան օսմաննեան վարչութեան մէջ: Այս կերպով է, որ ամբողջ թիւրքական կայսրութեան մէջ նրանց աջողւեց անհրաժեշտ գառնալ իրենց աէքրերի համար: Բայց թիւրքերը սոսկացին պետութեան մէջ հայերի ձեսք բերած ազդեցութիւնից: Նրանք մի տեսակ նւաստացման և երկիւզի հետ խառն նախանձի զգացումով համակեցին: Ծնունդ առաւ մի դժոխութիւն, որ ցասու մի փոխակերպելու համար սպասում էր վերեկից տրեմլիք մի նշանի:

Գերմանիայի ազդեցութեան պատճառով, Բերլինի գաշնապիրը, որ սնչացնում էր Սան-Ստեֆանօի դաշինքը, հայկական հարցը վիրածում էր միջազգային խնդրի: Հայերը վստահանալով մեծ պիտութիւնների ստորագրութեանը, սպասում էին իրենց խոստացւած բարենորոգումներին: Ոչինչ չարւեց, ընդհակառակը, հայստանը դարձաւ անորակելի խժողութիւնների թատերաբեմ (1894—1896թ.): Մեծ քաղաքների փողոցներում խաղաղ ցոյցեր կատարւացին: Եւրոպան չմիջամտեց և կոտորածները շարունակեցին: Այս ժամանակ է, որ յեղափոխական կոմիտէները զարգացան, պահանջելով գործադրել Բերլինի գաշնապիրի Յուրդ յօդւածով խոստացւած բարենորոգումները: Այդ կոմիտէները հայ ժողովը

դին մղեցին գէնքով դիմադրելու քիւրդերի և թիւրքերի յարձակումներին, յուսալով, որ այդ կերպով նըրանց կը յաջողուի գրգել Եւրոպային, որ աւելի վճռական լինի Սուլթանի հանդէպ: Այդ ժամանակ է, որ տեղի ունեցաւ Բանկ-Օտտոմանի գէպքը: Առաջնորդութելով յուսալով մի բուռ երիտասարդ յեղափոխականներ կազմակերպեցին բանկի յանդուգն ցայցը՝ յուսալով, որ այդ ժեստով օրակարգ կը մտցնին հայկական հարցը: Այդ բուռութիւնը մի մեծ սխալ էր, որովհետեւ դա թիւրքերի ձեռքը պատրւակ էր տալու ո նոր կոտորածների համար, երևութական արդարացում էր տալիս գաւառներում ամեն օր կատարող վայրագուռներին: բայց այդ սխալն արդարանում է յուսահատութեամբ:

Սուլթանը չկարողացաւ վրէժ լուծել այդ ուղղակի վիրաւորանքի համար. միջամտեցին դեսպանները: Դա արդէն մեծ հարւած էր այդ բարբարոսի փառասիրութեանը:

Այդ բովէից սկսած հայ ցեղը դատապարտւած էր, և երկու օր չանցած՝ Ապդիւլ-Համբիդի հրամանով Պօլսոյ փողոցներում տասը հազարից աւելի հայեր ըսպանւեցին:

Դա անորակելի մի կոտորած էր, մի զարհուրելի սպանդանոց: Երբ ես այդ սոսկումներից մի քանի օր յետոյ անցայ քաղաքի միջով, մարտիրոսացւածների դռների վրայ դեռ ես կային կաւիճով գծւած նշաններ որոնք մահմեղական խուժութ՝ ամբոխին մատնանշել էին զոհերին: Յարձակում կրելով փողոցներում, իրենց աներում՝ հայերը մեծ մասամբ սպանւել էին փայտի հարւածներով, իսկ ուրիշներ, որոնք ինքնապաշտպան-

ւել էին, սպանւել էին գէնքով:

Զգալով, որ քրիստոն եաները՝ յոյները, հայերը, սերբացիները, քաղդէացիներն երբէք չեն մոռանալու այն խժդութիւնները, որոնց զոհ դարձան նրանք, երիտասարդ—թիւրքերն այսօր, չնայած իրենց ազատականութեան դիմակին, հակառակ իրենց կարծեցեալ քաղաքակըրթութեան, չեն վարանում բնաջնջման անարդ գործի առաջ, և չնայած թիւրքական գրաֆնութեան ձեռք առած նուխազգուշական միջոցներին, մեզ ամեն օր հասնում են նոր ամօթանքների լուրերը: Դրանք պատմութեան ամենահրէշային ժամանակների վայել վայրագութիւններ են, զանգւածային սպանութիւններ, չարչարանքներ, որոնց միայն նկարագրութիւնը սոսկում սարսուս է պատճառում: Եւ ամենաամօթալին, որովհետեւ դա արգարացում չի գտնում ցասումի մէջ, այն է, որ քսաներորդ դարում, արար աշխարհի առջև, թիւրքական մեծ քաղաքների շուկաներում իբրև ստրուկներ վաճառուում են կանայք և աղջիկներ*:

Թիւրքիայում կապիտալիստները ջնջւեցին, պաշտպան պետութիւնների գեսպաններն արտաքսւեցին. Պոլսում մնում են միայն չէզոք երկիրների (Ամերիկայի, Սպանիայի գեսպաններն) ու պապական պատուրակը) ներկայացուցիչներն ու Վիլհէլմ II-ի և Կարլի ամենազօր ներկայացուցիչները, այն կայսրերի, որոնք իրենց հերթին արիւն են թափում Բելգիայում, Սերբիայում, Լինաստանում և Ֆրանսիայից զրաւած նա-

*) Դեռատի կանայք և աղջիկներ ծախսում են մի մէջի գիւղով (մօտ չորս ֆրանկ) իւրաքանչիւրը, երբեմն էլ երկուը մի մէջի գիւղէով:

հանգներում: Միջնադարկան արհաւիրքները, որոնց նկարագրութիւնն է տալիս Արխտակէս Լաստիվերտցին, աւելի ճնշիչ չեն քան նրանք, որոնց յանցանքն ալոր ծանրանում է թիւրքերի ու կենարոնական պետութիւնների վրայ:

XI դարու հայ պատմագիրն ասում է.

«Քանզի քաղաքք մեր աւերեալք և տունք այրեցեալք, և ապարանք հնոցացեալք, արքունաշէն սրբանք աճիւնացեալք: Արք ի հրապարակս կռոտրեալք, և կանայք ի տանց գերի ելեալք, և կաթնասուն տըղայք զբարի հարեալք, և գեղեցիկ դէմք պատանեկաց թառամեալք: Կոյսք ի հրապարակս ի խայտառականս անկեալք, և երիտասարդք առաջի ծերոց սրախողիսող եկեալք. պատուական ալիք ծերոց ընդ արիւն և ընդ ապաժոյժ եկեալք, և զիակունք նոցա թաւալթլոր խաղցեալք»:

Ինչպէս յոյներն ու փիւնիկեցիները հին դարերում Միջերկրական ծովի վրայ ու Եւրոպայի արևմուտքում առեւրական մեծ գործունէութիւն ունէին, նոյնպէս հայերը, ամենահին ժամանակներից սկսած միջնորդի դեր կատարեցին Միջերկրականի երկրների ու Արևելքի հեռաւոր վայրերի միջն: Նրանք Ասորեստան և Քաղղէսաստան էին տանում Փոքր-Կովկասի իրենց պղնձի հանքերի արտադրութիւնները՝ ասորական մինայի (մօտ 78 ֆունտանոց կշիռ) օղակների ձևով ⁴⁾): Ասրապատականից մեկնող նրանց կարաւանները գնում էին Բախտիարիա և այնտեղից Հնդկաստան: Ասուածաշունչը, Հերոդոտը, Քսենոփոնը յիշա-

*) J. de Morgan, Mission scientifique au Caucase. 1889. Recherches archéologiques.

տակում են նրանց վաղեմի յարաբերութիւնները Փիւնիկէի քաղաքների և Բաքելոնի հետ, ուր նրանք համում էին կարաւաններով թէ Տիգրիսի հոսանքով, թէ եփրատի ափով: Այդպիսով նրանք հազորդակցութեան մէջ էին գնում Առաջաւոր Ասիայի հարաւային երկրները՝ Եւրոպիան Պոնտոսի յունական գաղութ: Ների հետ:

Դւին հայկական մայրաքաղաքը 6-րդ դարուն, ըստ Պրոկոպի, Առաջաւոր Ասիայի առևարական զըլիսաւոր կենտրոններից մէկն էր հանդիսանում: Հընդկաստանի, Բախտիարիայի, Պարսկաստանի, Կովկասեան Իրերիայի ապրանքները խաչածեւում էին Հըսովմի և Յունաստանի ապրանքների հետ: 10-րդ դարու վերջերը, Անի, Արծն, Բաղէշ, Նախիջևան փոխարինեցին Դւինը: Սելջուկիանների կողմից երկրի աւերումով՝ պարսիկներն ու թիւրքերը բաժանեցին նրան իրար միջն, կասիցըին այդ բարգաւաճ վիճակը, և Մեծ-Հայքի բնակիչները ստրկութեան ենթարկելով ուրիշ միջոցներ չունեցան, բացի հողագործութիւնից: Այդ ժամանակից սկսած առևտուրն անցաւ ՓոքրՀայք, Ռուբինեանների ձեռքը: 13-րդ և 14-րդ դարերում, Կիլիկիայի միծ նաւահանգիստ Փայտասը, ըստ Մարկօ Պոլօի, դարձաւ «Արևելքի բոլոր թանկագին ապրանքների և բոլոր հարստութիւնների շտեմարան»: Անտարակոյս, հայերը համաձայնել էին Առաջաւոր Ասիայի իրենց իշխողների՝ թիւրքերի հետ, որպէսզի իրենց երկերը մինչ Ասրակելքից եկող կարաւանների գլխաւոր կայանը: Այսպէս, Վենետիկի, Զենովայի, Սիկիլիայի, Մարմէլլի, Բիւզանդիոնի նաւերը գալիս էին այդ քրիստոնեայ նաւահանգիստը վերցնելու չի-

նական, հնդկական, պարսկական և արաբական բոլոր
երկրների ապրանքները: Դրանց փոխարէն՝ նրանք
բերում էին եւրոպական արտադրութիւններ, որոնք
նոյն ճանապարհով ուղարկում էին Չինաստան և
մինչև Մանջուրիա: Այդ ցամաքային փոխագրութիւնը
կատարում էր մի շարք միջնորդների միջնոցվ, ո-
րոնց միջև մահմեղականները խաղում էին ամենամեծ
դեմք, որովհետեւ նրանց կարաւանները կարող էին մի
կողմից համնել հիւսիսային Հնդկաստան, միւս կողմից
թափանցել Սիբիրի խորքերը՝ առանց հանդիպելու
մարդարէին չհաւատացող ժողովուրդների:

Հայերն առևտրական մեծ յարաբերութիւններ
մշակեցին մանաւանդ Վենետիկի հանրապետութեան
հետ՝ սկսած 11-րդ դարուց մինչև 17-րդ դարը շարունա-
կաբար: Փոքր Հայերի թագաւորներն ամեն տեսակ դիւ-
րութիւններ տալիս էին Վենետիկի վաճառականնե-
րին: Վենետիկի դուքսներն ու ծերակոյտն իրենց հեր-
թին ամենասիրածիր ընդունելութիւն էին ցոյց տալիս
հայ վաճառականներին: 1253 թւականին, կոմս Մար-
կօ-Զիանի Վենետիկ հաստատած հայերին նւիրեց իր
տներից մէկը, որ մինչև ալժմ էլ կոչւում է «Հայկա-
կան տուն»: Անկախութիւնը կորցնելուց յիտոյ՝ հայե-
րը շարունակեցին իրենց վաճառականական զործառ-
նութիւնն և նոյնիսկ աւելի մեծ ծաւալում տւին նրան:
այնուհետև զինւորական և վարչական ասպարէզները
փակւած լինելով նրանց առաջ, որովհետեւ հպատակ
ժողովուրդ էին դարձել, միայն առևտուրն էր մնում
իրը մի ասպարէզ, որ կարող էր բաւարարել նրանց
գործելու պահանջին: Նրանք կենարոն ընտրեցին
Զուլֆա և Գանձակ երկու մեծ քաղաքները՝ ներկայա-
ցուցիչներ ունենալով ասիական ու եւրոպական բոլոր

երկրներում, Հնդկաստանում, Պարսկաստանում, Չի-
նաստանում, Ռուսաստանում, Աւստրիայում, Ֆրան-
սիայում, Սպանիայում, Իտալիայում: 11-րդ դարուց
սկսած հայկան բազմամարդ գաղութ էր հաստատ-
ւել Լինաստանում, այդ գաղութը, որ Լինաստանի վա-
ճառականութեան ահազին ծառայութիւններ մատու-
ցեց, մինչև 17-րդ դարը վայելից վարչական կէս
ինքնավար բէժիմ, որ երաշխատորւած էր թագաւո-
րական հրովարտակներով: Թիւրք բռնապետները, շա-
րունակելով հանդերձ հայ ժողովրդի ամբողջութեան
վոյա իրենց քաղաքական ու ընկերային ճնշումը, ա-
զատութիւններ էին տալիս միայն վաճառականներին,
որոնց նկատում էին իրենց կայսրութեան բարգաւաճ-
ման համար անհրաժեշտ մի տարր: Շահ Ալբաս 1 մին-
չև իսկ մի անպայման ինքնատիպ ու բարբարոս մի-
ջոցի դիմեց՝ ապացուցելու համար իր հիացումը դէպի
հայերի առեւտրական ընդունակութիւնները. ցանկա-
նալով, որ իր կայսրութեան մէջ ծաղկի վաճառակա-
նութիւնը, նա 1605 թւին աւերեց Զուղա քաղաքը
ստիպեց այստեղի հայերին գաղթել Պարսկաստան և
նրանց բնակեցրեց Սպահանի մօտ, ուր նրանք հիմ-
նեցին մի նոր քաղաք, որը կոչեցին Նոր-Զուղա: Եւ
իրօք այս քաղաքը շուտով դարձաւ Ասիայի (Պարս-
կաստանի) առեւտրական զլիաւոր կենտրոնը: Նոր-Զու-
ղայեցիներն ուժեղ զարկ տւին պարսկական վաճառա-
կանութեան. նրանք զրասենեակներ հիմնեցին Հնդ-
կաստանի մեծ քաղաքներում՝ Դելհիում, Բոմբէյում,
Մատրասում, Կալկաթայում, Բատակայում, Սինգա-
փուրում: Հնդկաստանի սպանիական ու պորտուգա-
լիական նաւահանգիստները, որոնք փակ էին օտարազգի

նաւերի առաջ, բաց էին հայ վաճառականների նաւերի համար: Նրանց ճիւղերը Սինգափուրից տարած ւեցին դէպի հնդկական արշիպեղապոսի կղզիները՝ Զաւայում, Սումատրայում, Բորնէօյում, Ֆիլիպինեան կղզիներում, Սիամում, Բիրմանում և Թիբետում, մինչև Չինաստանի նաւահանգիստները՝ Կանտոն և Նանկին, նրանք շարունակեցին իրենց առևտրական դերը՝ իր միջնորդներ Եւրոպայի և Արևելքի միջև: Կարգինալ Միջլիե, գնահատելով այդ գործունէութիւնը, նպաստեց Մարտէլում մի հայկական գաղութ հիմւելուն: Աւտրիացի Մարիա Թերեզան մի յատուկ հրովարտակով բազմաթիւ առանձնաշնորհումներ տևեց հայ վաճառականներին, որոնք մի մեծ գաղութ կազմեցին Տրիեստում, ուր նրանց բնակած փողոցը գեռ կոչում է հայկական փողոց: Երկրէ երկիր թափառող առևտրականները չէին մոռանում իրենց հայրենիքն ու ցեղը. Նրանք Հայաստանի զանազան մասերում և ստար Երկրների հայ գաղութներում հիմնում էին եկեղեցիներ, դպրոցներ: Նրանք Եւրոպայում տպագրել էին տալիս հայերէն գրքեր և ուղարկում էին Հայաստան իրենց հայրենակիցներին, խոշոր գումարներ էին կտակում իրենց երկրի վանքերին ու դպրոցներին *):

Մեր օրերում հեռաւոր արևելքի մէջ հայերի առևտրական գործառնութիւնները շատ են կրծառած, որովհետև պարսիկների առևտուրը զարգացած է, և չինացիները, որոնք շատ ճարպիկ վաճառականներ են, սովորել են արդէն անձամբ վարել իրենց սեփական

*) A. TCHOBANIAN, Chants populaires arméniens, ներածթ. էջ XXXV.

գործերը: Եւրոպայում ահազին դրամագլուխներով հիմնեցին շոգենաւային խոշոր ընկերութիւններ, և առևտրական մրցումն անկարելի դարձաւ: Այսուամենայնիւ, արևելքում հայկական վաղեմի գործունէութեան հիմքերը դեռ չեն կորած:

Թիւբքիայում, ինչպէս և Պարսկաստանում, հայերն այս վերջին տարիներում դեռ ևս շատ կարենը դեր էին կատարում տնտեսական կեանքում: Սարրաֆները, թէև բազմաթիւ, բայց շատ ոյզն փոքրածանութիւն էին կազմում. իսկ վաճառականները, մասնաւրապէս փոքր խանութպաններն ու արհեստաւորները համեմատաբար խիստ շատ էին: Պոլսի բեռնակիրները, որոնք զրեթէ ամենըն էլ հայեր էին, շատ արգարացիօրէն վայելում էին արտասովոր ուժի և իրենց արհեստում շատ խիճամիտ լինելու հոչակը: Նրանց կարելի էր տեսնել Պերայի և Ստամբուլի փողոցներում գանդաղօրէն շրջելիս, վիթխարի բեռներ շալակած: Հայթուլիների մեծագոյն մասը հայեր էին, այնպէս որ 1896 թւականի կոտորածների ժամանակ քաղաքում երեք օր հաց չկար, որովհետև հայ հացթուխները սպանւած կատ պահած էին: Դերձակները, ատաղձագործները, կօշկակարները, գարբինները, ործնադիրները, քարհատները, աղիւսագործները մեծ մասմբ հայեր էին և Պոլսի բազմարում բոլոր ոսկերիչները, հնավաճառները՝ նոյնպէս հայեր: Մի քանի հայեր գորզի շատ մեծ վաճառատներ ունէին:

Մինչև 1896 թւականի կոտորածները, Պոլսում ոչ միայն բոլոր բեռնակիրները հայեր էին, այլև մեծ վաճառատների պահապանները, ծառաները, խոհարարները. Նրանք ճանաչւած էին իր շատ պարկէշտերը:

մարդիկ: Շատերը սպանւեցին, ուրիշները Հայաստան ուղարկեցին: Թիւրքերը բեռնակիր հայերին փոխարինեցին քիւրդերով. բայց շատ տարակուսելի է, որ այդ աւազակներից կարողանան պահապաններ, ծառաներ ու խոհարարներ պատրաստել: Ինչ վերաբերում է բուն Հայաստանի հայերին, նրանք ամենքն էլ վերջերս տեղահանւեցին Միջագետք:

Պոլսի հայ համայնքը պահում էր բաւական թւով դպրոցներ, ուր սովորեցնում էին և ֆրանսերէն, այդ դպրոցները տւել են իմացական ընտիր ուժեր, որոնք մեծ պատիւ են բերում իրենց աղջին—բժիշկներ, փաստաբաններ, ճարտարապետներ, արձանագործներ, շատ մեծ թւով նկարիչներ, տաղանդաւոր գրողներ, բանաստեղծներ, որոնք առաջնակարգ դեր են կատարում ժողովրդի իմացական զարգացման գործում, և որոնց գեղեցիկ էջերը դաստիարակելով հոգին՝ զօրացնում են ձախորդութեան տոկալու արիութիւնը:

Միևնոյն բանն էր և իզմիրում, չնայած յոյների մքցումին, նոյնպէս և Թիւրքիայի բոլոր մեծ քաղաքներում: Կովկասում դրամատների և խոշոր ձեռնարկութիւնների մեծագոյն մասը հայերի ձեռքումն են: Նրանք բանհցնում են Սալեանի թառափի (օսետրինա) ձկնորսարանները և պատրաստում են ձկնկիթ (խաւեար): Նրանք մեծապէս շահագրգուած են Բագրի նաւթի արդիւնաբերութեան մէջ: Պարսկաստանում նրանց կատարած դերը նւազ կարեոր է, որովհետեւ պարսիկը խիստ ձեռներէց վաճառական է: Բայց բոլոր քաղաքներում էլ հայերի մանր արդիւնաբերութիւնը ծաղկած վիճակի մէջ է:

Կովկասի և Պարսկաստանի քաղաքներում հայ

տարրը շատ մեծ տոկոս է կազմում ազատ արևեստներով զբաղւողների թւում, պատահում էք հայազգի բազմաթիւ փաստաբաննների, բժիշկների, ճարտարապետների, ուսուցիչների, որոնցից շատերն իրենց ուսումը ստացել են արևմուտքի՝ Ֆրանսիայի կամ Անգլիայի մեր համալսարաններում:

Գիւղական հայերը մեծ մասամբ հողագործ և խաշնարած են: Վանում, Անգորայում, Արէջում, Բըրուսայում, Սղերգում նրանք այգեպաններ են. նոյնն է և Անդրկովկասում: Պարսկաստանի մէջ միայն նըրանք են զինի պատրաստում. Աստրապատականում, Համականում, Եիրազում նրանք հրաշալի գինի են արտադրում: Վանում և Անգորայում նրանք են մեղւաբոյները: Ամենուրեք նրանք երկրագործներ ու հովանես են:

Սեբաստիայի վիլայէթում հայերը հողը մշակում են նոյն իսկ ժամանակակից տեխնիկայով. Հաֆիկում և Քոչերիում նրանք գործածում են ամենից աւելի կատարելագործւած մեքենաներ: Եղիպատոսում Պօղոս Նուար փաշան կառավարում է անծայրածիր ազարկներ:

Հայերն են, որ Բըրուսայում սկսել. և զարգացրել են շերամաբուծութիւնը. 1849 թւին Պիլէզիքը այնտեղ հաստատեց շերամաբուծարաններ, և յաջորդարիներում նրա օրինակին հետևեցին Յովկակիմ աղան և Փափաղեանը. այդ երկրում նրանք առաջինը կարողացան գործածել Պաւտօրեան մեթոդներն ու կուել շերամի հիւանդութեան դէմ:

Հայերը զինագործներ, դանակագործներ և ոսկերիչներ են մանաւանդ Երզնկայում, Բաբերգում, Վա-

նում, Տիգրանակերտում, Սեբաստիայում, Անգորայում, Տրապիզոնում, Թիֆլիսում, համարեա ամեն տեղ նրանք են դարբինները, պղնձագործները, ջուլհակները: Երդնկայում նրանք են խաղախորդներն ու ներկարարները, իզմիրի մօտ Արսլան-Բէյ գիւղում նրանք են կառավարում կերպասի և փէսի զինուրական գործարանը*:

Վերոյիշեաներից պարզ երևում են հայերի բազմապիսի ընդունակութիւնները. այդ յտակութիւններին նրանք միացնում են խայողութիւնը, որ այնքան հազւագիւտ առաքինութիւն է արեհլքում, և ամեն փորձութեան գիմադրելու յատկութիւնը Հայըշատ յանդուպն է զործառնութիւններում, և երբ անյաջողութեան է հանդիպում, երբէք չի յուսահատուում. նա վերսկում է աւելի համեստ կերպով. և գործատէր լինելուց յետոյ պատրաստ է ծառայող դառնալ:

* *

Ես խօսեցի Հայոց պատմութեան մասին, մի քանի խօսք ասացի սեփական իշխանութեան կորսւելուց յետոյ նրանց կրած տառապանքների մասին: Աւելորդ չելինի ցոյց տալ, թէ նրանք ինչպիսի մարտիրոսա գրութեան հն ենթարկւած այսօր թիւրքերի լծի տակ, մի քանի պատմութիւններ տալ այն մեթոդիկ ընացընթից, որին զոհ է դառնում այսօր հայ ժողովուրը.

Սուլթան Ապդիւլ Համիդի հրամանով կատարւած կոտրածները (1894—1896 թ.) ամենքի յիշողութեան

*) Pierre Quillard—«L'Arménie, mémoires et dossiers».

մէջ են գեռ. Աղանայի հեկատոմլերը (1909 թ.) աւելի նոր են. ուրիմի մի սերնդի ընթացքում այս երրորդ անգամն է, որ հայերը զոհ են գաղոնում սոսկալի վայրագութիւնների:

1915 թւի Մայիսի 20-ից սկսած, երիտասարդ թիւրք կոմիտէի որոշումով, զինւ, նախարար էնւէր փաշան հրամայեց տեղափոխել գէպի արաբական անապատները, Բաղդադի գծից հարաւ, Անտառիկայի և Կիլիկիայի վիլայէթների ամբողջ հայ ազգաբնակութիւնը:

Քաղցէօստանում, ուր բոլոր հնաւուրց ջրանցքները լցուած են գարերից իվեր, ուր թափառաշրջիկ արաբներն են իշխում, իբր այլամերժ տէրեր, միծ ժամամբ սուանց հաղատակւելու ղոլամական կառավարութեան, գաղութ հիմնելն անհնար է: Այդ երկիրն ոչ մի միջոց չէ տալիս, և սակաւաթիւ բնակիչները, նոյնքան բարբարոս. որքան քիւրուերը, չէին հանդուրժիլ, որ օտարներ հաստատւին այդ անջրդի տափաստաններում, որոնց նրանք նկատում են իբր իրենց սեփականութիւնը:

Տրապիզոնի, Էրզրումի, Սեբաստիայի, Բաղէշի, Խարբերդի, Տիգրանակերտի և Աղանայի վիլայէթները «օսմանեան աղատական կառավարութեան» հըրամանով պարպւեցին ամբողջ հայ ազգաբնակութիւնից, քիչ բացառութեամբ: Իզմիտի գաւառում նոյն հրէշային գործը կատարւեց: Մինչև հիմա, ասում են, խնայել են մասամբ Պոլսի, Զմիւնիայի և Աղանայի հայերին, ինչպէս և բուն հայկական գաւառներից գուրս գտնող մի քանի վայրերի հայերին: Բացի այդ, 100,000 հայեր երզրումի նահանգից վախել են

Կովկաս և Պարսկաստան 1914—1915 թւականի ձըմեսուայ ընթացքում, և Վանի նահանգից 200,000 հոգի նոյն ճանապարհին են հետեւ 1905 թ. յուլիսին:

Հասկանալի է, որ հայերի տեղահանութիւնը կատարւել է նրանց բոլոր ինչքերը կողոպտելուց յիտոյ, բայց աւելի վատն այն է, որ սրբազն պատերազմի լայտարարութիւնից իվեր հարիւր հազարաւոր հայեր են կոտորւած, հարիւր հազարաւորներ բոնի իսլամցւած են, իսկ մեացորդը—կանանց, երեխաների և ծերերի մի խղճալի հօտ—քշւած է դէպի անապատը, բոլոր զրկանքներին, ամենաղաժան վարմունքի ու բոլոր ամօթալի արարքներին ենթարկւելուց յետոյ այնտեղ մեռնելու համար: Տեղահանութիւնն ուրիշ բան չէ եղած, եթէ ոչ դիմակաւորւած կոտորած:

Արիւնոսուշա բոնապետ Աբդ-իւլ-Համիդը տեսնելով, որ իր հայ հպատակները, համարձակութիւն առած Բուլղարիայի և ազատագրւած ուրիշ «ռայա» ժողովուրդների օրինակից, սկսում են բողոքել իրենց վրայ գործադրւած անօրէն թիժիմի դէմ, կազմակերպւում են քիւրդերի դէմ պաշտպաննելու համար, եւրոպային են զիմում բարենորոգումներ պահանջելու, հրամայեց կոտորածներ սարքել՝ ահարեկելու նպատակով այդ ժողովուրդը, պակասնեցնելու նրա թիւը, որպէսզի անհնար դարձնէ Հայաստանի քաղաքական վերածնութիւնը: Երիտասարդ թիւրքերը, հակառակ իրենց ազատականութեան դիմակին, խորհելով գահից տապալւած Առլթանի պէս, հետապնդեցին հայերին ջնջելու քաղաքականութեան՝ դործածելով նոր, բայց աւելի զարհուրելի միջոցներ, քան կիրառել էր Աբ-

դիւլ-Համիդի կառավարութիւնը, գերժանական կուլտուրան միջամտեց ոճքին. մէջ իր մեթոդիկ ոգին մտցնելու համար, մինչ զինւորական տարիքում զըտնլուղ հայերն երանութեական զօրահաւաքի էին ենթարկում, կառավարութիւնը տեղահանում էր մեացած ազգաբնակութիւնը: Ինչ զերաբերում է զօրահաւաքով կանչւածներին, նրանց չէին զինում, այլ գործածում էին որպէս բանուրների՝ զօրախմբերի հսկողութեան տակ: Այդ կիրպով պատրւակ էին ստեղծում նրանց սպանելու համար:

Նմանօրինուկ վերաբերմունքը բողոքների տեղի կը տար հայ մտաւորականների կողմից, և այդ բողոքներն անտարակոյս կը տարածւէին եւրոպայում և ամբողջ աշխարհում: Կարող էր վտանգ ծագել դրանից: Ապրիլ 28-29 գիշերով ձերբակալեցին Պոլսում հայ ազգի ամբողջ ընտրեալ դասը—պատգամաւորներին, քաղաքոգէտներին, լրագրողներին, բժիշկներին արևեստագէտներին, ուսուցիչներին, և արշալոյսից առաջ նրանց ճամբայ հանեցին դէպի Անգորա, Կոնիա կամ Տիգրանակերտ:

Միւնոյն ճակատագիրն էր սպասում և ներքինքաղաքների բոլոր մտաւորականներին: Առանց մեղադրական ակտի, առողջ զատաստանի, առանց նոյն իսկ որևէ այլ պատրւակ ցոյց տալու, բացի այն, որ հայ են, բանտարկեցին, սպանեցին կամ տեղահանեցին: Դրանից առաջ կամ միաժամանակ սկսեցին ամբողջ հայ ժողովրդին զինաթափել և զինել մահմեդականներին: Կազմակերպեցին քիւրդական և թիւրքական հըրոսախմբեր՝ չարագործներին ազատ արձակելով բանտից: Այդ հրոսախմբերը 1915 թւի մարտից սկսած

շղթայագերծ արձակւելով էրզրումի, Վանի վիլայէթ-ներում, կողոպտեցին աւելի քան 500 հայկական գիւղեր և սպանեցին նրանց 26000 բնակչութիւնը, բայց սրանք նախափորձեր էին դեռ:

Մայիսի 20-ին (7-ին) սկսւեցին կոտորածի և տեղահանութեան համատարած կարգադրութիւնները: Մի ընդհանուր ազգարարութեամբ հրամայւեց, որ բոլոր քաղաքներում և գիւղերում հայ ազգաբնակութիւնը պատրաստ լինի մեկնելու մի քանի ժամւայ ընթացքում տեղափոխելու համար հեռաւոր գաւառներ, զապթիէնների (ժանդարմ) ուղեկցութեամբ: Տներ, հողեր, ամեն տեսակի կայքեր դարձան կառավարութեան սեփականութիւն և յանձնւեցին մահմեդականներին: «Միւթիւն և յառաջդիմութիւն» կուսակցութեան համար դա մի միջոց էր բազմաթիւ կողմնակիցներ շահելու: Ուներ հայերին արտօնւեց կառքեր կամ գրաստներ ճարել շատ թանգ գներով. բայց զըրանց մեծ մասը քաղաքից դուրս գալուց յետոյ խլեց նրանց ձեռքից: Դրանից յետոյ, ամենահարուստներից մինչև ամենաաղքատները, կարողացան իրենց մօտ պահել միայն այն, ինչ կարող էին իրենց վրայ կըրել. Մահմեդական ազգաբնակութեանն արգելած էր կենսամթերք ծախել հայերին կամ նրանցից որեէ բան գնել:

Զեռնարկւած առաջին միջոցն այն էր ամենուրեք, որ պէտք էր իրարից անջատել ամուսիններին ու կանանց, ընտանիքի անդամներին, նոյնիսկ երեխաներին իրենց ծնողներից: Արդէն մեկնումից առաջ ամենասիրուն կանայք և աղջիկները, մանաւանդ ու ներոր գառին պատկանողները, բերւեցին թիւրքական

մասնաւոր կամ հասարակաց տները*) և բազմաթիւ երեխաներ ատրւեցին մահեղականների կողմից:

Անատոլիայի ամայի ձորերի միջից, ամառաւայ խիստ շոգերին, մարդկային այդ սովալլուկ զանգ-ածները, յովնածութիւնից ուժասպառ, զապթիէնների մտրակի կամ փայտի հարւածներով քշում էին, և վայ նրան, որ ընկնէր ուժասպառումից. սւինի կամ թուրի հարւածով սպանում էին նրան:

Մի քանի տեղերում, ինչպէս Քեմախի կիրճում, եփրատի վերին հոսանքի վրայ, տեղի ունեցան հաւաքական սպանութիւններ: Ճանապարհին այդ կարաւանները յաճախ յարձակում էին կրում քիւրկերի և թուրք աւազակների կողմից, և համարեա բոլոր ողջ մնացած տղամարդիկ, ինչպէս և շատ կանայք սպանեցին: Շատ խմբերի միայն մի քառորդը հասաւ նշանակւած վայրը: Կանանց և երեխաներին ձանապարհին խլում էին թիւրք ու քիւրդ զիւրղացիները, որոնք նրանց տանում էին զիւղերը՝ իրենց ստրուկ-ները գարձնելու համար և քաղաքների մօտի իսկական շուկաներում չնչին գնով ծախում էին դեռատի աղջիկներին ու երեխաներին: Իշխանութիւնները մրցանակ էին խոստանում այն թիւրք ընտանիքներին, որոնք յանձն առնէին մահմեդական զարձնել այդ գժբախտներին. Հաւատափոխութիւնը քաջալերեց՝ իրենց նախնիքների կրօնից հրաժարւել չուզողներին մահան սպաննալիք անելով:

Զպէտք է մոռանալ, որ բոլոր այս անարգանք-

*) Այսօր արդէն ստոյք է, որ գերմանացի սպանները վերջինները չեն եղել գերւած հայ, սիւրիացի, հրէայ և յօյն կանանց միջև ընտրութեան գործում:

հասցւում էին այնպիսի ընտանիքներին, որոնց
անդամները տղամարդիկ, կանայք և օրիորդները մեծ
մասամբ եւրոպայում են եղել, խօսում են արեմտեան
լեզուներ և իրենց իմացական մշակութով ու իրենց
գգացումներով եւրոպացիներին համահաւասար են:

Սահմանադրութեան սկզբից, հայ քաղաքական
վարիչները շարունակ յարել են «Միութիւն և յառաջ-
դիմութիւն» կուսակցութեան: Նրանք անձնական բա-
րեկամներն էին ազատական թիւրքերի, և բէտակայի-
ժամանակ (1909-ին) ազատել են նրանցից շատերի
կեանքը՝ իրենց սիփական կեանքի վտանգով պահելով
նրանց: Այս իրողութիւնն աւելի տմարդի է գարձ-
նում երիտասարդ-թիւրքերի վարմունքը:

Ոչ մի ուազմագիտական կամ զինւորական նկա-
տառում չէ կարող մէջ բերւել արդարացնելու այդ
սարսափները, և կամ իրը պատրւակ ծառայելու նը-
րանց: Կոտորածի ու կողոպուտի դրդապատճառը չէր
կարող լինել և այն, որ թիւրքերը կամենում էին
քրիստոնեայ ազգաբնակութիւնը ստիպել մահմեդա-
կան դառնալու. իսկական շարժառիթը հայ ժողովրդի
արմատական բնաջնջումն էր: Պաղեստինում հրէական
կոտորածները (1915 թւականին) *) և հղմիրի շրջա-
կաներից յոյների արտաքսումը նոյնպէս հետեանքն
են թիւրքական սա ծրագրի - Թիւրքիան միայն թիւր-
քերին. որովհետև արաբներն իսկ շնորհազուրկ են
այս վայրագ օտարատեացների մօտ:

Անտարակոյս թիւրքիայի յոյները շատ աւելի
քիչ տուժեցին, քան հայերը. բայց նրանք էլ զոհերն

*) Որոնք աւելի մեծ չափեր ստացան հետզհետէ, ինչպէս
հաւաստում են եւրոպական ազբիւրները:

են թիւրքերի բարբարոսութիւն, և Աթէնքի կառա-
վարութիւնը բաւականացաւ մի քանի, այն էլ պղա-
տոնսական, բողոքներով: Եթէ յոյների իէմ հալածանք-
ները համեմատաբար նւազ դաժան են, պատճառն
այն է, որ Բ. Դուռը մասամբ նկատի պիտի առնէը
կոստանդին թագաւորի հպատակների կարծիքը: Ինչ
վերաբերում է Պաղեստինի սիռնիստներին, հայերին
ու սիւրիացիներին, Թիւրքիայի արտաքին յարաքե-
րութիւններն ոչ մի արգելք չէին յարուցանում: Այսօր
ամբողջ Թիւրքիայում կարգախօսն այս է. «Այլևս ոչ
մի քրիստոնեայ, ոչ մի հրէայ»:

Վերոյիշեալ տեղեկութիւններին, որոնք առնւած
են գերմանական աղբիւրներից, ես կաւելացնեմ երկու
գերմանուհի հիւանդապահների պատմածը: Նրանք
1914 թւականի հոկտեմբերից մինչև 1915-ի ապրիլը
մնացել են էրզպումում Deutsche Militär-Mission-ի (գեր-
մանական զինւորական միսսիայի) ծառայութեան մէջ,
և որոնց նօթերը, հրատարակած Ժընկի հայանպաստ
կոմիտէի կողմից (1915-ին), գրւած են Պոլսում 1915-ի
յուլիսի 29-ին (16-ին): Ուստի դրանք չեն կարող
կողմնապահ համարւել՝ իրը այնպիսի փաստաթղթեր,
որոնք հայաստանի պաշտպան երկրների մէկից ծնունդ
առած լինեն:

«1915-ի մարտին մենք իմացանք մի հայ բժշկից,
որ յետոյ տիֆից մեռաւ, թէ կառավարութիւնը պատ-
րաստում է մի մեծ կոտորած: Նա մեզ խնդրեց իմա-
նալ գիներալ Պասուելուից, թէ զա ճիշտ է: Մեզ ասա-
ցին յետագայում, որ այս ազնիւ սպան ես վախենում
է այդ բանից և խնդրել է հեռանալ իր պաշտօնից...
Մենք հիւանդացանք տիֆով, և պաշտօնեաների յա-

ճախակի փոփոխութեան պատճառով ստիպւցինք հեռանալ էրզումից էրզումի գերմանական հիւպատոսի միջնորդութեամբ, որ վայելում էր հայերի վատահութիւնը, մէնք մտանք երզնկայի կարմիր-Խաչի մէջ և այսուեղ աշխատեցինք եօթը շաբաթ:

Յունիսի սկիզբը, երզնկայի կարմիր խաչի միսիայի պետը, Տ սպայակոյտի բժիշկը, մեզ ասաց, որ հայերը Վանում ապստամբւել են (Վանի հայերը ամրացել են իրենց քաղաքամասերում՝ պաշտպանուելու համար թիւրք և քիւրդ ջարդաբարների գէմ), թէ միջոցներ են ձեռք առնւած, որոնք պիտի ընդհանրացւեն, և երզնկայի ու շրջակայքի ամբողջ հայ ազգաբնակութիւնը պիտի տեղափոխի Միջագիտք, ուր նա մեծամասնութիւն չի կազմել. բայց կոտորածներ չեն լինի. թէ միջոցներ ձեռք պիտի առնւեն տեղահանւածներին կերակրելու և զինուրական պահակախումբով ապահովելու նրանց անվտանգութիւնը: Իբր թէ երզնկայում գտնել են գէնքով ու սումբով բեոցւած կառքեր և շատ ձերբակալութիւններ են կատարել: Կարմիր-Խաչի ծառալողներին արգելեւց յարաբերութիւն ունենալ տեղահանւածների հետ, արգելեց նոյնպէս ոտքով կամ ձիով թափառել:

Այսուհետեւ մի քանի օր ժամանակ արւեց երզնկայի ժոկովդին ծախելու իր ինչքերը, ինչոր բնականաբար տեղի ունեցաւ ծիծաղելի գներով: Յունիսի առաջին շաբթին առաջին թափորն էր մեկնելու. հարուստներին թելազրւեց կառք վարձել, Նրանք պէտք է զնային Խարբերդ: Յաջորդ երեք օրերում նոր տեղահանութիւններ եղան, շատ երեխաներ վերցւեցին մահմեղական ընտանիքների կողմից: Յետոյ որոշւեց որ երեխաներն էլ պէտք է մեկնեն:

Ստիպւեցին մեկնել և մեր հիւանդանոցում ծառայող հայերի ընտանիքները, նոյնիսկ մի հիւանդ կին. Նրան խնամող դոկտ. Նոյկիրխի բողոքը միայն երկու օրով ուշացը եց նրա մեկնումը: Մեզ մօտ կօշկակարութիւն անող մի զինուր ասաց քոյր Հ-ին. «Ես քառասուն վեց տարեկան եմ, բայց և այնպէս ինձ զինուր են վերցնում, չնայած որ ամեն տարի վը-ձարած եմ զինուրական տուրքը (ծառայութիւնից աղատման): Ես երբէք ոչինչ չեմ արել կառավարութեան գէմ, բայց և այնպէս խում են իմ ամբողջ ընտանիքը, իմ մօրը՝ որ 70 տարեկան է, իմ կնոջն ու հինգ երեխաներին, և ես չգիտեմ, թէ նրանք ուր են գընում»: Նա լաց է լինում մանաւանդ իր մէկուկէս տարեկան փոքր աղջկայ համար:

Հետեւել օրը նա եկու և ասաց. «Իմացայ, նրանք ամենքն էլ մեռած են», և դա կատարելապէս ձիշտ էր: Մեր թիւրք խոհարարուհին լալով պատմեց մեզ, թէ քիւրդերը Քիմախի կիրճում (Եփրատի վրայ՝ երզնկայից 12 ժամ հեռու) յարձակւել են դժբախտ թափորի վրայ, բոլորս կողոպատել են նրան և մեծ մասը սպանել. դա պէտք է եղած լինի յունիսի 14-ին (1-ին): Երկու զեռատի հայ ուսուցչուհիներ, Խարբերդի կոլլեջում ուսում առած, որոնց խնայել էին, պատմեցին, թէ այդ կարաւանը կողքից քիւրդերի և յետեկց թիւրքական կէս-կանոնաւոր զօրքի խաչածն կրակի տակ էր առնւած: Նրանք ընկել են գետնի վը-րայ և մեւած ձևացել և ապա կարողացել են խոտորնակ ճանապարհներով հասնել երզնկա՝ զրամ տալով իրենց պատահած քիւրդերին: Դրանցից մէկի հետ է եղել իր նշանածը, կանացի հագուստով, որին պաշտ-

պանել էր իր թիւրք զասընկերը: Երբ երգնկա ևն հասել, մի ժանդարմ ուզել է տիրանալ մատաղատի օրիորդին, նշանածը բողոքել է: Մա սպանւում է, և երկու օրիորդները տարւում են թիւրքերի տները, ուր նրանց հետ վարւում են սիրալիր կերպով, բայց պահանջում են, որ մահմեղական դառնան: Նրանք մեզ այս տեղեկութիւնները հաղորդեցին մի երիտասարդ բժշկի միջոցով՝ խնդրելով, որ մեզ հետ միասին Խարբերդ տանենք նրանց: Եթէ թոյն լինէր իրենց մօտ, ասել էին, կը թունաւորւէին:

«Հետեւեալ օրը, ուրբաթ, յունիսի 11-ին (ն. ա.) կանոնաւոր զօրամասեր (հեծելազորքի 86-րդ ջոկատի զինւորներ) ուղարկեցին՝ քիւրդերին պատժելու համար, ինչպէս որ ասում էին:

«Զինւորները մեզ պատմեցին, թէ այդ անգէն դժբախտները ինչպէս են կոտորւել ամենըն էլ: Այդ գործի համար հարկաւոր է եղել միայն չորս ժամ: Կիները ծունկի էին գալիս և իրենց երեխաներին ձըգում եփախտի մէջ: Մի զինւոր ասում էր. «Սարսափելի բան էր, ես չէի կարողանում կրակել»: Մենք ուրիշ թիւրքերից էլ լսեցինք պարսաւանքի և կարեկցութեան խօսքեր: Նրանք պատմեցին, որ պատրաստի սայլեր են եղել՝ զիակները գէպի զետը տանելու և կոտորածի հետքերը ջնջելու համար: (Ամսի 11-ի երեկոյեան տեսանք, որ զինւորները վերադառնում են աւարով):

«Հետեւեալ օրն որսորդական արշաւանք կատարեց ցորենի չննձւած արտերում, ուր բազմաթիւ հայեր էին պահւած:

«Այդ բոպէից սկսած շարունակ համսում էին

տեղահանւածների կարաւաններ, ամենքն էլ բերւած սպանւելու համար, զա հաստատւում է շատ բազմազան աղբիւրներից և մեր քաղած միաձայն վկայութիւններով: Յետոյ մեր յոյն կառապանն ասաց մեզ, որ զոհերի ձեռքերը կանում են և ժայռերի բարձունքից ձգուս գետի մէջ: Այդ միջոցին են գիմել, երբ զանգւածները չափաղանց շատ լինելով այլ կերպ չէին կարող սպանւել:

«Քոյր X և ես բնականաբար անմիջապէս մտածեցինք, թէ ինչ կարող ենք անել և վճռեցինք թափորներից մէկին ընկերանալ մինչև Խարբերդ: Մենք գեռ չգիտէինք, թէ կառավարութիւնն է հրամայել նրանց կոտորել ձանապարհին. կարծում էինք, թէ այդ կերպով կարող էինք առաջն առնել ժանդարմների վայրազութիւնների ու քիւրդերի յարձակումների, որոնց լեզուն իմանում էինք, և որոնց վրայ ազգեցութիւն ունեինք:

«Ուստի հեռագրեցինք Էրզրումի հիւպատոսին՝ ասելով, որ մենք արձակւած ենք հիւանդանոցից և խնդրում ենք Գերմանիայի շահի համար, որ Երգնկադայ: Նա պատասխանեց. «Անկարելի է հեռանալ պաշտօնատեղիցս, սպասում եմ աւստրիացիներին, որոնք այստեղով պիտի անցնեն յունիսի 22-ին»:

«Յունիսի 17-ի երեկոյեան, Կարմիր Խաչի դեղագործ Գ.-ի հետ զնացինք պատոյաի: Նա էլ մեզ պէս դարձուրած էր վայրադութիւններից և շատ բացորոշ արտայայտեց այդ մասին: Նա էլ արձակել էր պաշտօնից: Մենք պատահեցինք մի ժանդարմի, որ մեզ պատմեց, թէ 10 բոպէ հեռաւորութեան վրայ Բարերդից աեղանաւածների մի մեծ կարաւան էր կա-

սեցրւել: Նա սրտայոյզ շեշտով պատմեց, թէ ինչպէս տղամարդիկ կոտորւած և կիրճի խորն էին նետուած՝ «Քէսին, քէսին, կէլիյօրլար» (կոտորեցէք, կոտորեցէք, գալիս են) աղաղակների տակ, թէ ինչպէս ամեն մի գիւղում կիները բռնաբարւել են, թէ ինչպէս ինքն էլ ցանկացել է տիրանալ մի օրիորդի, բայց իրեն տսել են, թէ նա այլևս կոյս չէ, թէ ինչպէս գըլուխներն են ջարգել այն երեխաների, որոնք ճշում կամ ուշացնում էին կարաւանի երթը: «Ես բարի գործ կատարած լինելու համար թաղել տի երեք աղջկայ դիակ»—այսպէս վերջացրեց նա իր պատմութիւնը:

«Յաջորդ առաւօտեան շատ վաղ լսեցինք, որ մեր տան կողքով երդնկայ տանող մեծ ճանապարհի վրայ անցնում է տեղահանւածների մի թափոր: Մ: Գ.ի հետ միասին մենք նրանց հետեցինք և ընկերացանք մինչև քաղաքը: Դա մի մեծ կարաւան էր. միայն երկու կամ երեք տղամարդիկ, բոլոր մնացածները կիներ կամ երեխաներ էին: Նրանք աղաղակում էին. «Ազատեցէք մեզ, մենք կը դառնանք մահմեղական կամ զերմանացի, կամ ինչ որ կուգէք, միայն ազատեցէք մեզ: Մեզ տանում են Քեմախի կիրճը ուր մեր զլուխներն են կտրելու» և նշանակալից մի շարժում էին անում: Ուրիշներ լսում էին և համբերութեամբ քայլում մի բանի ծրար շալակած և երեխաների ձեռքից բռնած: Մի բանիմ էլ մեզ խնդրում էին աղատել իրենց երեխաներին: Շատ թիւրքեր գալիս էին երեխաներ կամ կոյս աղջիկներ փնտուելու երբեմն ծնողների հաւանութեամբ, և երբեմն առանց նրանց հաւանութիւնն ստանալու: Ժամանակ չկար

մտածելու, քանի որ խումբն անդադար տուաջ էր քըշւում ձիւաւոր ժանդարմեների կողմից, որոնք ճօնում էին իրենց մտրակները: Քաղաքի մուտքի մօտ Քեմախի կիրճի ճանապարհը բաժանվում է պողոտայից: Այստեղ կար ստրուկների շուկայի նման մի բան, մենք ինքներս էլ վերցրինք վեց տղաներ՝ Յ-ից մինչև 14 տարեկան, որոնք փաթաթւում են մեզ, և մի աղջնակի: Այս վերջինին յանձնում ենք մեր թիւրք խոհարարուհուն: Նա ուզում է երեխային տանել գոկտ. Խ-ի մասնաւոր տան խոհանոցը՝ մինչև մենք վերադառնանք և վերցնենք նրան. բայց բժշկի զինուրական կցորդը՝ Թիզա բէկը խփում է կնոջը և երեխաներին ձգում է փողոցը: Թշւառների խումբը ցաւի ճիշերով շարունակում է ճանապարհը, մինչ մենք մեր վեց երեխաներով վերագանում ենք հիւանդանոց: Ամենափոքը Բաթերդցի մի հարուստի որդին է, ծածկած իր մօր վերարկուի մէջ, արտասւելուց երեսը ուռած, առաջ է նետում ցոյց տալով մի ժանդարմի. «Ահա իմ հօր սպանողը» ասաց նա... Մենք նկատեցինք, որ նախկին հիւանդներ, որոնք միշտ երախտագէտ էին եղել զէպի մեզ, այլևս մեզ ճանաչելու երևոյթը չունեն: Մեր հիւրանոցի տէրը սկսեց խօսել այնպիսի բաներ, որ ամենքն ուշադիր լսում էին. «Այս կանանց եւ երեխաների մահը նրամայլեց Պոլսից»: Մեր հիւրանոցի թիւրք խօջան (կրօնաւոր) նոյնպէս եկաւ և ասաց մեզ ի միջի այլոց. «Եթէ Աստուած չի ողորմում, ինչո՞ւ դուք էք ուզում գութ ունենալ: Հայերը Վանում անզթաթիւններ են արել, դա նրանից է առաջանում, որ նրանց կրօնը էքսիկ է (թերի, պակասաւոր), Մահմեդականները չպէտք է

Նետելին նրանց օրինակին, այլ առելի մեղմ կերպով կատարելին կոտորածքու

«Քնացինք միւթէսարըֆի մօտ.. Այդ մարդը հը-ըէշի կերպարանք ունէր.. նա մեզ ասաց, որ այլևս չի ուզում մեզ հանդուրժել, և թէ մեզ չի թոյլատրում Խարբերդ գնալ մեր իրերը գտնելու համար, նա մեզ պէտք է ուղարկէր Սեբաստիա, և ինչ որ ամենավատն էր, թոյլ չտւեց մեզ հետ տանել երեխաներին. նա ժանդարմին ուղարկեց, որպէսզի նրանց մեր սենեակից վերցնի:

Հիւրանոց վերադառնալով մենք պատահեցինք երեխաներին, բայց նրանց այնքան շուտ անցկացրին մեր կողքից, որ չկարողացանք վերադարձնել մեզ մօտ նրանց թողած դրամը (475 դրուշ, մօտ 100 ֆրանկ): Մենք յիտագայում ինդրեցինք գոկտ. Լինդենըրերդին, որ այդ գումարը նրանց յանձնէ: Կարիք եղաւ մի թիւրք սպայի հարցնել, թէ ուր են գտնւում նրանք. և ճիշտ մեր մեկնումի ըստեին, երբ մեզ ասել էին արդէն, որ նրանք սպանւած են, Ռիզա բէկն եկաւ մեղանից պահանջնելու այդ դրամը՝ երեխաներին յանձնելու պատրւակով!! Հետեւալ օրը միւթէսարըֆն ուղարկեց մի սայլ, որի վրայ եօթն օր պիտի ճանահորդէինք մինչև Սեբաստիա: Մենք յայտարարեցինք, որ մերժում ենք այդ սայլը, որից յիտոյ մեզ ուղարկեցին մի կառք՝ սպանալով, որ մեզ կը ձերբակալեն եթէ չմեկնենք: Կա յունիսի 21-ին (8) էր տեղի ունենում. Առաջին օրերը տեսանք հինգ գիտակներ, որոնցից մէկը կին, մէկը հագուստով, միւսները մերկեւ և մի ուրիշն անզլուխ: Մեզ հետ միաժամանակ ուզերում էին երկու թիւրք սպաներ, որոնք ծպտւած հա-

յեր էին, ինչպէս հաւաստում էր մեզ ընկերացոյ ժանդարմը: Նրանք չյայտնեցին իրենց ինքնութիւնն և շատ վերապահ երեացին: Նրանք շարունակ աշխատում էին չբաժանւել մեզանից. չորրորդ օրը մենք նրանց երեսը չտեսանք: Երբ հարցըինք նրանց մասին, մեզ հասկացրին թէ, որքան քիչ հետաքրքրւէինք նրանցով, այնքան մեզ համար լաւ կը լինէր: Ճանապարհին կանգ առանք մի յոյն գիւղի առաջ. վայրենի գէմքով մի մարդ էր կանգնել ճանապարհի վրայ: Նա սկսեց խօսել և ասաց, որ արդէն երկու հարիւր յիսուն հոգի է սպանել... Նա ողատմեց ժանդարմերին, որ հեռախոսով հրաման էր ստացել մեր երկու ուղեկիցներին սպանելու: Ուրեմն այդ երկու մարդիկ ու նրանց հայ կառապանները պէտք է վերջացւած լինեն այդտեղ: Մենք չկարողացանք ընդդիմախօսել այդ մարդասպանին: Երբ նա հեռացաւ, միը յոյն կառապանը մեզ ասաց. «Ո՞չ մի խօսք մի ասէք, այլապէս.. և նա հրացանազարկ անելու նշան արեց: Եւ իրօք, զրոյց էին տարածել, թէ մենք հայուհիներ ենք. ուստի և մահւան դատապարտւած:

«Մի օր մենք պատահեցինք տեղահանւածների մի բազմութեան, որ գտնուում էր Քեմախի կիրճի ճանապարհի վրայ: Սակաւաթիւ տարիքաւորներ, բազմաթիւ կանայք ու շատ սիրուն երեխաներ... մի աղջնակ ծիծաղում էր՝ գիտելով այս տարօրինակ տեսարանը, մինչ ուրիշ գէմքեր մեռելային լրջութիւն ունէին: Ո՞չ մի շշուկ, ամեն ինչ խալազ էր, և այս գըժբախտներն անցնում էին կարգով... անցնում էին՝ մի քանիսը բարեկելով մեզ: Նրանք ամենքն այժմ Աստծու գահի առաջն են և նրան են բողոքում...

«Մեղ հետ հղող ժանդարմը պատմեց, որ ինքն ընկերակցիւ է 3000 կանանցից բարգացած մի կարաւանի՝ իրզումի մօտ Մամա-Խաթունից մինչև Քեսախի կիրճը: «ՀՀի կիթուի, պիթուի» (ամենքը կորան, վերջացան) առաջ նա: Մենք հարցրինք նրան, «Բայց ինչու էք հնթարկում նրանց այդ զարհուրելի չարչարանքներին, ինչու նրանց չք սպանում իրենց գիւղերում:» Նա պատասխանեց. «Այդպէս աւելի լաւ է. նրանք պէտք է թշւառ լինեն. և յետոյ՝ ինչպէս կարելի է մաս այդ բոլոր դիակների կողքին: Նրանք գարշահոտութիւն են սփառում:»

«...Առաւոտեան մեր մարդիկը պատմեցին մեզ, թէ սպանել են տասն հայերի (մենք գիշերը լսել էինք հրացանաձգութեան ձայներ), և որ թիւրք քաղաքացի բնակիչներ են ուղարկում հետապնդելու (հայերին), Արդարե մենք նրանց տեսանք ձիերի վրայ, հրացանն ուսերին, ձանապարհի եզրին, երկու զինւած մարդիկ ծառի ատկ զբաղւած էին մի սպանւածի ըդգհատները բաժանելով: Մի տեղ տեսանք արեան ձապաղիք, դիակները հեռացրել էին այդտեղից: Դրանք ձանապարհին աշխատող 250 բանւորներն են եղել, որոնց մասին պատմել էր մեր ժանդարմը: Մի անգամ մենք պատահեցինք բազմաթիւ այդպիսի բանւորների, որոնք մինչև այդ հանգիստ կատարել էին իրենց գործը: Նրանց բաժանել էին երեք խմբի, մահմեղականներ, յոյներ և հայեր. այս վերջինների մօտ մի քանի սպաներ կային.., նրանց ամենքին ջարդել էին:

«Սեբաստիա հասնելուց երկու օր առաջ միհնոյն տեսաբանին հանդիպեցինք: Մի ուրիշ վոյրում էլ, երբ 10 ժանդարմներ կրակում էին, թիւրք բանւորները

զոհերին վերջացնում էին դանակներով ու քարերով...»

Այդպիսի սոսկումների մասին կարդալով, կարծում էք, թէ իսկապէս երազում էք: Ես յիշեցի երկու դերմանսնի հիւանդապահների վկայութիւնը. նւազ արսուազդեցիկ չեն և չէզոք հիւպատոսների տեղեկագրերը:

Տրապիզոնի ամերիկեան հիւպատոսն ի միջի այլոց տալիս է հետեւեալ տեղեկութիւնները.

Նախ հիւանդանոցում թողեցին հիւանդներին, ինչպէս նաև հայ կաթոլիկներին: Յետոյ նրանք էլ արտաքսւեցին:

«Բազմաթիւ երեւելիներ, (որոնց միջև նաև մի ուսահպատակ՝ Վարդան անունով), մօտ 600 հոգի, ըեռցւեցին փոխարանաւերի վրայ Սամսոն տանելու համար: Մի քանի ժամ անց, նաւերը վերադարձան գատարկւած վիճակում: Ծովի բացերում ուրիշ նաւեր ժանդարմներով սպասում էին նրանց: Ամենքին ըսպանել և ծովն էին թափել: Վարդանը գլխից վիրաւուրելով, կարողացի էր լող տալ մինչև ափը. նա պահեց յունական հիւանդանոցում, պատմեց ամեն բան և մեռաւ:

Տոցում, Տրապիզոնի մօտ. հայ երեւելի Պօղոս Մարիմեանին իր երկու որդիների հետ միասին կապեցին ու ժանդարմները նրանց միաժամանակ զընդակահարեցին այդ գրութեան մէջ: Արտէսի կինն ու աղջիկները բանաբարեցին թիւրք սպահ երից, որոնք յետոյ ժանդարմներին փոխանցեցին նրանց: Երեխաներին սպանում էին՝ նրանց գլուխները ջարդելով ժայռի վրայ: Տղամարդիկ սպանւեցին ամրողովին, նը-

րանց միջև նաև ֆրանս. հիւպատոսի հայ թարգմանը:

Այս սարսափելի պատկերը կը լրացնեմ մի հայունու տարագրութեան նկարագրութեամբ՝ հրատարակւած Նիւեօրկի հայկ. կոմիտէի 1915 թւի տեղեկագլուխութ:

«Հայ ազգաբնակութիւնը տեղահանւեց երեք խըմ բով. ես առաջինումն էի: Իմ ամուխնը մեռաւ ութ տարի առաջ՝ ինձ, իմ 8 տարեկան աղջկան և իմ մօրը թողնելով բաւական մեծ կալւածներ, որոնցով մենք հանգիստ ապրում էինք: Զօրահաւաքի սկզբից ի վեր հրամանատար Խ-ը մնում էր մեր տանը՝ առանց ոչինչ վճարելու: Նա ոչինչ չասաց, որ հեռանամ, բայց հասկացայ, որ ինձ էլ է սպասում իմ ազգակիցների ճակատագիշը: Վերցրի երեք ձի՝ պաշարով բեռցւած: Աղջիկս իր մօտ ունէր 5—6 թրքական ոսկի. ես վերցրել էի 20 ոսկի և 4 հատ ադամանդեայ մատանի: Ինչ որ ունէինք, թողել էինք տանը: Մեր խումբը ճանապարհ ընկաւ յունիսի մէկին, 15 ժանդարմների ուղեկցութեամբ: Խումբը բաղկացած էր 500 հոգուց: Հազիւ երկու ժամ քայլել էինք, երբ պաշարւեցինք թիւրք գիւղացիներից և հրացաններով, դաշոյններով ու ատրճանակներով զինւած աւաղակախմբերից, որոնք թալանեցին մեր ամբողջ ունեցածը: Ժանդարմները խլեցին իր երեք ձիերն ու ծախեցին թիւրքերին՝ գըրպանելով դրամը: Նրանք վերցրին իմ աղջկայ մօտ դտնւած դրամները, նոյնպէս մեր ամբողջ պաշարը: Դրանից յետոյ նրանք մի առ մի ջոկեցին տղամարդկանց և 6—7 օրւայ ընթացքում բոլոր արուները, մինչև 15 տարեկան հասակը, սպանւեցին: Իմ կողքին ըսպանեցին երկու քահանաների, որոնցից մէկը 90 տարե-

կան էր: Աւագակներն ընտրեցին բոլոր զեղանի կանանց և տարան իրենց ձիերի վրայ: շատ մեծ թւով կիներ և օրիորդներ այս կերպով տարւեցան լեռները: Նրանց միջև կար և իմ քոյրը, որի մի տարեկան աղջնակին նրանք նետեցին ճանապարհի վրայ: Մի թիւրք խլեց իմ քրոջը և տարաւ, բայց հւր՝ չգիտեմ. իմ հայրը քալից, ինչքան կարողացաւ և վերջ ի վերջոյ մահամերձ ընկաւ ճանապարհին: Մենք ճանապարհի երկայնքով հանդիպեցինք նախորդ խմբերից շատ մարդկանց, որոնք ընկճել էին սպառումից. ըսպանւածների միջև բաւական մեծ թւով կիներ կային իրենց ամուսինների և զաւակների կողքին ընկած: Տեսանք նաև ծերունիներ և շատ փոքր երեխաներ ողորմելի գրութեան մէջ, առանց կարողանալու նոյն իսկ մի ձիչ արձակել, Գիշերները մեզ թոյլ չէին տալիս գիւղերում ընել. հարկ էր լինում պառկել անպատճապար: Գիշերային մթութեան մէջ աննկարագրելի ոմիքներ էին գործում ժանդարմների և գիւղերի աւաղակների կողմից: Շատերը մեռան քաղցից և կաթւածահարութիւնից: Քանիները լքւեցին ճանապարհի վրայ՝ ուժասպառումից չկարենալով շարունակել:

Մի առաւտ տեսանք 50—60 սայլեր, սրոնց մէջ կային մօտ 30 թրքունիներ, որոնց ամուսինները ըսպանւած էին պատերազմում: Նրանք գնում էին Պոլիս: Այս կիներից մէկը նշանացի ասաց մի ժանդարմի, որ սպանի իր մատնանշած հային: Ժանդարմը նըրան հասցրեց, թէ ինքը չի՞ ցանկանում անձամբ ըսպանել: «Խնչու չէ» պատասխանեց նա, և ատրճանակը հանելով իր հագուստի տակից՝ կրակեց և սպանեց հային: Բոլոր այս կիներն իրենց մօտ ունէին 5

կամ 6 աղջնակներ, 10 տարեկան և աւելի փոքրահասակ: Թիւրքերն երբէք չեին ուզում փոքրիկ մանչեր վերցնել, նրանց սպանում էին, ինչ տարիքի էլ որ լինէին:

«Ամենից աներեակայելի արհաւիրքները վերապահւած էին մեղ՝ Եփրատի ափերում և Երզնկայի դաշտում: Կիների, մատաղ օրիորդների և փոքր երեխաների այլանդակած դիակները սարսափեցնում էին մեզ ամենքիս: Աւազակներն ամեն տեսակ զարհութելի մանով սպանում էին մեզ հետ եղող կիներին և աղջիկներին, որոնց աղիողորմ ձայները երկինք էին բարձրանում: Նրանք Եփրատի մէջ ձգեցին 14 տարեկանից պակաս մնացած բոլոր երեխաներին: Լողալ փորձողները սպանում էին հրացանի հարւածով:

«Եօթնօրեայ ճամբորդութիւնից յետոյ հասանք . . . Այստեղ ոչ մի հայ չէր մնում այլւա: Թիւրք կիները ինձ ու իմ աղջկան տարան բաղնիք, և մեզ ցոյց տեին բաւականաշափ հայուհիների, որոնք կըօնափոխ էին եղել:

«Այս կէտի և . . . -ի միջն դաշտերն ու բարձունքը ծածկւած էին ուսած և սնացած դիակներով, որոնք ապականում էին օդը: Ճանապարհին պատահեցինք վից կանանց, թիւրքական տարազով և ձեռներին երեխաներ բռնած. բայց երբ ժանդարմերը վերցրին նրանց քօղը, տեսան, որ ծպտւած տղամարդիկ են, և նրանց ըստ պանեցին տեղն ու տեղը: 30 օրւայ ճանապարհորդութիւնից յետոյ հասանք . . .»

Պ. Ալնոլի Զ. Տոյնբի, իր փոքր հատորում (Լուսոն, Նիւ-Եօրկ, Տորոնտօ, 1915 թ.) Armenian Atrocities, հայ ազգի անգլիացի միջ բարեկամ լորդ Բրայսի

մի հոյակապ յառաջաբանով, յուսահատական ճշտութեամբ հազարաւոր մանրամասնութիւններ է տալիս թիւրքերի գործած անարդ արարքի մասին: Ահա մի օրինակ (էջ 50). «Կանանց ու երեխաների կարառաններ են ցոյցադրւած ամեն քաղաքում կամ գիւղում, կառավարական շէնքի առաջ, որտեղից նրանք անցնում են, որպէս զի մահմեդականները կարողանան ընտրութիւն կատարել»:

Այսօր Թիւրքիայում ֆնում են միայն չէզոք պետութիւններին պատկանող եւրոպացիներ— շվեյցարացիներ, հոլանդացիներ, սպանիացիներ և սկանդինավուներ, որոնք շատ քիչ են, աւստրիացիներ և գերմանացիներ և մի քանի հիւսիսային ամերիկացիներ, բողոքական միսիօնարներ՝ այս ու այն կողմ ցրւած Օսմ, Կայսրութեան մէջ, բայց որոնց Թիւրքերը հետու են պահում այն վայրերից, ուր տեղի են ունենում այն գէպերը, որոնց կարեոր են համարում կատարել առանց վկանների:

Թիւրքիայում բնակւող գերմանացիների միջն կան քաղաքացիներ, որոնք լաւ իրազեկ լինելով գէպերին ու հասարակական կարծիքին, լուսում են միայն Գերմանիայի շահերն ի նկատի ունենալով, այն վայրագութիւնների մասին, որոնց անձնատուր են լինում թիւրք-գերման իշխանութիւնները: Ամեն օր գործող սարսափելի ոճիբներում նրանք մեծ վտանգ են տեսնում գերմանական հմայքի համար և գրանց մասին դառնորէն գանգաւուում են Բերլինի արտաքին գործերի նախարարութեան: Հայէպի գերմանական դպրոցի ուսուցիչները պաշտօնական նամակ են գրել, որն արտատպել է Basler Nachrichten *). Մի նամակ, որ իս-

*) Որից ես քաղաքացիներ եմ տեհը l'Eclair de Montpellier 1916 թ. օգոստոս 28-ի համարում:

կապէս արժանի է յիշատակութեան, թէկուղ միայն գլխաւոր հատւածները:

«Մեզ թւում է, թէ մեր պարտականութիւնն է, ասում են նրանք, արտաքին գործերի նախարարութեան ուշադրութիւնը հրաւիրել այն իրողութեան վըրայ, որ մեր դպրոցական գործը այսուհետեւ կը զրկւի բարոյական հիմքից և տեղացիների աչքում կը կորցնի ամեն հեղինակութիւն... Սոսկումի այն տեսարանների հանդէպ, որոնք ամեն օր տեղի են ունենում մեր աչքերի առաջ, մեր դպրոցի կողքին, մեր դաստիարակչական գործը դառնում է մի մարտահրաւէր՝ ուղղւած մարդկութեան հասցէին: Մենք ինչպէս կարող ենք մեր հայ աշակերտներին կարգացնել տալ շեթ թղուկների պատմութիւնները, մենք ինչպէս կարող ենք նրանց հոլովել և խոնարհել սովորեցնել երբ մեր դպրոցի հարևան բակերում մահը հնձում է սովից մեռնող իրենց ազգակիցներին, երբ դեռասի աղջիկներ, կիներ, երեխաներ, զրեթէ մերկ, մի մասը հողի վրայ պառկած, ուրիշներ մահամերձների և արդէն պատրաստած դագաղների միջև իրենց վերջին շունչն են տալիս:

Եւ իրենց զնահատութեան աւելի ուժգնութիւն ատալու համար, ուսուցիչները մտնում են սարտազդեցիկ մանրամասների մէջ:

«Մեծ-Հայքի երկուերեք հազար զիւղացիներ, ասում են նրանք, այստեղ բերեցին կատարեալ առողջ վիճակում. այժմ նրանցից մնում են միայն 40—50 կմաքներ: Ամենագեղեցիկները զսիերն են իրենց պահապանների վաւաշոտութեան, տգեղներն ընկնում են հարւածների տակ, քաղցից, ծարաւից, որովհետեւ

պառկած ջըերի ափին, նրանց չէ թոյլատրում յագեցնել ծարաւը: Եւրոպացիներին արգելում է հաց բաժանել սովեալներին. Հալէպից ամեն օր 100-ից աւելի զիակներ են գուրս հանում... 40—50 կմախքացած ուրւականներ բակում դիզում են իրար վրայ, մեր դպրոցի դէմ առ դէմ: Դրանք յիմարացած կիներ են, որոնք կորցրել են ուտելու ընդունակութիւնը: Երբ հաց են երկարում նրանց, անտարբերութեամբ դէն են շպըրտում: Նրանք հեծեծում են սպասելով մահւան...»

Աշխարհում չկայ այնպիսի լեզու, որ այնքան ճոխ, այնքան գունազեղ լինի, որ կարողանաւ նկարագրել նմանօրինակ սարսափները, պատկերացնելու համար այս անմեղ մարտիրոսների կրած ֆիզիքական ու բարոյական տանջանքները, քանի երկինքը չի ուղարկած յաւիտենական քունքը: Սոսկալի կոսորածներից յուսահատ ու անտէրունջ մնացած, բոլոր իւրայինների, սիրելինների մահւան ականատես, նրանք այդ գաղթային հաւաքատեղիներում ենթարկում են ամեն տեսակ ամօթանքի, ուժասպառման, «թիւրք բարձրատիժան պաշտօնեաների», գերմանացի սպաների և զապթիէի աչքի առջև, որ յինւած իր հրացանին՝ ծիծաղում է ըրբստոննեայ մահամերձի հոգեվարքի ջղաձըգութիւնների, հանդիւնի վրայ:

Այսօր արդէն միայն հայերը չեն, որ ենթարկում են այդ անլուր տանջանքներին. այլ Թիւրքիայի բոլոր ոչ-մահմեդականները—յոյները, սիւրբացիները, հրէաներն որս են դարձել թաթար գանիճներին: Ամենուրեք տեղահանում են, սպանում, ամեն տեղ ամօթանքի և սովի հաւաքավայրեր են կազմւում:

Ոչ մի մեկնարաւնութիւն չի կարող աւելացնել յիշ-

ւած էջերի արհաւիրքը, և այդ էջերը միայն մի թոյլ պատկերացումն են՝ այժմ արդէն պաշտօնական վաւերաթղթերով ծանօթացւած խժդութիւնների:

Թիւրբերը հայկական նահանգներում, Կիլիկիայում, բոլոր քաղաքներում, ուր ապրում էին քրիստոնեայ գաղութներ, ամեն տեղ գործեցին միևնույն սիստեմատիկ անգթութեամբ, ամեն տեղ Ստամբուլից եկած կարգախոսը առաջացրեց ամենասուկալի հեկատոմբեր:

* * *

Հայկական աշխարհումն իսկ չատ դոյզն չափով իրազեկ են այդ սոսկալի հալածանքի պատճառած առէտների ծաւալին: Դեռ ոչ մի լուրջ քննադատութիւն կարելի չէ եղած անել ընկած գժբախտների, փախուստով ազատւածների թւի մասին, նոյնպէս և այն թըշւառների, որոնք բռնի ուժով և մահմեղականների վայրագութիւնից զերծ մնալու համար ժամանակաւորապէս ընդունել են մահմեղական կրօնը:

1882 թւականին, հայոց պատրիարքարանի վիճակագրութեան համաձայն, Թիւրքիայում ապրող հայրի թիւն էր 2,660,000. որոնցից 1,630,000 հայկական վեց նահանգներում, և 1,030,000 Թիւրքիայի զանազան քաղաքներում (Պոլիս, Իզմիր, Տրավիզոն, Երևանապէմ, և այլն): 1912 թւականին, այսինքն 1894—1896 թւականների համերեան կոտորածներեց յետոյ, պատրիարքարանի նոր վիճակագրութիւնից երևում է, որ միայն 1,018,000 հայեր կան վեց նահանգներամ: Աւրեւին այս երեսուն տարւայ ընթացքում՝ 612,000 կորուստ է եղել՝ մահից, գաղթականութիւնից և կը-

լոնափոխութիւնից: Գալով ցիր ու ցամ վիճակում ապրող 1,030,000 հազար հայերին, սրբաք կորցրել են միևնույն պատճառով առառաւելն միայն 50,000 մարդ: Ուստի 1914 թւականին Թիւրքիայում մնում էին մօտ երկու միլիոն հայեր:

Բայց այդ 6—700,000 հայերը կորած չեն եղել ազգի համար, որովհետեւ արտասահմանի գաղութները մեծապէս աճել են այնպիսի ընտանիքներով, որոնք միայն յարմար ըռպէի, այսինքն բարեհորոգումների իրականացման էին սպասում հայրենիք վիրադառնալու համար:

Այս երկու միլիոն տաճկահայերի վրայ պէտք է աւելացնել և ոռւսահպատակ 1,750,000 հայերին, որոնք ապրում են Կովկասում, Պարսկաստանում ապրող 100—150,000 և աշխարհի զանազան երկրների գաղութներում զտնւող աւելի քան 300,000 հայերին, որով հայ ազգի ամբողջութիւնը կը հասնի չորս միլիոնի՝ երիտասարդ-թիւրքերի հրամայած կոտորածների նախօրեակին:

Արդ, այս չորս միլիոն հայերի կէսից աւելին (2,250,900) հալածանքներից զերծ են մնացել. 300000 հոգի ապաստանած են ոռւսական և պարսկական հողերը, շատ հազարաւորներ կարողացան անցնել Եգիպտոս ու Եւրոպա, ուրիշներ (4000 հոգի) աղատւեցին Փրանսիացի նաւաստիների ձեռքով, այնպէս որ մահմեղականների վայրսութիւնը գործադրւեց ապահովաբար թւով 1,500,000-ից ոչ աւելի ազգաբնակութեան վրայ:

Այսօր թնչ է մնում այդ 1,500,000 տաճկահայերից: Մի քանիսը մեռածների թիւը հասցնում են

մի միլիոնի, ուրիշները՝ կրկու միլիոնի: Այս վերջին գնահատումն ամենատաճաճիմն է, մինչ առաջինը չափազանցւած է միայն, որովհետև կոտորածներն ու տեղահանութիւրը զինաւորապէս կատարեւել են այն վիլայէթներում, ուր հայերը մեծամասնութիւն էին կազմում, այսինքն Մեծ Հայքում: Պոլսում, Խղմիրում, ուր ապրում են 180,000 հայեր, տեղահանւեց միայն փոքրամասութիւնը: Նոյն բանը պատահեց նաև Թիւրքիայի ոչ հայկական շատ քաղաքներում:

Սակայն Տրապիզոնում՝ Թիւրքերը, հաւանաբար մղելով այն մտքից, որ քաղաքն ընկնելու է ուստի տիրապետութեան տակ, սոսկալի կատաղութիւն են ցոյց տւել:

Պատերազմից առաջ, Կոմինոսների երրեսի այս մայրաքաղաքում ու շրջականերում հաշւում էր 18,343 հայ բնա՛չութիւն, որ բաժանւած էր քաղաքում և նրա 45 գիւղերում: Ուսւ զօրամասերը Տրապիզոն մտնելով գտան միայն 459 հոգի, որոնցից 92 քաղաքում և 367 շրջականերում: Եթէ հաշւենք, որ 5000 հայեր կոտորւած են տեղն ու տեղը, և մօտաւոր գնահատութեամբ տեղահանւածներից 60 % մեռած լինի, կը տեսնենք, որ պակասող 17,884 բնակիչներից մօտ 12,000-ը կոտորւած կամ ձանապարհին հիւանդութիւնից և ուժասպառումից մեռած են, և որ միայն 5000 հոգի կարող էր հասնել Միջագետքի տարագիրների հաւաքատեղիները: Բայց 17,884 անհետացածների մէջ որիտի մտցնել փախածներին և իսլամի կրօնն ընդունածներին, այսպէս որ այս գաւառի ամբողջ ազգաբնակութեան 50 տոկոսը մեռած համարելը չափազանցութիւն չի լինիլ:

Պէտք է նկատել, որ բայ հրեայթին այդքան խիստ միջոցների դիմած չեն լինիլ թիւրքերը կայսրութեան բոլոր վայրերում, քանի որ Հալէպի ամերիկեան հիւպատոսը 1916 թւականի մարտին հեռագրում էր իր կառավարութեան հետեւեալը:

Այժմ Գամասկոսի, Դէրէլ-Զօրի և Հալէպի նահանգներում կան մօտ 500,000 տեղահանւած հայեր, 300,000 հայեր էլ ուրիշ գաւառներում: Ողջ մացածները մեծ մասամբ աշխատանքի անընդունակ կիներ և երեխաներ են, և թիւրք իշխանութիւններն արգելում են աշխատել ուզողներին: Միևնոյն ժամանակ նրանց չի արտօնում հաստատել այն վայրերում, ուր բերւած են նրանք, հետեւարար ապրում են, աւելի ձիշտ իրենց գոյութիւնը քարշ են տալիս ողորմութեամբ:

Ուստի պակասողների (մեռածներ, պահւածներ ու կրօնափոխ եղածներ) թիւը համար է մօտ 600,000 — 700,000: Ի

Ակներկ է, որ Թիւրքիայի հայ ազգաբնակութիւնը, չնայած իր կրած անլուր տառապանքներին, չնայած ահաւոր կոտորածներին, որոնց նա զո՞ն գարձաւ, բնաջնջւած չէ, և բնաջնջելուց շատ հեռու է: Այս օրը, երբ դաշնակիցներն իրենց կամքը թելազրեն բարբարոսներին, հայերն ամեն կողմից կը վագեն մի օջախ*) գինաւելու իրենց մերձաւորներին, բարեկամ-

*) Ամեն օր Թիւրքահայաստանի գրաւած գաւառներից յատցւած տեղեկութիւնների համաձայն, կոտորածներից ազատածների թիւը աւելի շատ է, քան կարծւում է: Ամեն կողմից գաւրն անտառներում և լեռներում, կամ բարեկամ քիւրդերի մօտ պահւած փախստականներ (կան հայերին բարեկամ քիւրդ ցեղեր են): Փախչում են և մահմեկականների մօտ իր ըստուկ-

ներին, և հաշտութեան պայմանագիրն ստորագրելուց
մի քանի ամիս յետոյ վերականգնած հայ ազգը կող-
րայ իր մեռելներին և կոկոի աշխատել՝ վերաշինելու
համար իր աղէտները: Զէ որ մենք՝ ֆրանոիացիներս,
անգլիացիները, բելգիացիները, սուսները, իտալացի-
ները, սերբերը նոյնպէս նորոգելու ենք պատերազմի
առաջացրած աւելումները, ծաղկեցնելու ենք մեր միլ-
իոնաւոր շիրիմները:

Կարելի է վստահաբար հաշւել, թէ հայ ազ-
գը դեռ ունի երեք միլիոնից աւելի մարդ: Մասնաւած-
ները մեծ մասամբ տղամարդիկ ու մանչ երեխաներ
են, որովհետեւ թիւրքերը մասնաւորապէս հետամուտ
են եղել ոչսչացնելու արական սեռը՝ յուսալով այդ
ներ պահածները, և այդ ազաւածների թիւը օրից օր
շատաւում է, նրանք մեծ մասամբ կիներ, երեխաներ, տարիքուա մար-
դիկ և փոքր թւով երիտասարդներ են: Երգումում երկու հազար
հայեր այս կերպով արդէն դուրս են եկել իրենց թաքստոցներից
Մշոյ մէջ՝ 4000, և Մշոյ գաշտում 6—7000, և դաշտն արդէն
ցանւած է առաջիկայ հոռնձքի համար: Վանում և հարեան գիւղե-
րում հաշւելու են 30,000 հայեր, մինչ Բաղէշում կոտորածն եղել
է զարնուրելի: Վանի կուսակալը յետ մղելով հայերի կողմից՝
վրէժ է լուծել բնաջնջել տալով Բաղէշի ամբողջ քրիստոնեայ
ազգաբնակութիւնը, տառանց ոչ ոքի տեղահանելու: Ասում են,
որ հայերի բարեկամ Դերսիմի քեւրգերը յարձակւել են երգու-
մից տեղահանածներին ընկերացող թիւրքերի վրայ և ազատել
են 10000 հոգի, որնք դեռ գտնուում են Դերսիմի քեւրգերի մօտ:
Երգումի առաջնորդ Մքրատ եպիսկոպոս այդ կարաւանի մէջն է
եղել: Բաց նոյնիսկ սուսների գրաւած երկրամատերում քիւր-
գերն ու թիւրքերը դեռ իրը ստրուկ պահում են բազմաթիւ
կիներ ու երեխաներ, որնք հետզհետէ կը գանեն իրենց ազա-
տութիւնը, եթի սուսական իշխանութիւնը այդ մասին անհրա-
ժաշտ սրոնումներն ու հարցուփորձերն անէ—ինչ որ չի կարելի
ուշացնել:

Կերպով անճետել ցեղը, բայց կոտորածները վրիպեցին
իրենց նպատակից, որովհետեւ նրանց ճիգերը կարող
էին փորձել միայն ազգի մօտ միահրորդի վրայ:

Ռուսաստանի, Պարսկաստանի, Եւրոպայի և Ա-
մերիկայի երիտասարդները կը գան լրացնելու թիւր-
քահայաստանի հայ ազգաբնակութեան մէջ առաջա-
ցած բացը, և մի քանի տարի դանդաղելուց յետոյ՝
սերնդաբերութիւնը կը սկսի նոյնպիսի թափով, ինչ-
պէս անցեալներում, բայց միանգամայն ազատաւծ
այն բազմաթիւ արգելքներից, որոնք խանգարում էին
նրանց բարգաւաճման: Հայ ընտանիքները միշտ էլ
նշանակալի են եղել երեխաների մեծ թւով, և եթէ
այդ ժողովուրդն ազատօրէն զարգանար, այսօր չորս
միլիոն չէր լինիլ նրա թիւը, այլ 12 կամ 15 միլիոն,
շատ աւելի, քան ամբողջ Օսմ. կայսրութեան մէջ ապ-
րուղ թիւրքերի թիւը:

* *

Ինչպէս բոլոր ձնշւած ժողովուրդների, նոյնպէս
և հայերի իդէալն է իրենց հայրենիքի վերականգ-
նումը. ինչպէս հարաւային ոլաւեանները, նրանք էլ
ամբողջ սրտով կը ցանկային միացած տեսնել այն
ամբողջ հողամասը, ուր խօսւում է իրենց լեզուն.
ուստի տեսականապէս տրամաբանական կը լինէր, որ
արևելքի այս քրիստոնեաները տեղաջնին կազմել մի
ինքնավար (աւտոնոմ) պետութիւն, որի սահմանների
մէջ մտնէր այն ամբողջ երկիրը, ուր զարերից ի վեր
ընակել է իրենց ազգը: Նրանք երբէք յաւակնութիւն
չունեն ցանկանալու, որ իրենց սահմանները լինեն
Տիգրան Մհծի թագաւորութեան սահմանները: Հայաս-

տանն այն ժամանակ ունէր 25 միլիոն բնակիչ, մինչ
այսօր, այնքան կոտրածների ենթարկւելուց յետոյ
նա առառաւելն 4 միլիոն է կազմում, որից մոտաւո-
րապէս կէսը բնակւում է քաղաքականապէս Ռուսաս-
տանի մասը կազմող հողամասերում:

Սնտարակոյս՝ տեսական իդէալը այն կը լինէր,
որ միացւէին և մի պետութիւն կազմէին Ռուսաստանի
հայաբնակ գաւառներն ու Երզրումի, Վանի, Բալէջի
Տիգրանակերտի, Խարբերդի, Սեբաստիայի նահանգ-
ներն ու Կիլիկիան, և հայ ազգի հողամասը տարած-
էր Փոքր-Կովկասից մինչև Ալեքսանդրետի ծովածոցը,
հայկական Տաւրոսից մինչև Ճորոխի գետահովիտը,
հիւսիսային Քիւրդիստանի Լեռներից մինչև Եփրատի
ափերը. բայց ոչ մի հայ չէ երազում այդպիսի իդէալի
մասին, որովհետև հիւսիսի հզօր հարկանը չէ կարող
հրաժարւել Անդրկովկասում իր զինւորական ու աշն-
տեսական շահերից: Ուստի մերժելով մի մեծ միու-
թիւն կազմելու ցնորսը՝ հայերն իրենց յոյսերը կա-
պում են 1913 թւականին նոյնինքն Ռուսաստանի
կողմից պետութիւններին արւած վեհանձն առա-
ջարկներին:

Հայկական հարցն այս վերջին տարիներում ամ-
բողջ Եւրոպայի աշքում բովանդակում էր միայն Թւր-
քահայաստանի վեց վիլայէթներն ու Կիլիկիան, Ռու-
բինեանների և Լուսինեանների նախկին թագաւորու-
թիւնը, որ բարենորոգման բոլոր ծրագիրներում շա-
րունակ յիշւած է մի յատուկ յօդւածով: Այդ վեց նա-
հանգներում և Կիլիկիայումն է, որ քսան տարուց
ի վեր տեղի է ունեցել այն ահաւոր ողբերգութիւնը,
որի առաջարկը սոսկում է պատճառի ամբողջ քաղա-

քակիրթ աշխարհին. այդ երկիրն է, որ ոռոգւած է
հայկական արիւնով. զա է, որ պահանջում է հայ
աղքն իբր իր սիփականութիւնը, հազարաւոր տարի-
ներից ի վեր իբր իր նախնիքների հայրենիքը, որի
համար նա շատ թանգ է վճարել:

Ռուսաստանի առաջարկները, որոնք համակրու-
թեամբ ընդունեցին Ֆրանսիայի և Անգլիայի կողմից,
և որոնց Բ. Դուռը այլանդակելուց յետոյ վերջիվերջոյ
ընդունեց, հակառակ Գերմանիայի ցոյց տւած ընդդի-
մութեան, արդէն բովանդակում էր վարչական իսկա-
կան ինքնավարութեան (աւտոնոմիայի) ուրւագիծը,
թէովէտ «վարչական» բառը չարտասանւեց: Առաջարկ-
ների մէջ յիշւած էր, որ հայկական վեց նահանգ-
ները միանալով կը կազմեն մի մեծ շրջան, օժտւած
առանձին բժիշկով, և կը կառավարեն մի եւրոպացի
ընդհանուր-նահանգապետով, որ կունենայ կատարեալ
լիազօրութիւններ՝ Սուլթանի գերակայութեան և պե-
տութիւնների կոնտրոլի տակ *): Միայն Թիւրքիայի
չարակամութիւնն ու անվստահութիւնն էին պատ-
ճառը, որ այդ բարենորոգումները չիրականացան:
Բայց այդ ժամանակից ի վեր գէպքերն ընթացան
խոշոր քայլերով. այլևս հարց չէ կարող լինել հայե-
րին Թիւրքերի լուծի տակ թողնելու մասին. Եւրոպան
երբէք չէ կարող հաւանութիւն յայտնել այդ բանին:
Հայ ժողովուրդը ինքն էլ յոյս ունի, որ իրեն կը
տրւի աղատութեան աւելի մեծ մի բաժին, որ հայ-

*) Այս մասին աեսնել ամենակրթւած ու զարգացած հա-
յերից մէկի՝ Ա. Չօպանեանի տւած լուսաբանութիւնները 1915
թւականի մայիսի 25-ին կարգացած «Հայերը Թիւրքական լուծի
տակ» բանախօսութեան մէջ:

Հոռվմէացիները, որոնք վարպետ էին մարդկանց կառավարելու գիտութիւնան մէջ, յայն աղատութիւն էին տալիս այն ժողովուրդներին, որոնց ապստամբութեան մասին չէին կասկածում. ասիական Յունաստանի «հոռվմէական գաղութիւները» դրամ էին կարում իրենց տեղական աստւածների խորհրդանշանով և կառավարում էին իրենք իրենց: Դա իր վեհանձնութեամբ ճարպիկ զարձած իմպերիալիզմի մի ձեռն էր:

Ամբողջ պատմութիւնը ցոյց է տալիս, որ եւրոպայի քաղաքական ապագան դաշնակցելու, ազգային տեխնիկները յարգելու մէջն է, և ոչ թէ միջազգայնութեան (ինտերնացիոնալիզմ) մէջ, որի միակ արդիւնքը կը լինէր ընդհանուր մակարդակի ցածրանալը: Միայն փոքր ժողովուրդների վերականգնումի առաջացրած մրցակցութիւնը կարող է նպաստաւոր լինել ընդհանուրի զարգացման:

Ինչպիսի յառաջդիմութիւններ են եղել հարաւային Ամերիկայում այն օրից սկսած, երբ այդ ցամաքամասը բաժանւեց անկախ նահանգների. դաշնակցական Գիրմանիայում հարստութիւն ինչպիսի անում տեղի ունեցաւ 45 տարուց ի վեր: Բայց և ինչ գժրախտութիւն, որ այդ կայսրութիւնը կազմւեց և զարգացաւ այն միակ նպատակով, որ ամբողջ աշխարհին հարկապէէ իր կողիտ տիրապետութիւնը:

Արդէ արդեօք Խուսաստանն իրեն կը միացնէ ամբողջ Հայաստանը, թէ իր սահմանը կը զծէ Առաջաւոր Ասիայի երկրների միջով: Այս վերջին տարագայում՝ Հայաստանի ամբողջ արևմտեան մասը նրա սահմաններից գուս կը մնայ:

Ես աւելի բան չեմ ասիլ Մեծ Հայքի վերականգ-

նման մասին. Խուսաստանի խոհականութիւնն ու հաւասարակշռութիւնն երաշխաւոր են՝ նրանում ապրող ժողովրդների համար: Ես աւելի կանգ կառնեմ Կիլիկիայի, «Սիսուանի» վրայ, որովհետև այդ երկրի ճակատագիրը գտնւում է բոլոր դաշնակիցների ձեռքում և միայն նրանցից է, որ կախում ունի հատուցանել այս աշխարհում երբեէ տեսնւուծ ամենամեծ անարդարութիւններից մէկը:

Կիլիկիայիները կամ Նոր-Հայաստանցիները (իբր հակաբրութիւն Հին-Հայաստանցիներին, այսինքն՝ Մեծ Հայքի բնակիչներին), եւրոպացիների բարեկամն ու դաշնակիցներն են եղել խաչակրութիւնների զժնդակ ժամերում. նրանք մեզ դարերով հաւատարիմ են մընացել և իրենց արիւնով են վճարել գէպի քաղաքակրթութիւնն իրենց ունեցած անձնւիրութեան համար: Ամբողջ Եւրոպան, և մասաւանդ Թրանսիան, պարտական է վերականգնել նրանց հայրենիքը: Զէ՞ որ մօտ հարիւր տարի առաջ ստրկութիւնից ազատեցինք յոյներին, որոնք ոչինչ չէին արել մեր համակրանքին արժանանալու համար. չէ՞ որ մենք հազար զոհողութիւն ենք արել ուրիշ ազգերին, որոնք իրենց արիւնը չեն թափել մեզ համար: Կիլիկիայի հայերին մենք պարտական ենք մօտ վեց դարուց ի վեր, ուստի և այդ պարտքը աւելի նւիրական է:

Կարող են առարկել, որ մի քանի ժողովուրդներ, ինչպէս Բուլղարիան ու Յունաստանը, որոնք ազատւած են մեր արեան գնով, վտանգի օրում լքեցին իրենց ազատարարների դատը, ուրեմն չպէտք է վստանել ազգերի երախտագիտութեանը. բայց այդ օրինակին ես կը պատասխանեմ հակագրելով Բելգիայի

հետեած գեղեցիկ ընթացքը, Սերբիայի ու Զերնոգո-
րիայի արիութիւնը, Ռումանիայի վճռական ու քաջա-
րի ընթացքը, չնայած, որ նրա վեհապետը Հոհենցոլ-
լերն ընտանիքից է: Շահերի կապակցութեամբ է, որ
ժողովուրդներին հնարաւորութիւն կը տրւի ազատ ըն-
թացք տալ իրենց զգացումներին: Նոր ազգերի նկատ-
մամբ մենք պէտք է ասենք, մենք պէտք է միացնենք
նրանց տենչանքները մերինների հետ:

Հայերն իբր իրենց ներկայացուցիչը, իրենց յոյ-
սերն իրականացնելու համար ընտրել են ազգի ամե-
նամեծ մարդկանցից մէկին, Պօղոս փաշա Նուպարին,
Եղիպառի մեծ վէզիր Նուպար փաշայի որդուն: Պօ-
ղոս փաշայի վրայ է, որ կաթողիկոսը, հայերի ընտ-
րած գերագոյն պետը, կենարոնացրել է իր ամբողջ
վստահութիւնն ու նրա շուրջն է, որ համախմբւած են
ազգի բոլոր կենսունակ ոյժերը՝ բոլորանւէր օժանդա-
կելով նրա հայրենասիրական գործին: Եւրոպական դի-
ւանագիտական աշխարհում նրա վայելած արդարացի
յարգանքը, նրան շրջապատող անկեղծ բարեկամու-
թիւնները հնարաւորութիւն են տալիս յուսալու, որ
նրա կոչերը լսելի կը դառնան հաշտութեան վեհաժո-
ղովի անդամների կողմից, և որ մարտիրոս ժողովրդի
համար կը ծագի նոր արշալոյս: Հայերի յայտնաբերած
միութեան, համերաշխութեան, դեսպիտինի պատ-
կերը, ամբողջ աշխարհում սկսուած նրանց ազգակից-
ների տենչանքների համանմանութիւնը, նրանց պազա-
րիւնութիւնը, տանջանքների և ամենազաժան անձկու-
թիւնների մէջ նրանց ցոյց տւած հպարտութիւնը ա-
պացոյցն են մեծ խոհականութեան, համաշխարհային
քաղաքականութեան խնդիրներում նրանց կատարեալ

ուշիմութեան և լաւ դրաւական են նրանց ազգի ա-
պակայի համար:

Սովորաբար Փոքր-Հայք են անւանում Ռուբին-
եանների և Լուսինեան իշխանների նախկին թագաւո-
րութիւնը: Արդ, այդ յորջորջումը չէ կարող գործած-
ւիլ, որովհետև հին ժամանակներում կար մի Արտենիա
տիօր (Փոքր-Հայք), Եփրատի աջ ափում: Նոյնպէս չի
կարող պահպանւել Կիլիկիա անունը, որովհետև նա
օտար է հայ ցեղին և շատ աւելի հին է, քան Ռուբին-
եան թագաւորութիւնը: Արմեն-Ծիլիկա (Հայաստան-Կի-
լիկա) մի անորոշ յորջորջում է, որ թւում է թէ
մի մերձաւորութիւն է հաստատում հնադար-
եան կիլիկեցիների և միջնադարեան հայերի միջն:
Վերջապէս Միսուսն անունն ուրիշ արժանիք չունի
բացի այն, որ մատնանշում է մի երկիր, որի մայրա-
քաղաքն է Սիսը: Ուստի ես կառաջարկեմ բոլոր այդ
յորջորջումները փոխարինել մի ուրիշ աւելի կատար-
եալ յորջորջումով և ասել՝ «Նոր Հայաստան!»

Այն երկիրը, ուր երբեմ իշխում էին Ռուբինեան
և Լուսինեան իշխանները, տարածում էր Փոքր Ա-
սիայի հարաւային կողմը՝ այն գաւառներում, որին
հները տւել են Կիլիկիա անունը:

Նա բոնում էր Միջերկրականի ծովափը՝ Տէղէ-
րէ-Հայից սկսած մինչև Ալեքսանդրեան շրջակաները:
Երկրի խործում նրա սահմանագիծը հետեւում էր Տաւ-
րոսին (Բուլղար դաղը, Ալա դաղը) մինչև Անտիտաւ-
րոս (Բիմբոզա դաղը), յետոյ Ամանոսի վրայով դար-
ձեալ իջնում էր գէպի ծովը: Արևելքից նա հգերւած

Էր Եղեսիայի և հարաւից Անտիոքի իշխանութիւններով, Ելտ զլխաւոր քաքաքներն էին Էրմէնէք՝ Ախթար չալի (Calucadnus) վրայ, Սելլկիա Տրահէ-ի նախկին Séléocie քաղաքը, Տարսոնը, Ագանան՝ Սիհունի վրայ, Սիսը՝ Զիհունի վրայ, Զէլթուն և Մարաշ՝ Լևոներում. Նաւահանգիստն էր Փայտա (Եռմուրթալու) Ալեքսանդրետի ծոցում:

Այդ երկրի մակերեսոյթն է մոտ 35,000 քռ. քլմ. ունի մեծ լեռներ՝ Տաւրոսը, Անտիտաւրոսն ու Ամանոսը, ուր պատահում էք և 3000 մետրից աւելի բարձունքների. Զի երկու մեծ հոսանքներ, Սիհունն ու Զիհունը ոռոգում են այդ երկրի մեծագոյն մասը և կազմում են երկու շատ պարագաներ. Լեռներից իջնող ուրիշ գետակներ խիստ բազմաթիւ են:

Այս հողամասի երկրաբանական ուսումնասիրութիւնը դեռ կատարւած չլինելով՝ անկարելի է ասել, թէ լեռները կարեոր հանքեր պարունակում են թէ ոչ Բայց և այնպէս, բազմաթիւ նշաններից երեւում է, որ շատ հաւանականաբար հանքեր կան՝ առանց հանքային վասելանիւթ մատակարելու:

Հուսինեանների երկրի տարածութիւնը կարող էր համեմատւել Եւրոպայի փոքր պետութիւնների հետ (Եվլեցարիայի, 41,000 քռ. քլմ. Բելգիայի՝ 29,400. Հոլանդիայի՝ 33000.), երկիրն ունի հողագործական բոլոր աղբիւրները, խաղողն ու ձիթապտուղն այնտեղ առատօրէն են աճում: Հովիտներն հրաշալի վարելա հող են հանգիսանում, և Տաւրոսի անտառապատ շղթաները տալիս են և փարթամ խոտ խաշնարածութեան համար: Կիլիկիան շատ հրաշալի կլիմայ ունի. բնութիւնից նոյնքան նպաստաւորւած է, որքան Սիւրբիան.

արեի ձառագայթներն ընդունելու տհամկէտով աւելի լաւ գիրք ունի, քան փիւնիկեան երկրները և տարւայ բոլոր հղանակներին առատօրէն է ոռոգում: Բայց այդ հարստութիւնները միայն ուտերն են այն բանի, որ հրանք պէտք է լինէին, որովհետեւ մահմեղական ուժիմը դարերից ի վեր ճնշել է բնութեան այդ բարիքների վրայ, որովհետեւ թիւրքն ու իր այծերը եկել են աւերածութիւն սերմանելու այդ բարեբեր գաւաներում: Հայերի եռանդը, համբերութիւնը, աշխատասիրութիւնը կը կարողանան յուղթահարել ժամանակների և բարբարոսների հասցրած ֆլուտները, և գաղտերից կը վանին ճահճատենդը (Ճալարիան) և Կիլիկիային կը վերադարձնեն նրա նախկին փայլը:

Գալով Կիլիկիայի պատմութեանը՝ ես աւելի յարմար եմ նկատում վերաբաղբել G. Schlumberger-ի գեղնցիկ յօդւածը՝ «Հայերը միջն դարում», որ վերջերս լոյս տեսաւ Journal des Débats-ում: Մեծ շահեկանութեամբ է կարգացում ակատեմիկոս-դիմանականի շատ հեղինակաւոր կարծիքը հայ ազգի մասին.

«Զիայ մի ցեզ, որ աւելի վատ ճանաչած լինի արեմուաքում: Համարեա ամեն մի ֆրանսիացու, նոյնիսկ զարգացած ֆրանսիացու համար, խնդիրը պարզ է—Հայերը դժբաղդ արեկլքցիներ են, հրէաների նման առևարով են պարապում արեկլքում, և թիւրբերը պարբերաբար ջարդում են նրանց:

Սրանով է սահմանափակւում Հայերի մասին ամեն ծանօթութիւն: Պարիզում գուցէ յիսուն մարդ չկայ, բացի հայկական զաղութից, որ մի հատիկ բարիմանայ այս ուշիմ, ճոխ բարեմասնութիւններով օժտած ցեղի բաղաքացիական ու զինորական փառա-

ւոր պատմութեան մասին: Հային միշտ տեսել են դարերով թիւրքի և նրա արբանեակ վայրագ քիւրդի դաւազանի տակ կըած վիճակում: Ոչ ոք չի անցկացնի մտքիցը, թէ դարեր շարունակ ամբողջ հայ ազգը զինւելով կրօնն ու հայրենիքը պաշտպանելու համար, իր ազգային թագաւորների, նախ Բագրատունիների և ապա Ռուբինեանների օրով առնւազն երկու անգամ ամենասքանչելի եռանդով կուել, հազարաւոր ընդհարութներ է ունեցել քրիստոնէութեան ահեղ թշնամիների—պարսիկների, մոնղոլների, թաթարների, սարակինոսների, թիւրքէնների, արաբների և թիւրքերի գէմ: Մանաւանդ Ռուբինեանների օրով, խաչակիրների ժամանակ, Փոքր-Հայաստանի թագաւորութիւնն արևելքի ֆրանկ իշխանութիւններին, Անտիոքի իշխանին, Երուսաղէմի և Կիպրոսի թագաւորներին վիթխարի նեցուկ է հանդիսացել՝ Հալէպի, Դամասկոսի և Կահիրէի մահմեդական իշխանների գէմ նրանց մղած անվերջ կոիւներում: Ռւբիշներին թողնելով պատմել զրպարտած հայ ազգի հոյակապ գործերի մասին՝ քաղաքակրթութեան, արւեստների և գուականութեան զանազան ասպարէզներում, ես կուզէի մի քանի խօսք տսել, թէ ինչ էին հայերը զինւորական տեսակէտով միջին դարերում: Նրանք, որ այսօր հոչակւած են իրը խաղաղ ու համակերպւող զոհերն ամենափայրագ բոնապետութեան:

«Հայաստանում առաջին քրիստոնեայ արքայական տունն էր Բագրատունեաց, այսինքն Բագրատի որդիների տունը: Սրանք իշխում էին Մեծ Հայում, որ է իսկական Հայաստանում, որ տարածւում է Փոքր-Կովկասի և Տաւրոսի լեռնաշղթայի արևելեան

մասի միջև: Բագրատունեաց հզօր թագաւորները միքանի պատերազմներ ունեցան բիւզանդական կայսրերի, բայց աւելի յաճախ մահմեդական կամ մոնղոլ վեհապետների դէմ: Եղաւ մի ժամանակ, երբ նրանք իրենց հրամանատարութեան տակ ունէին առաջնակարգ զինւորական ոյժ: Այդ շրջանում նրանք մահմեդական կամ բարբարոս ազգերի յարձակումների դէմ պաշտպանում էին Ասիայում Բիւզանդական կայսրութեան արեւելեան սահմանները: Նրանց հոյակապ մայրաքաղաք Անին, որի աւերակներն ես տեսել եմ քսան տարի առաջ, շրջապատւած յաղթաբերձ պարիսպներով, ունէր բազմաթիւ շըեղ շինութիւններ՝ վիմագիր արձանագրութիւններով, որոնք փորագրւած էին ամենագեղեցիկ կարմիր քարի վրայ: Դրանցից շատերն այսօր էլ կան այդ ողբերգական քաղաքում, Ախուրեան գետի խիստ ժայռոտ ափերին: Արքայական տունն ու մայրաքաղաքն ընկան Խլ դարում՝ ամենաքաջ դիմադրութիւն ցըց տալուց յետոյ, սելջուկեան թիւրքերի ներխուժումների կրկնակի հարւածների տակ:

«Յետոյ, Խլ զարու մօտերը, հայ ազգի մի մասը փախչելով յաղթովի անհանդուրժելի տիրապետութիւնից, գաղթեց Տաւրոսի միւս կողմը՝ հին Կիլիկիա: Այս մեծ հատւածն էր, որ միջին զարում հիմնեց Փոքր-Հայաստանի քրիստոնեայ նշանաւոր թագաւորութիւնը, որի պատմութիւնն այդ ժամանակից սկսած սերտօրէն կապւեց խաչակիրների պատմութեան հետ, քանի որ նա միաժամանակ հարևան էր Սիւրիայի քըրիստոնեայ իշխանութիւններին, որոնք հաստատւել էին զինւորական այդ մեծ ներխուժութերի առաջինից և Պոլսի ու Փոքր-Ասիայի վրայով Սիւրիա ուղղող մեծ

արշաւանքների վերջին էտապից յետոյ:

«Այս փոքրիկ թագաւորութեան արևելիան սահմանը խառնուում էր Փրանկ հողերի սահմանի հետ և տարածուում էր մինչև մի փոքր հեռու Օրոնտէի հովտից, այն ժամանակ արգաւարեր ու մարդաշատ, ուր գտնուում էր համանուն իշխանութեան մեծ քաղաքը՝ Անտիոքը, շրջապատւած բարձր ու շքեղ աշտարակների գոտիներով ու պարիսպներով: Շատ հետաքրքրական է պատմութիւնը հայկական այս թագաւորութեան, միջնադարեան այս փոքրիկ քրիստոնեայ երկրի, որ նախ սեղմւած էր Տաւրոսի անառիկ լեռնաշըղթայի խոր ձորերում, յետոյ հետզիետէ տարածւեց մինչև Կիլիկիայի ծովածոցի ափը: Հայերն այս երկրում հաստատւեցին, ինչպէս ասացի, XI դարու վերջում և իբր տոկուն և ուժեղ ցեղ, անդադար կըռւեցին բոլոր աշխարհակալների—Սիւրիայի, Հալէպի և Եգիպտոսի սարակինուների, ինչպէս և թաթարների դէմ, որոնք նրանց շրջապատում էին երկաթէ օղակով: Տեսանք, որ նրանց պետերն էին ազգային իշխաններ. Ռուբինեանները, Ռուբէնի յաջորդները, որոնք նախ պարզ իշխաններ կամ բարոններ էին, ինչպէս անւանում են նրանց խաչակրութիւնների ֆրանկ պատմագիրները. յետոյ իսկական թագաւորներ դարձան՝ օծւած հոռվմէական եկեղեցուց: Նրանց հպատակները, որոնք նախապէս բաղկացած էին լեռների մէջ պատսպարւած դղեակների շուրջը բոլորւած մի քանի գիւղերի բնակիչներից, շուտով ձեռք բերին այսպիսի հզօրութիւն, որ Սիւրիայում հաստատւած ֆրանկ իշխանների համար օգտակար և հզօր օժանդակներ եղան:

«Իրենց հերթին մեծանալով ու գորանալով բազմաթիւ խաչակիրների անակնկալ գալուստով՝ հայերը շատ անգամ նրանց վրայ յենւեցին մահմեդական բանակներին ցոյց տւած իրենց յուսահատ դիմադրութեան ժամանակ: Յետոյ, երբ մեծ աղէտներ վրայ հասան սրբազն երկրին, և խաչակրութեան նախկին իշխանութիւնների անուններն իսկ անհետացան Պաղեստինից ու Սիւրիայից, Կիլիկիայի հայերն էլ մահացու հարւած կըրելով այնքան աղէտներից, յաջորդաբար հարկատու եղան Կոնիայի սելջուկ սուլթաններին, թաթար խաններին և Կահիրէի մամելուք սուլթաններին: Նրանք մի տեսակ պաշտպանեալներն էին Կիպրոսի միւս լատին փառապանծ թագաւորութեան, որ արեւելքում այնպիսի արիութեամբ բարձրացրել էր Սալատինի և նրա յաջորդների յաղթանակներով Սիւրիայից վտարւած խաչի գրօշը: Լուսինեան տան իշխանները նոյնիսկ փոխարինեցին Ռուբինեաններին հայկական գանի վրայ: Վերջապէս ամեն ինչ կորաւ Կիպրոսի Լուսինեանների, ինչպէս և Հայաստանի համար: Եղիպտական ներխուժումը, երբ Կահիրէ գերի տարւեց վերջին հայ թագաւորը, ծխացող մենութեան փոխակերպեց Տաւրոսի կուսական սարալանջերն ու Ստորին-Կիլիկիայի դաշտերը:

«Հայ ազգի ամենամեծ մասը, բացի այն հայերից, որոնք մեծ զանգւածներ են կազմում Պոլսում և արևելքի մի քանի խոշոր քաղաքներում, մինչև այժմ էլ գրաւում է արևելիան՝ Տաւրոսից հիւսիս գտնուող թիւրբական վիլայէթները, որոնք յայտնի են ՄեծՀայք անունով: Բայց բազմաթիւ հայեր բնակւում են նաև Կիլիկիայի քաղաքներում, միևնոյն լեռնաշըղթայից

Հարաւ, որ կենդանի վկան է հրաշլիօրէն օժտւած
այս աղքի արևելքում ձեռք բերած կարեոր դիրքի:
Ամենքը յոյս ունին, որ աղէտների և կատորածների
դարաշրջանի վերջապէս փակւած է նրա համար:

«Ես չեմ կարող լրութեամբ անցնել, որ Բիւզանդիոնի ամենամեծ զինւորական կայսրերից շատերը հայկական ծագում են ունեցել: Բիւզանդական բանակի պատմութիւնը լի է հայաղգի նշանաւոր զօրավարների անուններով: Կրկնում եմ, որ ես ուզում էի միայն մի քանի խօսք ասել հայ ազգի պատերազմական հնաւանդ արժանիքի մասին; և թէ ուրիշներին եմ թողնում ասել, որ այնքան փայլուն յատկութիւններով օժտւած այս ժողովուրդն ինչեր է արել ժամանակին՝ արևեստների և գրականութեան աշխարհում:

«Փոքր-Հայաստանի մայրաքաղաքը, թագաւորանիստ Սիս քաղաքը, գետեղած էր համանուն բարձրագիր հովտում. յաճախ Ռուբինեան իշխաններն այնտեղ քաշեցին, մինչ դաշտերի միջով անցնում էր մոնղոլական, արաբական կամ եգիպտական ներխուժման ալիքը, որ հոսում էր գալիս աւերիչ Միջին-Ասիայի բարձրաւանդակից և կամ նիքատի ու Նեղոսի ափերով: Հայաստանի արդ թագաւորական դղեակներից մի ուրիշի մէջ է, որ կատարւեց, 1374 թւականին, գերագոյն ակտն այն ողբերգութեան, որ վերջ տւեց այս քրիստոնեայ հերոսական թագաւորութեան հոգեվարքին: Նրա բարձր պարիսպների յետև Հայաստանի վերջին թագաւոր Լևոն V պաշտպանւեց ինն ամիս՝ Կահիրէի սուլթան Մելիք-Աշրաֆ-Շաբանի եզրակացն ու եթովպական անհամար զօրքի դէմ: Ստիպւելով ծածկւած մնալ և սովի մասնւելով՝ նա

տեսաւ, որ իր թագաւորութիւնն ոչնչացւել է ամենամոռկալի աւերածութեամբ։ Նա երկար ժամանակ շղթայակապ մնաց Եփիպտոսում, Կահիրէի զղեակուս և վերջապէս, Արագոնի և Կաստիյլի վեհապետների միջնորդութեամբ, վերստացաւ իր ազատութիւնը։ 8 տարւայ գերութիւնից յետոյ նա մեկնեց արևմուտք, որպէս զի ինքն էլ աղերսէ կարեկցութիւնն եկեղեցիի և Եւրոպայի թագաւորների, որոնք ամենուրեք ընդունեցին նրան իր մեծ գժբախտութեան վայել յարգանքով։ Նրա համար սկսւեց մէկն այն ողիսականներից, մէկն այն թափառաշրջիկ ու տարօրինակ կեանքերից, որոնց մասին միջին դարերի պատմութիւնն այնքան շատ ու հետաքրքրական օրինակներ է տալիս մեզ։ Մերթ յուսալից, փայփայելով վերածնութեան ամենացնորական ծրագիրները, յետոյ ընկղմելով յուսահատութեան և գրեթէ կարիքի մէջ։ ապրելով արևմուտքի իշխանների նպաստներով, Լեոն VI յաջորդաբար բնակւեց Հոռվմում, Մադրիդում, Լոնդոնում և Պարիզում, ուր և մեռաւ 1293 թւականի նոյեմբ. 29-ին (16) Տուրնեի պալատում, Սէն-Պոլի ապարանքի դիմաց, որ Ֆրանսիայի թագաւորների սովորական բնտկավայրն էր։ Նա թաղւեց Կղեստինեան մատուռում, ուր և մնաց իր մարմինը մինչև յեղափոխութիւնը։ Նրա աճիւնն այն ժամանակ ցրիւ տրւեց, ինչպէս շատ ուրիշներինը։ Նրա շիրիմը նախ փոխադրւեց Պոտի-Օգիւստիների քրանսիական յիշատակաբանների թանգարանը. Restauratioն-ի ժամանակ դրւեց Սեն-Իենի արքայական դամբարանների մասնակում, ուր և պահւում է մինչև այժմ։ Նրա վրայ կայ հետեւալ արձանագրութիւնը. Cy gist très noble et ex-

cellent prince Léon de Linsignen (փոխանակ Lusignan-ի)
quint *) royaume d'Arménie, qui rendit
l'âme à Dieu à Paris le vingt-neuvième jour de novembre,
l'an de grâce mil trois cent quatrevingt et treize **).

*

**

Հայերի արդարացի պահանջներին բաւարարելու համար առաջադրուող լուծումների միջև կան այնպիսիները, որոնք անշուշտ դժւարութիւններ կը յարուցանեն հաշտութեան վեհաժողովի գումարման ժամանակ, եթէ հայերը ներկայացնեն այդ պահանջները: Բայց և կան այնպիսիները, որոնք ոչ մի կը սաս չպատճառելով համաձայնութեան պետութիւններին և նոյնիսկ ծառայելով նրանց շահերին, անտարակոյս նպաստաւոր ընդունելութիւն կը գտնեն դիւանագիտութեան կողմից: Ես կը բաւականանամ յիշել այդ կոմբինացիաներից զլիսաւորները:

Տեսանք, որ հայերի ամենից աւելի փայփայած երազն է կազմել մի պետութիւն, որ պէտք է պարունակէ թիւրքիայի վեց վիլայէթներն ու Կիլիկիան, որոնք իբր մի ամբողջութիւն, կունենան կատարեալ ինքնավարութիւն (աւտոնօմիա): Գաշնակիցների հաւաքական հովանաւորութեան տակ: Շատ հայեր իրականանալի են կարծում այս իդէալը՝ նկատի ունենա-

*) Մի քանի արքայական ցուցակներ Լևոն VI-ին տալիս են V թւանշանը, որովհետև Լևոն II, որին հայերն անւանում են Լևոն Մեծ, փոքր Հայաստանի առաջին վեհապետն է, որ ստացաւ թագաւորական տիտղոս:

**) G. Schlumberger, membre de l'Institut, «Les Arméniens au Moyen Age» (Journal des Débats, 10 mars 1916).

լով միայն իրենց ծայրաւեղ տառապանքը, որ նրանք կրել են այդ արդար գատի համար, միայն այն անձնիրութիւնը, որով նրանք բոլոր բանակներում ծառայել են համաձայնութեան պետութիւնների յաջողութեանը: Դժբաղդաբար այդ տենչերը կատարելապէս յարգելի լինելով հանդերձ, իրագործելի չեն թւում մանաւանդ ներկայ հանգամանգներում: Եւ սակայն ինչ որ շատ անվիճելիորէն յարգելի է այդ պահանջների մէջ, գա այն ցանկութիւնն է, որ պետութիւնները մի օջախ տան հայ ցեղին, մի դրօշ՝ նրանց ազգին—սա այնքան արդարացի է, որ իրօք դաժանութիւն կը լինէր շատ լուրջ ուշադրութեան չառնել այդ զգացումները:

Հնարաւորութիւնների սահմանում, հայերի ապագան պատկերանում է երկու կերպ—կամ ուստանալիան մի գաւառ կազմել, լայն աղատութիւններով, մի յարաբերական աւտօնօմիա, և կամ կազմել անկախ պիտուրիւն, համաձայնութեան բոլոր պետութիւնների կամ մէկի հովանաւորութեան տակ, բայց կատարելապէս ազատ իր ներքին գործերում՝ ապաստանած իր սեփական դրօշի ծալքերի տակ: Մնում է որոշել այս պետութեան սահմանները, ինչպէս և թուսաստանի հովանաւորութեան տակ մտնող գաւառի սահմանները. բայց ոչինչ չէ կարելի ասել թէ ինչ են լինելու ուուս պետութեան նոր սահմանները պատերազմից յետոյ, և թէ ինչ հատուցում են ստանալու Ասիական Թիւրքիայում՝ Անդիխան, Ֆրանսիան և Իտալիան: Բայց և այնպէս հարաւային և արևմտեան Հայաստանի հողերի գրաւումը ըստ երեսյթիւն համաձայնութեան ժողովուրդների բուռն ցանկութիւ-

նը չի կազմում: Ինչ էլ որ լինի, Փոքր Ասիայի ներք-
նամասում, Միջնկրական ծովի վրայ ելք ունեցող մի
հայկական պետութեան գոյութիւնը մեծ նեցուկ կը
հանդիսանար Սահայի տակաւին խիստ բարբարոս
մացած այս երկում հւրոպական ժողովուրդների
քաղաքակրթիչ ճիկերի համար: Դա հնարաւորութիւն
կը ստեղծէր՝ սանձահարելու ներսի թիւրք ժողովուր-
դը, որ բաժանւելով զանազան ժողովուրդների միջև,
հետոնետէ կը ստիպէր թողնել իր ուազմասէր հա-
կումները: Օսմանցիները շատ աւելի սակաւաթիւ են,
քան հարաւային Ռուսաստանի թաթարները: Դժւար
չէր լինի նրանց զսպել և դարձնել խաղաղ հողա-
գործներ ու հովիւներ: Մի հայկական պետութեան
գոյութիւնը շատ մեծ չափով կը նպաստէր այս յեղա-
շըման՝ անջատելով պարտած ցեղը և հետեարար
նրան գրկելով վերստին կինտրոնանալու հնարաւորու-
թիւնից: Այս նոր պետութիւնը, որ պէտք է պարու-
նակէ Կիլիկիան, կը տարածէի գէպի հիւսիս-արևելք և
գէպի հիւսիս՝ մինչեւ Ռուսաստանի նոր սահմանները:
Անհրաժեշտորէն նա պէտք է մտնէ համաձայնութեան
գոնէ մի մեծ պետութեան ազդեցութեան շրջանի մէջ,
և յանձնառութիւններով կապւած լինի իր հովանա-
ւորների հետ. բայց պայմանագրերը կարող են փոխա-
նակւել առանց վնաս հասցնելու նոր Հայաստանի ազ-
գային ազատութիւններին՝ հաշւի առնելով ազգային
անկախութեան պահանջած նկատումները: Բիլգիան
հովանաւորած է պետութիւններից, բայց գրանով ո-
չինչ չի կորցնում իր առանձնաշնորհումներից:

Եգիպտոսում, Տունիկում, Տրիպոլիսում, Մարո-
կում, Կամբոջում և շատ ուրիշ երկներում, ուր ըլ-
նակում են այնպիսի ժողովուրդներ, որոնց զարգա-
ցումը բաւարար չէ, որ կարելի լինի նրանց բացար-
ձակ ազատութիւններ տալ, եւրոպական հովանաւո-
րութիւնը անխուսափելիօրէն կը ստանայ կառավա-
րական ձև. այդ բանը չպէտք է լինի հայ

զի նկատմամբ, որովհետեւ նա շատ զարգացած է ա-
մեն տեսակէտով էւ Նրան պէտք է նոյնացնել եւրո-
պական փոքրիկ պետութիւնների հետ և վարւել նոյն-
պիսի յարգանքով, ինչպէս Բելգիայի, Սերբիայի և
Չեռնոգորիայի հետ: Պարզ է, որ Հայաստանը պե-
տութեան վերածելլ մի նոր ազգի արշալոյալ չէ, այլ
վերականգնումը նրա նախկին իրաւունքների, որոն-
ցից նա անարդարացիօրէն զրկւած էր բարբարոս
վայրագութեամբ: Երբեմնի հզօր այս ժողովուրդը նը-
սովմայեցների, բիւզանդացիների և պարսիկների
հետ վարւում էր այսպէս, ինչպէս հաւասարը հաւա-
սարի հետ, ազատութիւն ստանալու համար նրա տըւ-
եալները համեմատելի են Լեհաստանի և Բոհեմիայի
տւեալներին: Նրան չի կարելի նոյնացնել պատմու-
թիւն չունեցող այն համարների հետ, որոնք ապրում
են ցիրուցան վիճակում թէ Եւրոպայում և թէ Ասիա-
յում,—դա կը լինէր նրան նսեմացնել քաքագիրթ
աշխարհի աչքում, իր իսկ աշըռում:

Ինչ էլ լինի հաշտութեան վեհաժողովի ընդունե-
լիք ձեւը թիւրբական հողերի բաժանման հարցում, հաւ
ժողովրդի աշխարհագրական ու քաղաքական վերա-
կանգնումը կը մնայ վերին աստիճանի արդար մի
գործ, որ պէտք է կատարեն հայերի պաշտպանները—
դա հատուցումն է, հնարաւոր սահմաններում, այն
նիւթական հսկայական վնասի, որ այդ ցեղին պատ-
ճառել են իր հալածիչների հարստանարութիւնները:

Բոլոր շարժական կայքերը կողոպտւած, ցրիւ են
արւած մարտիրոս ժողովրդին քաղաքներից և գիւ-
ղերից տեղահանելուց յիշոյ, և թիւրք, ըիւրդ ու լալ
մահմեղականներն են տիրացել նրանց: Դա հասարա-
կական իրաւունքի գէմ մի այնպիսի յանցանք է, որ
պատժելի է լուրոր երկրների օրէնքներով: Բայց այդ
յանցանքներն այնքան բազմաթիւ են, որ համարեա
անկարիլի կը լինի հետապնդել նրանց բոլոր հեղի-
նակներին և հատուցում ստանալ: Այսու ամենայնիւ-

պետութեանները պարտականութիւն պէտք է համարեն իրենց՝ գտնել յանցաւորներին և պատժել:

Ինչ վերաբերում է անշարժ կայքերին, հարցն աւելի հեշտ կը լուծւի: Դեռ ևս կանգուն աներն ու հողերը պէտք է վերադարձնեն իրենց տէրերին և կամ կոտորածների ժամանակ մեռածների ժառանգորդներին:

Բանն այն է, որ այդպիսի հեկատոմբից յետոյ շատ ընտանիքներ բոլորովին անհետացել են, ուստի ոչ մի ազգական, նոյն իսկ հեռաւոր, չէ ներկայանալու ժառանգութիւնը պահանջելու համար: Այդ չպահանջւած ինչքերը, համաձայն օրէնքի, պէտք է դաւան այդ հողերին տիրող պետութեան սեփականութիւնը: Արդ, այդպիսի մի կարգագրութիւն աղաղակող անսարդարութիւն կը լինէր հայ ազգի դէմ, որ իր անդամների աշխատանքով ու խնայողութեամբը ձեռք է բերել այդ ինչքերը: Օրինաւոր է թուում այդ կայքերը թողնել հայերին, և կառավարել տալ հայերից կազմած տեղական խորհուրդներով, հովանաւոր պետութիւնների հսկողութեան տակ, և այդ կայքերի հասոյթները յատկացնել թեթևացնելու այն թշւառութիւնը, որի մէջ, գտնւում է ընտանիքների մեծագոյն մասը:

Պատերազմից յետոյ երկար տարիներ կարելի չէ մտածել այդ առկախ մնացած հարստութիւնների յարգարման մասին: Այդ յարգարումը տեղի կունենար շահագրգուածների համար աղէտալի պայմաններում, այդ հողերը կարելի է վարձու տալ և հասոյթներով խնամել թշւառներին:

Այդ վերին աստիճանի արդար կարգագրութիւնները հնարաւորութիւն կը տային օգնութեան համար կոտորածներից վերապրողներին, որոնք մեծ մասամբ կիներ և երեխաներ են, և որոնք, եթէ նոյն իսկ ուներ լինեն, անկարող կը լինեն կառավարել իրենց ինչքերը: Կարենոր կը լինի նրանց վրայ նշանակել ընդունակ վարիչներ, որպէսզի հոգ առնեն այդ կիների և միոքանակների գործերին՝ շատ լուրջ հսկողու-

թիւն կատարելով այդ պաշտօնեանեցի վրայ: Մահից խուսափելու համար բազմաթիւ հայեր ժամանակաւորապէս իսլամացած են. բայց հէնց որ ապահովութիւնը վերահաստատւի, նրանք կը վերադառնան հայ ազգի ծոցը. այդ մասին տարակոյս չկայ: Սակայն, կիների ու երեխաների միջև կամ շատերը, որոնք գնւած կամ բռն ոյժով խլւած լինելով մահմեղականների կողմից, հակառակ իրենց կամքի ծածկւած հն պահում: Պէտք է աղատել վրանց և շատ խիստ պատիժների ենթարկել այն մահմեղականներին, որոնք կը մերժեն նրանց աղատ արձակել: Այդ կիներն ու երեխաները շատ հեշտութեամբ կը ձանաշւեն, որովհետեւ հայերէն են խօսում, իսկ թուրքերը, քիւրդերն ու լազերը հայերէն չգիտեն:

Բազմաթիւ կիներ ու աղջիկներ իբր հարճ առնած են բարբարոսների կողմից և աղատելիս մայրացած վիճակում կը գտնւեն: Դա արգելք չպէտք է լինի աղատագրելու նրանց և նրանց երեխաներին: Այն ժամանակ անտէր մնացած կայքերում կը հաստատւեն անհրաժեշտ աղատարաններ՝ այդ փոքրիկ էակների գոյութիւնն աղանովելու. նրանց համար կը ստեղծէի մի բարոյական զրութիւն, որպէս զի այն բռնաբարումները որոնց ծնունդն են նրանք, արաւ չլինեն նրանց, ինչպէս և նրանց մայրերի համար:

Թալով յանցաւորների ղատժելուն, արդիօք երբեք կը կատարւի այդ: Պէտք է կարծել, որ ոչ որովհետեւ շատ բազմաթիւ են նրանք: Թիւրքիայի ոչ արար մահմեղականներին է, որ պէտք է պատժել իրենց ամբողջութեանը մէջ վերցրած, ոչ թէ անհատական գատապարտութիւններով, այլ այդ մարդկանց դնելով աւելի ստորին մի վիճակի մէջ բազգատմամբ այն ժողովուրդներին, որոնց նրանք դարերից ի վեր մարտիրոսագրել են: Թիւրքերի և քիւրդերի զինաթիվումն այդ ցեղերի մէջ կը ցամաքեցնէ բռնութեան բնագիները և մի քանի սերունդներ կը բաւեն, որ թիւրքիայի մահմեղականները, անհրաժեշտութիւնից

ստիպւած, դառնան այնպիսի խաղաղ մարդիկ, ինչպէս են հարաւային Ռուսաստանում, Եգիպտոսում և Հնդկաստանում ապրող մահմեդականները:

Այս ուսումնասիրութեան այն գլուխներում, ուր հարց է յարուցւում Ասիական-Թիւրքիայի անդամանատութեան շնորհը, ես խօսել եմ միայն հայ ազգի մասին, և միայն անցողակի յիշեցի օսմանեան հողի վրայ ապրող միւս ազգութիւնները—դիւրզիները, սիւրիացիները, բաղրէացիները, բապտիստները, հրէաները: Մոռացմամբ չէ, որ ես հրաժարւել եմ ի լոյս հանել այդ համայնքների արդար պահանջները, այլ նրա համար, որ այս ուսումնասիրութիւնը չէր կարող ընդգրկել Թիւրքիայի բոլոր ազգերին: Նրանցից մի քանիսը (հրէաները, բապտիստները, բաղրէացիները) չեն պահանջում ազգ կազմել. իսկ միւսների (դիւրզիներ, սիւրիացիներ), որոնք երբէք քաղաքական միաւորներ չեն կազմած, ցանկութիւններն անշուշտ նկատի կանսեն պետութիւնների կողմից: Բայց զըժւար է թուում տալ նրանց բացարձակ ինքնավարութիւն: Ես յաճախ ֆրանսիան եմ վերցրել իր բազմազանութեան օրինակ այն ժողովուրդների, որոնց միութիւնը կազմում է մեծ պետութիւնների մեծագոյն մասը: Մեր երկրների այդ այլացեղերի միջև կան շատերը, որոնց ազատութեան համար տևեանները աւելի շատ են, քան սիւրիացիներին ու դիւրզիներինը, և սակայն ընդհանուրի շահը պահանջում է, որ ազատութիւն արւի նրանց միայն նահանգականութեան ձևով:

Թուում է, թէ մեծ հաշեցարդարի օրը Սիւրիան, Քէօլէ-Սիւրիան և ուրիշ հողամասեր էլ կը դրեն ֆրանսիայի հովանաւորութեան տակ: Այս երկրամասում տարբեր ցեղերի պատկանող շատ ժողովուրդներ են ապրում. ամենըն էլ գեռ պահում են իրենց նախնիքների աւանդութիւնները. նրանց ոգեսրում է ազատութեան մի վահմ տեսչ. խաչակրութիւնների շփոթիշողութիւնը նրանց մէջ մնում է այն ժամանակնե-

րից ի վեր, երբ քրիստոնեաները—կարող էին բարձր պահել իրենց գլուխը: Անտարակոյս ֆրանսիան, հաւատարիմ իր վեհանձութեան դարաւոր սկզբունքներին, սիւրիացիների հետ չի վարւի ի բր հպատակների որոնց նրանք կատարեալ արդարացիորէն իրաւունք ունին—մի մեծ անկախութիւն: Սիւրիացիները սիրում են մեր երկրը. գէպի մեզ է, որ դարերից ի վեր երկարում են իրենց աղերսող ձեռքերը և մեր եռագոյն դրօշը նրանց երեւում է որպէս վերածնունդի խորհրդանշան: Մեր կառավարութեան մի ժեստը բաւական է, որ այդ հնչւածների ողբերը, տրտունջները փոխակերպւեն երախտազիտութեան: Պիտի անհնք այդ ժեստը, որովհետեւ ֆրանսիան երբէք չի դադրի ֆրանսիա լինելուց:

ԵԶՐԱՓԱԿՈՒՄՆԵՐ

Նախորդ էջերից պարզ երեւում է ազգութեան բնոյթագիծը ճշգկելու դժւարութիւնը: Գիտական բոլոր սահմանաւորութեան մի կարելի է տալ այդ մասին, թերի են, ինչ էլ որ ընդունենք իր հիմք, —լեզւաբանութիւնը, ազգագրութիւնը, պատմական աւանդութիւնները, եթէ հաշւի առնենք նոյն խոկ տնտեսական և զինուրական շահերը: Բնընան այսպէս է բնոյթագծել ազգութիւնը. «Մարդկանց մի խումբ, որ ուզում է ազգ դառնալը»—շատ հանճարեղ բացատրութիւն, որ մատնանշում է նպատակը, բայց լուսմ է պատճառերի, ծագման և իրաւունքների մասին: Ուստի պէտք է առանձնապէս ուսումնասիրել ազգ դառնալու պահանջնող ժողովուրդներից իւրաքանչիւրը, քննել ոչ միայն նրա տևեանները, այլ և կենսունակութեան այն պայմանները, որոնք կը յայտնաբերւէին նրա պետութիւն դառնալովը, որպէս զի ապագայում նա մտատնջութեան աղբիւր չը լինի իր հովանաւորողների համար Մի քանի ժողովուրդներ, ինչպէս չեխերը, ունեն պահանջւած բոլոր յատկութիւնները, և հողամասերը

Նպաստաւոր են նրանց ինքնավարութեան վերականգնման համար, ուղիղներ, ինչպէս հայերը, թւում է, որ երկու մասի պէտք է բաժանեն, մէկը Ռուսաստանի տիրապետութեան տակ, միւսը կատարելապէս աղատ, կամ մի քանի պիտութիւնների հովանաւորութեամբ։ Վերջապէս մի շարք պետութիւններ գեռ անկատար են, ինչպէս Ռումանիան, Բուլղարիան, Արբիան, Դանիան և աղասում են միացնել մինչեւ այժմ օտար տիրապիտութեան տակ պահւած իրենց եղբայրներին։

Գալով այն ժողովուրդներին, որոնք վերջին համաշխարհային պատերազմն արծարձելու մեծ ոճիրը գործեցին, նրանք արժանի չեն ոչ մի կարեկցութեան, նրանք, ինչպէս հիւսիսի և հարաւի գերմանացինները որոնք միևնույն ազգութեանն են պատկանում, պէտք է հաւասարապէս պատժւեն, և յետազայռում վնասելու անկարող մի վիճակի վերածւեն։ Աւտորո-Հռւնգարիան իր կազմութեամբն իսկ կոչւած է անհետանալու աշխարհագրական բարտէզից՝ տեղի տալու համար իրենց ազգային ձգտումների համաձայն ինքնորոշող ժողովուրդներին։ Ինչ վերտբերում է Թիւրքիային, նրա ոճիրները զատապարտում են նրան քաղաքական անկան։ Լեզւաբանական այս խմբակի շատ ներկայացուցիչներ արդէն հապատակ են Ռուսաստանին կամ Պարսկաստանին։ Այդ ցեղի վերջին միջուկը, որ անկախ է մնացել, անարժան հանդիսացաւ ազատութեան, և այդ ազատութիւնը պէտք է խլի նրա ձեռքից։

Ուրեմն մօտ է այն օրը, երբ արշալոյսը կը ծագի նոր ազգերի, բարբարոսների լուծից ազատագրւած նոր ժողովուրդների վրայ. զա Եւրոպայի համար կը լինի արդարութեան տիրապետութիւնը, և արդարութեան հետ կը գայ նաև ամենքի ազանովութիւնը։ Եթէ գուարութիւններ ծագեն, կը յարդարւեն Լահերի (Հապի) միջազդային զատարանով։ Խաղաղասէրները կը հանեն իրենց իդէալին, որ ձեռք բերւած կը լինի արդկացիոն ուղղեգրութիւնների մէջ ամենասոսկալին ներկայացնեալով։

«Ազգային գրադարան



NL0200801

